


大濟郵政特准掛號認爲新聞紙類

第 三 年

東 方 雜 誌

第 七 期



光緒三十三年六月二十五日發行

售例

五月二十五日改正

丙午年東方雜誌售例

一本雜誌零售每册大洋三角預定全年十三册大洋參圓增報一册本埠外埠外國一律郵費詳後二外埠郵費全年六角日本同外國郵費全年壹元五角如零售者郵政已通之處每册郵費伍分外國每册郵費壹角至未通郵政之處民局寄資閱者自給三凡至總發行所定購者務請將資費送交總發行所收銀後當付收據惟未能照章寄足者祇可照零售例每册以大洋銀三角計算寄足應得冊數為止四在總發行所定購者本埠按期派送不取酒資五凡一人定購五份寄送一處者照價九折拾份者八折六在總發行所定購者如遷徙他處務託安人代收一面知照總發行所改寄惟已寄原處之報不能複寄其在代售處定購者自向代售處商辦總發行所不能接寄七總發行所按期寄送以郵局民局回單為憑中途遺失閱者自理八凡在代售處購報者報價郵費與總發行所一律由代售處逐月函寄總發行所清理帳項照通例以八折核算餘二折作為酬勞惟至少以五份起碼代售至二百五十份者七五折五百份者七折七百五十份者六五折一千份者六折惟郵費分文不扣

一本雜誌總發行所在上海棋盤街中市 商務印書館內 本埠寄售處 各書坊 外埠代售處 (京都) 商務印書分館 公慎書局 振

(天津) 商務印書分館 官書局 紫氣 奉天) 商務印書分館 振泰報局 錦州 同益分館 (廣東) 廣州 商務印書館 聖教書樓 英文書莊 嘉應 啟新書局 (福建) 堂 售報處李茂林 孟晉協記

福州 商務印書分館 美 浦城 私塾改良 湖北) 武昌 中東書社 漢口 商務印書分館 四川) 成都 商務印書分館 廣 華書局 益記書莊

瀘州 開智 河南) 開封 商務印書分館 總派 歸德 迪新閱報社 懷慶 探派圖 湖南) 長沙 集益書社 開智書局 山東) 濟南 官書局 書 局 益智官書局

南 安邱 啟後堂 煙臺 誠文 浙江) 杭州 崇實齋 甯波 新學會社 紹興 萬卷書樓 江西) 南昌 開智書局 源發報莊 江蘇) 張鐵生 益智官書局

蘇州 公益會社 南京 中西書局 揚州 華源 陝西) 西安 通泰書局 程小亭 容德堂 山西) 太原 德業書局 書業 甘肅) 蘭州 總派 來青閣 啟新書局 公社

東京 金港堂 直書官書局 保定) 萃英山房 蘇州 公社

東方雜誌第七期目錄

圖畫

日本首相西園寺公望

日本內務省大臣原敬

煙臺

漢口

緬甸伊洛瓦底江

印度巴達克山

社說

選論附

孟子學說爲西學之祖說 本社撰稿

荷介

宗教揚權引論 本社撰稿

趙照

中國土地人民之問題 錄丙午五月初三日南方報

論救中國必先培養國民之公德 錄丙午五月二十九日新報

諭旨

五月全

內務

警察籌畫 錄丙午四月二十二日申報

順天楊寶書稿

出使各國大臣會奏請宣布立憲摺

刑部都察院會奏議覆虛擬死罪改爲流徒摺

刑部奏嚴定偽造郵票並冒用舊票等項治罪章程摺

各省內務彙誌

教育

實業教育 錄丙午五月十一日中外日報

侯官廳復在上海商部高等實業學校演說

比利時教育狀況 節錄丙午第四期教育世界

學部奏陳本部官制摺

學部奏陳各省學務官制權限等事宜摺

學部左丞前江南道監察御史喬奏請申明正學摺

各省教育彙誌

各省游學彙誌

國民與學

學生立會

各國教育彙誌

財政

論中國釐金稅 湘潭楊度撰

財政處戶部會奏議覆各省膏捐辦法摺

中德會訂青島設關徵稅條款

光緒三十一年各海關稅額加增表

各省理財彙誌

各國財政彙誌

交通

籌辦滇蜀鐵路議 節錄滇省旅京開通省父老書

商部奏請預定路線摺

商部奏定新甯鐵路章程摺

前工部左侍郎商約大臣盛奏覆蘇杭甬鐵路草約自
可作廢摺

兩湖總督張奏陳收回粵漢鐵路自辦摺

各省航路彙誌

各省鐵路彙誌

商務

各省電政彙誌

各省郵政彙誌

論各國經濟競爭之大勢 錄丙午第一期商務官報

商部奏奉天設立商務總會摺

盛京將軍趙奏設奉天華產商品陳列所摺

商部奏定破產律

各省商務彙誌

美國華商大概情形
美人擴張對華貿易

宗教

論欲弭教案宜講求吏治 錄丙午三月二十六日中外日報

兩湖總督張密電奏陳查辦南昌教案情形稿

中法新定南昌教案善後合同

浙江洋務局會訂湖州海島祠學基地辦法合同
英商監理會

各省教務彙誌

各國救務彙誌

小說

美人煙草 已完

雜俎

光緒三十二年五月中國事紀

附閱四月事紀補遺

叢談

多明我沸湖

電車路廣

轟散冰雹

醫具精良

炸彈新製

航海新器

無線電之發達

電製迷奇

占風雨新法

杖端攝影

膜內攝影

攝影新法

顯微利器
布種辟鳥法

製象皮法

製寶石法

不銹墨水

薄紙造錫

機器代置

盤中火山

孕兒奇法

目 錄

三

丙午


目 錄



四

六 月

望 公 寺 園 西 相 首 本 日



原书空白页


日本内務省大臣原敏



原书空白页


臺

煙




口

漢



原书空白页

緬甸伊洛伊瓦底江



印度巴達達克山



原书空白页

社 說

選論附

孟子學說爲西學之祖說 本社撰稿

荷 介

當中國春秋戰國時代。學術爭鳴。而孟子獨翹然傑出。爲千古哲學之鉅子。惟時希臘七賢。亦接踵而興於歐西。與我亞東之孟子。遙相輝映。然今日歐西之文明。雖自謂發源於希臘。而按之孟子之學說。蓋在在隱相符合。則烏知孟子一書。不猶之可蘭一經。摩西十誡之早已越印度。逾埃及。而抵地中海之西岸哉。不然。胡今日所謂西學者。皆若剽竊孟子之緒餘也。卓哉孟子。其真中國二千年前獨一無二之豪傑。而爲歐西之學界所崇拜而歡迎者矣。茲特畧舉數端。以徵吾說之不謬。

孟子開口卽言仁義。而不言利。宋儒釋爲計利則害義。謂利爲人欲之私。故孟子力遏之。不知孟子所謂先義後利。卽西儒公益公利之說。惟其重在公益。公利。故見梁王於沼上。則言與民偕樂。與齊王論好樂。則言與百姓同樂。又與齊王論文王之園。則言與民同之。蓋利私諸己。則謂之利。利公諸人。則謂之仁。義而之數說者。又卽今日西人公園俱樂部之所自仿也。其餘言仁義處。皆所包甚廣。不在此例。

一富國強兵之說。西人所尙。而孟子深斥之。至詈以民賊。抑若其所深惡痛嫉無過於是者。不知孟子屢言王政皆以黎民不飢不寒爲極。則又曰易其田疇薄其稅斂民可使富。又曰聖人治天下使有菽粟如水火。惟當時爲農業時代。故其言富國必以重農時制民產爲起點。曷嘗不言富國耶。孟子每言及湯武必刺取征葛伐紂之事。津津道之。又天時地利人和之說。皆始於孟子。曷嘗不言強兵耶。孟子所斥爲民賊者。蓋謂夫託於富國而剝民自奉。託於強兵而殘民以逞者耳。惟孟子鑒於當時爭地爭城殘殺同胞之慘劇。常慨然有世界大同之企望。其對梁襄王曰不嗜殺人者能一之。蓋其所謂一者。非謂混一中國謂混一地球也。若解爲混一中國。則中國歷代開拓之君無一不嗜殺人在。孟子爲不知言。孟子嘗謂善戰者服上刑。此皆大同世之理想。與西儒拍拉圖之學說相發明。而今日之萬國平和會皆本此說以成立者也。

一近世英儒斯賓塞始著書力闢神權。在斯賓塞生當神權將熄時代。固宜有是。孟子生當神權極盛之時代。宜其迷信甚深。猝難解脫矣。然觀其全書七篇無一語及於祈禳禱祠之事。其論舜有天下也。曰使之主祭而百神享之。是天受之。語意似注重神權。然旋即自解曰天視自我民視。天聽自我民聽。以民爲天之代表。又以莫之爲而爲者爲天。則與神權仍無

關。涉。又。謂。旱。乾。水。溢。則。變。置。社。稷。其。蔑。視。神。權。更。可。想。見。此。其。識。見。之。超。恐。斯。賓。塞。亦。當。見。而。心。折。矣。

一。尊。民。權。抑。君。權。之。說。始。自。近。代。法。儒。盧。梭。孟。子。時。中。國。君。權。之。重。雖。未。達。於。極。點。然。國。君。所。處。地。位。已。如。神。聖。之。不。可。侵。犯。孟。子。獨。毅。然。叛。為。民。貴。君。輕。之。說。而。目。桀。紂。為。獨。夫。又。曰。夫。民。今。而。後。得。反。之。也。又。曰。君。之。視。臣。如。草。芥。則。臣。視。君。如。寇。讐。如。是。等。語。皆。由。其。特。重。民。權。之。理。想。發。出。且。凡。兼。重。民。權。之。國。必。有。議。院。孟。子。與。齊。王。言。進。賢。舍。不。才。之。道。不。惟。視。左。右。諸。大。夫。之。言。為。可。否。并。必。視。國。人。之。言。為。可。否。非。泰。西。上。下。議。院。之。規。模。乎。

一。愛。同。種。排。異。種。之。思。想。惟。孟。子。為。最。盛。伊。尹。思。天。下。之。民。匹。夫。匹。婦。有。不。被。堯。舜。之。澤。者。若。已。推。而。內。之。溝。中。數。語。七。篇。中。凡。再。見。其。愛。同。種。也。可。知。魯。頌。戎。狄。是。膺。兩。語。七。篇。中。亦。再。見。其。排。異。種。也。可。知。今。日。西。人。之。斷。斷。於。種。界。而。於。同。種。則。愛。護。之。異。種。則。摟。斥。之。者。亦。即。此。意。

此。外。又。有。偶。摘。其。一。二。語。即。可。與。西。學。相。印。證。者。如。言。井。田。之。法。謂。當。出。入。相。友。守。望。相。助。可。見。其。於。地。方。自。治。首。重。合。羣。如。言。制。民。之。產。必。及。庠。序。之。教。申。以。孝。弟。可。見。其。於。陶。鑄。國。民。尤。尚。德。育。答。齊。王。問。交。鄰。國。一。篇。蓋。近。世。外。交。家。之。鼻。祖。養。心。莫。善。於。寡。欲。數。語。實。西。醫。

衛生學之先河。其言優勝劣敗。則曰仁則榮。不仁則辱。其言強權公理。則曰小役大而弱。役強其答。齊宣湯放桀武王伐紂一章。則拿破崙克林威爾之所歡迎也。其告滕文強爲善效。死勿去等語。則古魯家烏圭拿度之所矜式也。曰強恕曰推恩。卽基督教之黃金律。曰盡心曰知性。實哲學派之大宗。師曰不孝有三。無後爲大。此法國鰥夫之稅。所以通行曰內無怨女。外無曠夫。此一夫多妻之制。所以永革至其生平所竭力致死不避艱險以從事者。尤莫如保教一事。曰能距楊墨曰私淑孔子曰守先王之道。以待後之學者。七篇之中。於此蓋三致意。此卽血戰二百年之紅十字軍所由起也。嗚呼。歐西數十國之學術。宗教。政治。法律。成於數十百專門名家之手。者。孟子獨以一身賅之。是今日歐西數十國之文明。卽謂其拾中國孟子之唾餘亦可也。夫孟子生平所學。他人僅得其一體。已足強盛其種族。擴張其國勢。鷹麟虎視。稱雄全球。獨不解中國數百萬之同胞。何以口沫手胼。畢生兀兀於孟子七篇。而皆若熟視無覩也。不其恫歎。

宗教揚權引論 本社撰稿

蘊 照

任世界進步至何等地位。宗教之作用。終不消滅。此其理由有二。如下云云。
一、自科學進步。宗教已大受攻擊。蓋往者。宗教家所謂造天地人物之主宰。在今日三尺童

子。稍明科學緒餘。已能辨其誣矣。按泰西人至近百年來始明此理吾國雖在古時即已有

國也以不同之形相爐又如王輔嗣言造物者物自出也其他然科學家言僅能闡發物之

似此者尙夥稍微一二以見吾國古代之開化實超一國於萬國用而於物之本體終莫能明任舉一物皆有莫解之疑團此其不可思議者宗教家正可藉

此而得有藏身之固是科學終不足以破宗教故宗教得以長存以上所言乃四方哲人所

本體不能見者以人能見物但憑官該官該之力有窮故物之本體不能見耳然今日電術

功用其物亦人所不見其所探獲已非藉官該直按之力浸假之生理益不能見於人身見有官

塵之外而更得有時或當有用必將有得於六一治化益演進人類益不平等其藉以紓痛苦者正賴宗教假如未來人類苟有平等之一

境則人類必先有經驗相同職事相同馴致演為智力平均之一境而後乃有真平等之境

然則此境苟能有乎循天演公例與夫計學分工之公例以測人類之未來則凡久習一業

者必具一種獨優之德慧智力如依目為業之人業性傳衍其目必獨明於他人依耳為業

之人業性傳衍其耳必獨聰於衆人其餘用手用足之人莫不準此寢微寢著遞推遞積則

未來世界人類官骸且有有不齊之勢安有所謂平等既不平貧富苦樂相差實甚彼其貧

苦之人能以容忍存活者亦正藉有身後世界之天國得以慰懌此人類益進益不能不相

資於宗教者

信如上說。宗教宜得長存。矧今日人類。其道德根於宗教者。實居其大部分。其道德爲法律所化裁者。猶居於小部分。是故人類資賴於宗教之殷。可以不言而喻。故今日治道蒸蒸之國。其教育家之教授。尙有一重宗教心。提撕昭示於人。用爲木鐸之儆醒也。

雖然。上文所云之宗教。乃西土之宗教。苟爲立其界說。則凡得稱此宗教者。必有所懺之儀式。有歸根復命之天國。具此二者。乃始稱以宗教。準是以談。吾國所謂孔教者。亦果具此二者乎。依此類求。吾國苟有如斯之可稱爲宗教者乎。

以實際考之。自六朝以前。無稱孔教者。

教字本義。孝也。效也。

卽有此稱謂之時。其意亦非如上所云之

宗教。所謂孔教。猶之言孔學也。且自海通以前。更無連合宗教二字稱謂之語。然則孔氏非教主乎。抑吾國無宗教乎。

證以魯論所傳。與夫閔緯所載者。稍加傳會。亦可推孔氏爲教主。顧近人之意。各有所爲。其尊之者。不免有子之王莽之用心。而排之者。亦且用爲歸獄之地。其失平均鄙意。所不取也。竊謂自其大者言之。洪範一篇。爲上古學案。而孔氏於此。未嘗推波助瀾。且孔氏所傳之易。既殊。伏犧文周其黜神道。而進於人道者。與宗教。旨趣實有區別。且宗教傳授。首重起信。不立此界。將無景從之人。而孔氏乃曰。啟予其氣象。固自不侔。不得執單文賡義。以厚誣之也。

蓋孔氏志在得位。救時栖栖。皇皇不暇。暖故其立身行己。不敢與世忤觸。所謂以因為革。內文明而外柔順者。設非如此。觥觸世怒。且將如蘇格拉第之嬰極刑。然則孔子不敢顯闢古教。亦未嘗以教主自居。此敢決言者也。且準人心感覺之理。凡在草昧。宜無不有宗教。大率不出拜天拜物。拜鬼數者。而吾古昔宗教。既事天復明鬼。惟無天使降生之預言。其流遂異於西土。且以教義極狹。非帝王不得事天。非命士以上。且不得祭鬼。觀庶人無鬼而命士之言可見以上之人。既有代耕之祿。愉快心志。故以生為樂觀。矧土沃地肥。生事易足。以其教義非為普及於一般社會。故不必有死後天國以紓當身之苦慘。此其大較也。

蓋漢族入居中土之時。已挾事天明鬼之教以俱來。其時教義原僅及於本支之宗法社會。黎民無得而聞。沿及後世。遵率不改。故教之範圍。且不逮下。即逮亦不適。以無未來之觀念也。及夫印度之教流入。遂令通國感化。不加驅策。歸者如市。且縣永以至於今焉。

要之吾國若稱宗教。實有數宗。既有事天明鬼之舊。又殺雜於印度。此不稱佛者。宗教家必稱天佛。獨繼天而言心。吾國之傳一乘者。乃融治於學問。而中於人心之天堂地。獻福田果。智則皆婆羅門舊說。故但稱印度以著其實。重以巫覡方士之說。且蔓引而未

已。洵可謂駁雜不純者已。

雖然。宗教者不獨占道德一大部分。且為受用道德之楔。苟欲立國於不敵之地。不可無純。

一之宗教心以感勵羣志使人有此觀念而生希望始不流於頹廢也詳稽今日服習儒教者若干人宗印度者若干人信穆哈者若干人從基督者又若干人欲擇所從將以何爲善乎夫基督教之入挾以兵威舐藩齟齬至今未艾既與國人感情大傷此當暫置不論若回教天國乃在劍光影裏奮邁感迅可以造軍國民頗有救敵扶創之用但與風尙相背太多非所宜也然則利用大乘以宗佛耶昧者又將以紉孔爲嫌詎知耶穌生在猶太教乃流布國外教主固不必產自本國也然儒佛相非既久矧如佛之枯寂將有塗附今日放倒益加之重蓋其圓音似懼高遠將有凌節不中情實然則如何而可乎夫自今日占吾國大力者言吾國成立原素重賴惟一之儒固以缺未來希望遂令空穴招風白馬來東以濟其缺今中人以下受其範圍至廣苟欲相時救敵爲瞑眩藥是宜裁鎔二者別演一宗重修教儀以求有濟不嫌於至近例如東瀛眞宗但取適俗本願眞宗僅取初禪淨土中之一支派亦有及時討論而奮興者乎茲事絕巨不佞所欲商榷粗發其凡畧據胸臆而已凡厥宏趣旨歸且當盡於後文也烏虜君子。

中國土地人民之問題 錄丙午五月初三日南方報

國於天地有構成之要素二端曰土地曰人民國之所以爲國以此二者而存也二者之中

有一明受制裁於外界者則其國已爲不國即二者之中有一隱受侵削於外界者斯其國亦不遠將亡持此說以推之今日之中國則靡不曰勢力範圍雖定而土地固尙完全也國家思想雖薄而人民固未離析也此言者之所同而不知事有大謬者殷憂中於腹心而目論僅見眉睫記者誠悲之請就所聞而痛陳其實以證明近勢如右

其一請徵之土地臺灣香港之割讓無論矣膠威旅大之租借無論矣東三省均勢已著西藏要盟之餘亦無論矣而此外之蠶食蠹蝕積久而愈深寢推而日廣陸沉之兆基於無形者殆歷歷也則有如蒙邊自頃二十年前蒙旗迫於生計卽往往有私售轄地於俄者尤以喀爾喀旗爲著聞當時理藩院書吏轉某實主其事潛受饋賂竟坐此致巨富剝土之廣不同可知迄今未聞清釐王庭舊落存者幾何未可計也有如滇邊緬甸淪亡以來英屬印度總督之封疆遂與騰越以西諸土司相接近年印度總督寇仁力擴其殖民政略以祕密運動籠絡滇邊諸土司邊客傳言此數年間如車里土司售入於英之地已在四千方里之外以一例衆餘可略推邊吏一無所聞西南諸部殆非我有可斷言也有如兩粵龍州中法對汛日見勘進聞侵入我界已及百里葡得澳門更謀拓界陸至望厦村海至橫琴島得寸得尺更無間者邊隘之險海權所關百越山川皆成甌脫淪胥之勢固甚明也此猶皆就邊境言之而此外則如遵化州民人之私售官地於俄

漢口、劣紳之私售官地於德法其事又已踵告割地之風駭尋及於腹壤從此而一二私人可以國家主權所屬之領土直授之於外人而莫克深究二萬萬里之方輿雖廣寢假亦甯有不盡者而謂中國之土地尙得爲完全之土地乎桑梓龍荒郭景純之懼何如也

其次請徵之人民此國之民歸化彼國爲國際私法所有要者起於殖民主義之消極者

本國人口繁衆不得不殖民於他國久而其民遂有因經營事業利便關係之故遷入他國籍者 不得已而然既入他國之著籍卽不得復

佔母國之利權此斷無疑義者也而中國之事則大異於是至有以本國之民居本國之土

衣冠未改戶族具存而竟竄名於他國之籍者平居無事則其在本國一切財產之權仍歸

所有一旦因事觸網復不難乞靈寄籍之國出而干涉護持之民法上之利益至此而極而

如此輩者遂日以寢滋約而舉之則有寄英國籍者蓋託辭於生長臺灣也而西班牙不知以何緣

蓋託辭於生長澳門也近更有寄日本籍者則託辭於生長臺灣也而西班牙不知以何緣

因復開華人入籍之例其入籍之法尤寬且濫而入其籍者亦遂較入他國者倍多此等兩

國旗下之民據隱約所聞求之則廣東沿海某某兩縣之人入英籍者殆已十人而七去年

上海故富商某之子至以十萬金請入日本籍而入西班牙籍者更占多數此皆其可知者

也此外更有以宗教之依附間接而爲政治之保護者其在基利督教姑勿具論如日僧之

以傳播佛教為名。土耳其人忽有干涉回教之舉。此雖一無賴所為然固土人又皆其見端也。涓涓不塞終成江河逆臆。此後十年國權愈衰而外力愈盛中外社會之交涉愈不平等。此等之徒更將彌望而悉是伊川之痛披髮之嗟庸復知其所屆者而謂中國之人民固未嘗離析之人民乎螟蛉蠃鄭司農之感何如也。詩螟蛉不能治則能治者將得之也。萬民不能治則能治者將得之也。

如上所舉兩端見聞略具固皆信而可按匪欲聳為危辭曠覽事勢默契隱微中國土地人民之將來其可怵有如此者夫使明著限制行之即令中國日割一地日棄一民而於勢終有所底止乃若此者防禦之無從杜遏之無術一則為洪水之禍一則如傳染之徽憂國之流有束手累歎而已嗚呼將萎之華慘深於槁木未雨之烏戚甚於標搖斯則中國今時之切喻也。

論救中國必先培養國民之公德 節錄丙午五月二十九日羊城日報

嗚呼。中國之弱。至今日極矣。居今日而懵然不知中國之弱者。可謂之無腦筋。居今日而不思救中國之弱者。可謂之無血性。乃或雖略知之。而不審其所以致弱之由。則亦雖欲救之。而不得所以為救之道。蓋彌縫補苴。終無補於大局也。嗟夫。吾國今日之受病。政府與人民各皆有罪焉。其釀成之也。非一人其馴致之也。非一日。無知者流。徒見夫國勢削弱。極於今

日。因以爲中國之弱。直此數年間事耳。不知其積弱之源。遠者在數百年以前。近者亦在數十年之內。今豈無一二愛國之士。懷抱方術。大聲疾呼。思欲先時而救之者。其奈舉世夢夢。不見不聞。直至擁二十餘省膏腴之地而致貧。聚四百餘兆神明之種而致弱。內則生計困窮。外則強鄰逼處。斂手僵仆。奄奄待斃。以此日漸削弱之國。當世界生存競爭最劇之際。而欲與歐美國民。驅逐於二十世紀之新天地。吾知其難矣。

雖然。今欲聽其以芟以滅。如非洲之黑種。美洲之紅種。日卽沈淪而不復惜乎。抑猶有自存種族之思想。而亟謀補救也。如欲補救。舍培養國民之公德。其末由矣。

夫我國以二萬萬里之領土。四萬萬衆之人民。其勢力實可橫世界而獨立。乃積萎不振。日漸衰弱者。此何故哉。曰國民無公德。故我國之富庶。非遠遜於歐美。我國民之智慧之毅力。亦非遠遜於白人。乃攘奪聽之。奴隸聽之。鞭撻聽之。此何故哉。曰國民無公德。故比年以來。政府亦嘗言維新。言立憲。乃徒有形式。而無精神。終不能達改革之目的。收自強之效果。此何故哉。曰國民無公德。故蓋中國人之所以無公德者。則以知有一身。而不知有同胞也。知爲一身。求幸福。而不知爲同胞。求幸福也。無公德。則自私自利。必至於敗羣。內而政府。則徒爲一身。祿位計。而政治之公益。弗問也。外而疆吏。則徒爲一身。升官計。而地方之公益。弗問。

也。下而庶民則徒爲一身饕餮計。而社會之公益弗問也。試觀今日現象。羣情騷騷。衆志漓漓。各自顧其私益。殖產以外無事業。身家以外無思想。嗚呼。中國人之惡質大抵如是耳。西人赫德曰。中國乃天然無公德之人也。又外人之譏我中國曰。如一盤散沙。又曰。支那人腦中自古無公德思想。此真能洞識我國人之劣質者也。夫以數萬萬神明種族。使能奮厲精神。固結團體。亦何至芟夷萎落。不值外人腕力之麾也。雖曰不求進步使然。然其所以不能進步之故。實缺乏公德心所致。以物競天擇之公理論之。凡公德之心重而厚者。愈能占世界之優勝權。此稍學哲理者所能知也。

人生於天地之間。各有義務。苟自放棄其義務。卽自放棄其所以爲人之具也。夫天演公例。在於競存。競存之道。在於合羣。合羣之要在於公德。公德者。人羣當盡之義務也。是故對於一家而有一家之義務。對於一國而有一國之義務。對於世界而有世界之義務。一家之人各自放棄其義務。則家必落。一國之人各自放棄其義務。則國必亡。全世界人各自放棄其義務。則世界必毀。使人人皆知有公德。則相組織相維持。各盡其義務。而國可保。使人人皆不知有公德。則相傾軋相趨避。各放棄義務。而國立亡。夫天下人亦孰不愛己乎。孰不思利己乎。愛己利己。原非聖人之所禁。然人非能獨立於地球。於是乎有羣。又非能以一羣占有

全地球。於是乎有此羣與彼羣。當此羣與彼羣之角立而競爭也。羣之力大而強者必勝。羣之力薄而弱者必敗。此千古得失之林矣。羣力何以能大。何以能強。必其羣之人常肯紉身而就羣。若使人人知有身。不知有羣。則其羣必渙而終被吞於他羣。理勢之所必至也。中國人不知羣之物。爲何物。羣之義爲何義。故人人心目中但知有己而不知有羣。事之當爲彼非。不知國之將亡。彼非不明。惟因爲此事而無益於我。則卽始終不肯爲亡此國而無損於我。則卽始終不芥蒂嗚呼。人之無良一至此極。是亦公德缺乏而已矣。

今欲培養國民之公德。必先自改良教育始。中國未嘗無教育也。然無公德以實施之。是亦奴隸之教育而已。近者中國亦既改良教育之形式矣。竊謂此特其客觀耳。若其主觀。則在培養國民之公德也。夫凡事必有因而後有果。種惡因而求善果。其可得乎。歐美各國公德之心最優。試觀其國民。無一人無公德。如公園、博物院、圖書館等。凡入其中者。皆珍重之。愛惜之。無敢污損其公共物者。雖至幼之小童亦如是。此其所以日強也。中國人公德之心最薄。此所以日弱也。細審夫強弱之由。則可知公德之關係於國家。如是其重且大。然則吾人於公私之間。果宜何擇耶。

諭 旨

五月全

上諭朕欽奉 慈禧端佑康頤昭豫莊誠壽恭欽獻崇熙皇太后懿旨岑春萱奏廣東廣肇高欽等府州屬被災情形一摺本年入春以後廣州等屬大雨如注西北兩江同時暴漲以致圍基衝決桑禾俱損房屋倒塌多傷人口小民蕩析離居覽奏殊深憫惻著頒發帑銀五萬兩由廣東藩庫給發並著該署督迅飭派出各員認真察勘妥籌賑放毋任一夫失所用副朝廷軫念災黎之意欽此 五月初二日

上諭岑春萱奏舉劾屬員請旨分別勸懲一摺廣東廉州府知府李崇洸欽州直隸州知州李象辰署南海縣知縣大挑知縣虞汝鈞歸善縣知縣劉能新興縣知縣鄭增祐候補知縣許瑩章均著傳旨嘉獎惠州府碣石通判張順昌氣躁才疏偏信差役乳源縣知縣許克家縱差滋擾不洽與情候補鹽經歷王國楨性情浮躁居心巧滑試用巡檢裘璜聲名平常頗滋物議候補鹽巡檢安鳳翥行止卑污有玷官常均著一併革職防城縣知縣曾汝材捕務懈怠聽斷不動前署恩平縣知縣候補知縣楊本楫才識庸懦捕務多疏均著以府經歷縣丞降補海康縣知縣黃雲飛心地尚明緝捕不力鶴山縣知縣陳汝壽人尚謹飭才欠開展海陽縣知縣王全剛才具稍短難勝煩劇英德縣知縣呂光琦性近迂謹人地不宜均著開缺另補長甯縣知縣張光銑年力就衰難期振作著勒令休致餘著照所議辦理該部知道欽此○旨廕生信頤著以侍衛用吳昌濬著外用甘肅平慶涇固化道著熙麟補授福建閩清縣知縣著阮希元補授直隸甯晉縣知縣著傅鴻詔補授江西廣昌縣知縣著李慶恩補授湖北麻城縣知縣著劉炳南補授浙江遂昌縣知縣著陳秉衡補授安徽涇縣知縣著邱寶生補授福建永福縣知縣著高銘金補授廣東靈山縣知縣著劉璽補授截取舉人王芝田著以直隸

州州同用鄭文彩著以鹽庫各大使用余祖昭著以直隸州州同用張百均著以鹽庫各大使用徐廷麟著以鹽庫各大使用蕭昌世著以直隸州州同用蕭存誠著以鹽庫各大使用梅光鼎著以鹽庫各大使用宋文林著以鹽庫各大使用俸滿奉天開原縣訓導王樹著以敕職用兵部筆帖式著麟耀補授工部筆帖式著承紹補授吏科筆帖式著啟綿補授欽天監筆帖式著忠格補授都察院筆帖式著伊端補授翰林院撰文三缺著長紹周爰詎華學瀾補授湖廣道監察御史員缺著葉在琦補授山東道監察御史員缺著徐定超補授截取陝西道監察御史張世培福建道監察御史楊聖清俱著照例用保送分發山西補用知府萬理清保送分發四川補用直隸州知州阿勒精阿指分山東補用直隸州知州賈裕師俱著照例發往保送知府裁缺盛京兵部員外郎延彬著以知府分發省分補用保送撫民同知裁缺盛京禮部助教增福著交部記名以撫民同知用保送知縣裁缺盛京戶部筆帖式明安刑部筆帖式申福成瑞戶部筆帖式景福融和兵部筆帖式蔭清工部筆帖式蔭徵俱著交部記名以知縣用期滿山西巡撫衙門筆帖式榮興著發往原省照例用京察刑部郎中王廷銓著准其一等加一級交軍機處記名以道府用卓異升補江西鹽法道文炳著准其升補並於知府任內每次卓異加一級開復前山西直隸州用遇缺儘先補用知縣趙之燮著准其開復原官升階仍發原省照例用擬補福建布庫大使趙裕春奏補吉林將軍衙門銀庫主事壽康俱著准其補授奏留吏部學習主事托普劉方岳俱著准其留部保舉吉林總站官印務處筆帖式常魁著照例用大政殿六品官員缺著銘恩補授欽此 初三日

旨詹生張元驥著內用繼馥著外用翰林院侍講員缺著文斌補授江西道監察御史員缺著葉芾棠補授山東道監察御史員缺著李春溥補授兵部漢字堂主事著瑜琦補授截取繁缺知府翰林院編修汪鳳梁著照例用余堃李哲明夏孫桐俱著以簡缺知府用王廷斌著照例用刑部郎中孫文翰著以簡缺知府用截取裁缺國子監學正李式典著照例

用保送分發知府刑部員外郎鄒師會著以知府分發省分補用擬補內閣中書沈覲宸著准其補授俸滿江蘇常州府知府德元著回任捐復前浙江平湖縣知縣金廷棟著准其捐復原官照例用分發直隸補用道李鴻扶安徽補用道陳帥禮直隸試用道楊先達張建勳江蘇試用道陳光淞李鴻幹吳躍金直隸試用知府彭世桐福建試用知府鄭勛江蘇補用同知方悅魯山東試用同知裴景元山西補用直隸州知州李如棠王恩國四川試用直隸州知州張選齡山西補用知州左忠第周襄四川試用知州殷有激安徽補用通判時寶璜山東試用通判吳新畬山西試用通判吳鍾源湖北試用通判樊希訓四川試用通判向遠源廣東試用通判蔡堯熾廣西試用通判閔世榮兩淮試用鹽運判汪銘恩安徽試用直隸州同黃宗澤江蘇補用知縣趙錄策山東補用知縣王汝漢江西補用知縣吳永焯湖南補用知縣江瀚四川補用知縣焦兆鴻江蘇試用知縣陳鳳鈞孫鼎陞王文炯黃際清程孝頤胡紹猷陳守杭俱著照例發往欽此 十一日

上諭前據御史黃昌年奏參江西藩司周浩飲法徇私各款當經諭令張之洞確查茲據查明覆奏該藩司貪污縱恣把持省權專任私人貽誤大局周浩著卽行革職自開辦銅元購辦機器諸多不實不盡及官銀號款項並未移還著吳重熹再行澈底嚴查照數追繳以重公款江西補用知府崔湘鑽營謬妄生事害民永新縣知縣張善鐸貪污卑賤小人之尤均著革職永不叙用江蘇補用直隸州知州吳濠貪詐惡劣公款不清試用知縣黃錫光營謀署缺不知廉恥指分江蘇知州徐履泰鄙俗迎合多招物議江西補用知縣張學勤歷充優差損公肥私試用道陳際清險惡招搖行同無賴均著卽行革職江西候補道繆德葵濫廁要差衰耄無能著勒令回籍候補知府王祖蔭巧滑專擅難資表率著以州同降補知縣桓毓彝品行卑污敗壞風氣丁憂知縣崔寶瑛行徑猥鄙指摘交加知縣朱士元倚勢招搖聲名極劣試用巡檢董鴻品行污下衣冠敗類均著卽行革職幕友華枚生著查明有無職銜卽行斥革並遞解回籍交地方官嚴加管束

玉堂馮心翁馮履卿馮冕均著一併驅逐不准逗遛江西司事金朝正著拿獲交地方官嚴加管束家丁熊濱著拿獲解回原籍監禁一年限滿仍嚴加管束不准出外生事餘著照所議辦理該部知道欽此 十四日

上諭江西布政使著沈瑜慶補授欽此○上諭廣東按察使著朱壽鏞補授欽此 十五日

上諭安徽鳳嶺六泗道員缺著玉山補授欽此 十八日

上諭廣東瓊州鎮總兵員缺著黃培松補授欽此 十九日

上諭張百熙等奏分別舉劾屬員一摺順天大城縣知縣畢承湘署武清縣知縣候補直隸州知州周登傑均著傳旨嘉獎署東安縣知縣文安縣知縣徐體善貪詐無恥劣跡昭彰著革職永不叙用派員押解回籍交地方官嚴加管束准補西路同知鄭襄才具甚庸難資表率薊州知州古銘猷精神委靡聽斷無才均著開缺以簡缺通判歸部選用餘著照所議辦理該部知道欽此 二十日

上諭禮部奏萬壽聖節禮儀一摺著在仁壽殿行禮停止筵宴餘依議欽此 二十六日

旨翰林院撰文二缺著汪鳳藻李傳元補授保送分發知府翰林院編修許起鄧樞陸懋勳周渤俱著以知府分發省分補用保送知縣盛京裁缺刑部筆帖式春德工部筆帖式午亭俱著交部記名以知縣用保舉江蘇補用知州洪鼎葵直隸補用知縣孫敬先江蘇補用知縣施維明山東補用知縣宋世男李汝松山西補用知縣鄭寶書廣東補用知縣向傳幹雲南補用知縣鄧時霖分省補用知縣倭什本俱著照例用開復前山東補用知府彭履謙著准其開復原官原銜仍發原省照例用分發安徽試用知縣梁濟張漢齋劉瑞澤胡壬杰何允恕山東試用知縣胡智功王蓋臣陳炳綸李明善方家鈺吳天錫山西試用知縣鄭景賢陳鍾岳陳開榮陝西試用知縣林超章林喬新福建試用知縣洪維岳浙江試用知縣謝儒賢江西試用知縣許自興傅佐清殷觀儀興培湖北試用知縣洪錫澤鄭業賴方毓淮葛鼎銓湖南試用知縣濟溥德廣裕四川試用知縣林獻英胡桂珍張樹蘭廖鴻熙廣西試用知縣師燿衛貴州試用知縣全勳山東補用鹽大使恩蔭浙江補用鹽大使志鏗山東試用鹽大使張有鑄福建試用鹽大使彭瑞俱著照例發往吏部文選司郎中員缺著孫培元補授吏部文選司員外郎員缺著李紹烈補授擬補吏部主事黃允中著准其補授欽此 二十八日

內務

警察芻言

節錄丙午閏四月二十二日時報
順天楊寶書撰

中國自強之基。在警察乎。抑不僅在警察乎。此非可以一言決也。余學警察。請言警察。夫中國昔有保甲而不知有警察。中國現在之警察。有警察之名。無警察之實。謂名者何。形式也。實者何。精神也。有形式而無精神。雖形式可觀。精神不貫。蓋法理明而後警察。可以振全體之精神。學力堅而後警察。可以成一定之形式。今中國遊學歐美者。歲不乏人。而法政警察兩科。尚惟日本是賴。夫日本警察。在昔亦不過統屬於他政。自明治維新後。效法歐西。迄今十餘年間。考察愈精。研究愈切。近復有警察協會之設。其書名曰警察協會雜誌。凡關於警察者無不悉載。月出一冊。中國可以仿行。日取其本國及歐西諸國現行之警務。朝夕討論。加以實驗。月異而歲不同。緒方維一。郎有言曰。中國之肄業警察者。重在實用。然實用者。猶當活用。蓋法者。不過舉其體要。若活用之。是在教育。是言也可。謂得警察之要旨矣。方今我國廢保甲舊制。訂警察新章。警察在我國為新。而在歐西日本。則由來已久。但易其舊形式。而貫之以新精神。煥乎美備。斐然成章。此警察不可不明法理。尤不可不加學力也。所謂法理者。何。凡關於警察法者。約言之。如憲

法行政法刑法國際法等皆是。但法理雖不易言。而警察以憲法為基礎。不可不知憲法。警察以行政法為根源。不可不知行政法。內而對於本國人之搜查逮捕。不可不知刑法。外而對於外國人之居住往來。不可不知國際法。所謂學力者何。以日本論。國家立警學專科社會。有警察學會。凡研究警察者。無不孳孳矻矻。以改良發達為目的。故由總監而警視。長而而警部而巡查。雖等級懸殊。禮貌則一。但見上官則加敬。而上官亦無有疾言厲色者。蓋皆以品學為重也。若人民之於警察。則更愛之如父母。敬之如師保。警察之於人民。亦皆友之如手足。親之如子姪。至於日本現行警察。綱舉目張。所謂警察法令者。日本警察法令類纂

下三卷皆現行法令也

真然大帙。巨細不遺。茲姑就日本警察大綱。擇其合於中國情形者。略舉如左。

一重教育。日本以彈丸之國。一戰勝俄。遂為環球望國。夫戰勝者。陸海軍也。然所以能戰勝者。其結果在戰勝。而原因在教育。例之警察。警察之結果在安甯。而原因亦在教育。日本警察教育。設有巡查教習所。惟我國之留學者。月以訓練巡查。其課程約分體操書算地理。於警視廳分班講授。語言等學。並授以關於警察之諸法令。及格乃派充職務。尤要者。當其欲為巡查之時。首定巡查採用規則。如品行學力體格年齡。必一一與採用規則相符。然後可以應選。既充職後。勤者給以精勤證書。怠者予以扣俸免職。間嘗環歷通衢。所謂巡查者。無不獨立街頭。雖風

兩早暮。無有擅離。審察周詳。詞色和藹。令人有可敬可愛之想。蓋警察所以保護人民。故必忠順勤勉。脩慎迅密。其得用強制手段者。惟必要之事項耳。夫日本警察。自總監以至巡查。大小皆爲警官。所以示尊禮也。我國以兵視警察。上焉者乃名之曰士。然兵非惡名也。士尤美德也。日人之敬禮兵士。通國皆刮目相待。大之如凱旋故里。歡迎者及於歌寮。小之如結隊游園散步者。減收游券。而軍人亦彬彬儒雅。鮮有顯犯法令者。若警察則尤以廉潔爲先。島田文之助曰。有失銀券二十萬圓者。經警察查獲。願分金以酬其勞。警察不許曰。檢查遺物。警察之責也。若爲盡責而圖利。非警察。是說也。或疑其言之近於誇張。而事出偶然。亦可見教育之道。普及人心。重廉恥。潔名譽。上下悉敬禮之。縱人品不齊。難保無甘冒不韙。罔顧名義者。而隆之以禮貌。厚之以精祿。重之以觀瞻。勵之以名節。雖欲不勉。烏得而不勉。

二定權限。今有駕舟者。將欲乘長風。破巨浪。涉萬里之重洋。閱數旬之時日。雖有總握機關。而孰定方針。孰司測量。此不可不有權限也。又有馭車者。將欲達通衢。歷長途。越山峽之深邃。傍河川之危險。雖有善爲豫防。而孰掌其輪。孰辨其轍。此不可不有權限也。夫國家亦舟車類耳。不正則欹。不進則退。有善駕馭者。非但正者不欹。而安穩可操。券也。非但進者不退。而迅速可尅期也。此以喻之國政。無不皆然。而警察亦卽其一端。日本警察。分中央地方。

二者中央警察。即國家警察。凡事胥聽命於政府。地方警察。以地方自治團體。而隸屬於地方行政官廳。其分類大別有三。一保安警察。二行政警察。三司法警察。言其細目。則出版。結社。集會。嘯聚。羣集。豫戒。非常六者。屬於保安警察。靜謐風俗。交通衛生。救災。營業。建築。礦業。山林。田野。漁業等。屬於行政警察。他如臨檢。搜查。逮捕。訊問等事。則為司法警察。再詳言之。如軍事警察。外事警察。以及水上警察。消防警察。各有種種權限之不同。推之臺灣警察。則臺灣總督之權限。尤與日本國內有異。木尾虎之助之論營業風俗也。有曰。日本之警察。雖師法歐西。而所定警察規則。罔不斟酌國內情俗。非墨守西法。一無變通。即如營業風俗兩項。日本所規定。必不能悉合於中國。但仿照變通。中國之法。日本當一如日本之法。歐西惟權限不明。則職務盡廢。故武東晴一之論司法警察。亦曰。司法警察。無裁判權。而偵察探訪。貴周貴密。常敘述其偵探秘密要件。辛苦艱難。往往有同任警察者。視為無足重輕。而任勞任怨。卒破奇案。誠以偵察探訪。為司法警察權限內。應盡之職務。例之。凡任保安行政等所屬警察。各有種種之權限。即各有種種之職務。島田文之助曰。巡查者。乃不眠不休之職。例如派出所三人勤務。一巡回。二見張。三休息。日本為巡查而設者。有派出所。所以地方之繁雜。以時為限。輪流交齊。各此三人者。各有一定之權限。亦各有一定之職務。即小見大。因一知

十。巡。查。之。權。限。若。此。上。而。警。部。之。監。督。署。長。之。指。揮。總。監。之。委。任。權。限。不。同。職。務。則。一。但。總。監。有。總。監。之。權。限。署。長。有。署。長。之。權。限。警。部。有。警。部。之。權。限。警。部。不。能。代。署。長。而。行。權。限。即。署。長。不。能。代。總。監。而。行。權。限。雖。間。有。委。任。機。關。依。委。任。而。行。權。限。而。其。所。行。者。仍。屬。受。委。任。者。之。權。限。而。非。行。被。委。任。者。之。權。限。也。我。國。警。部。新。立。官。制。未。備。各。省。仿。辦。警。察。程。度。不。齊。如。所。謂。中。央。警。察。與。地。方。警。察。者。正。當。詳。為。考。察。夫。中。央。警。察。者。不。過。統。一。國。家。一。切。之。警。務。而。悉。屬。於。政。府。地。方。警。察。者。雖。出。於。地。方。自。治。之。團。體。而。並。隸。於。官。廳。儼。之。我。國。情。俗。於。京。師。既。立。警。部。固。為。中。央。之。總。機。關。然。各。省。亦。當。以。省。會。為。中。央。之。分。立。機。關。以。補。助。京。師。之。所。不。逮。至。各。省。之。府。廳。州。縣。所。管。轄。地。方。或。地。面。遼。闊。或。居。戶。衆。多。不。妨。仿。照。日。本。市。町。村。制。立。為。自。治。團。體。而。隸。屬。於。各。地。方。官。廳。以。歸。劃。一。所。要。者。不。外。如。木。尾。虎。之。助。所。述。斟。酌。國。內。情。俗。仿。照。變。通。我。國。之。取。法。日。本。猶。日。本。之。取。法。泰。西。斯。為。善。耳。抑。又。有。說。國。家。無。法。制。則。權。限。不。清。地。方。無。定。章。則。責。任。何。屬。是。故。師。法。日。本。於。中。央。警。察。當。參。酌。總。監。署。長。警。部。等。制。於。地。方。警。察。當。援。照。市。長。町。長。村。長。等。制。此。但。就。各。省。及。各。地。方。而。言。蓋。警。察。要。旨。首。在。因。地。制。宜。尤。在。隨。時。改。良。所。謂。不。墨。守。西。法。而。日。本。所。規。定。必。不。能。悉。合。於。中。國。者。誠。不。刊。之。說。也。三。明。賞。罰。夫。法。有。時。而。窮。窮。則。事。何。由。舉。情。有。時。而。怠。怠。則。事。何。由。成。所。以。濟。其。窮。者。曰。

賞。所以振其怠者曰罰。然而賞不可濫。罰不可苛。濫則適以助其貪。苛則無以養其廉。養廉所以重警察之資格。而助貪所以墮警察之志節。日本之於巡查。分甲乙兩班。甲班爲巡查部長之分級。乙班爲普通巡查之分級。其級俸圓數。乙班約分七級。自九元至十五元不等。甲班約分六級。自十五元至二十四元不等。其昇級方法。以學術技藝品行三者爲重。若警部則分十級。凡大學卒業。文官高等試驗優者。授以五級及六七級。中學卒業。文官普通試驗優者。及巡查得有精勤證書者。授以八級至十級。但五級以上。過五年。乃可逐級推升。又五級以上。滿五年無過者。有警視資格。如銓考合格。得爲奏任官。蓋日例總監爲勅任官。警視爲奏任官。警部爲判任官。若巡查部長。則判任待遇也。以任事之賢否。分級俸之高下。以是云賞。賞何不明。然而徒有賞而無罰上焉者。固加奮勉下焉者。必終廢棄。夫人之賢不肖。雖出於本然。而有以激勵之。將賢者愈進。不肖者亦有所愧悔。而砥節勵名。以盡出於賢之一途。考日本巡查懲戒例。凡違背職務。怠慢失誤者。有扣俸科罰之條。輕者或止呵責。重者且至免職。島田文之助曰。巡查有自願勤勞者。此易於管束也。有爲貧而仕者。此難於管束也。然巡查負勤務之責。而部長任監督之權。諸如巡邏張守休息。各有一定之時間。及一定之方向。計時間而試驗其成績。依方向而考察其行爲。凡巡查巡邏之兼之付以日記。有事

必書。日記每定以規條。無法不備。彼巡查者。各自付有保護官之稱。與其負委任而得違法之名。曷若勤職務而盡急公之義。日人之論警察曰。警察者。乃極親愛之官。而又極廉潔之吏。夫以極親愛之官。不能自勉。而至於受罰情之所不宜有也。以極廉潔之吏。不知自惜。而難於邀賞理之所不當然也。我國之於警察。重在巡緝盜賊。而不重在保護人民。終之盜賊未清。而人民受累。何則。所謂警察者。不過取舊時兵役易名充數。如學術技藝品行等三者。無一既不知保護人民。又何從防禦盜賊。近者漸設學堂。規模粗具。而倉猝速成。勢難立就。按日本維新之初。警察亦名邏卒。後乃改稱巡查。同時置警部長官。又設警察練習所。以教授之。自是以來。內依本國之政俗。外采泰西之制度。屢試屢改。愈改愈精。至今漸為完備之警察。尚汲汲於改良。我國創設警察。止近數年間事。而今設立警部。重定新章。以我國地大人衆。較之日本。有難易廣狹之不同。而教育既重之於先。權限復定之於後。賞罰昭然。官民一致。安見我中國維新氣象。必不能超越三島。但日本警察之所以日進於文明者。在警察而亦不僅在警察。警察善而所以副警察而行者。如憲兵裁不能並進於文明。則警察雖善而警察有不能盡善也。吾願當軸者加之意焉。

出使各國大臣會奏請宣布立憲摺

內 務

出使各國大臣會奏請宣布立憲摺

一 百 五 十 八

六 月

竊臣等伏讀 諭旨特派親貴大臣分赴東西各國考求政治本年巳八月二十日欽奉

上諭前有旨派載澤等分赴各國考察政治該大臣等各至一國著各該駐使大臣會同博采悉心考證以資詳密欽此伏維我 皇太后 皇上勵精圖治奮發爲雄薄海臣

民固已慶 鴻業之有基冀幸福於無旣而海國士夫亦以我將立憲自今伊始必將日強爭相走告臣等耳聞目見尤不覺怵慶逾恆竊惟憲法者所以安宇內禦外侮固邦基而保人民者也濫觴於英倫踵行於法美近百年間環球諸君主國無不次第舉行竊跡前事大抵弱小之國立憲恆先瑞典處北海逼強俄則先立葡萄牙見迫於西則次之比利時荷蘭壤地褊小介居兩大則次之日本僻在東瀛通市之初外患內訌國脈如縷則次之而俄羅斯跨歐亞之地處負嶠之勢兵力素強得以安常習故不與風會爲轉移乃近以遼瀋戰事水陸交困國中有識之士聚衆請求今亦立布憲法矣最強之國所以立憲最後者其受外來之震撼輕故其動本國之感情緩然而強大如俄猶激動於東方戰敗計無復之不得不出於立憲以冀挽回國勢觀於今日國無強弱無大小先後一揆全出憲法一途天下大計居可知矣且夫立憲政體利於君利於民而獨不便於庶官者也考各國憲法皆有君位尊嚴無對君統萬世不易君權神聖不可侵犯諸條而凡安樂尊榮之典君得獨享其成艱鉅

疑難之事君不必獨肩其責民間之利則租稅得平均也訟獄得控訴也下情得上達也身命財產得保護也地方政事得參預補救也之數者皆公共之利權而受治於法律範圍之下至臣工則自首揆以至鄉官或特簡或公推無不有一定之責成聽上下之監督其貪墨疲冗敗常溺職者上得而罷斥之下得而攻退之東西諸國大軍大政更易內閣解散國會習爲常事而指視所集從未及於國君此憲法利君利民不便庶官之說也而諸國臣工方以致君澤民視爲義務未聞有以一己之私阻撓至計者我國東鄰強日北界強俄歐美諸邦環伺逼處岌岌然不可終日言外交則民氣不可爲後援言內政則官常不足資治理言練兵則少敵愾同仇之志言理財則有剜肉補瘡之虞循是以往再閱五年日本之元氣已復俄國之憲政已成法國之鐵道已通英國之藏情已熟美國之屬島已治德國之海力已充棼然交集有觸卽發安危機關豈待著蔡臣等反復衡量百憂交集竊以爲環球大勢如彼憲法可行如此保邦致治非此末由惟是大律大法必須預示指歸而後趨向有準開風氣之先肅綱紀之始有萬不可緩宜先舉行者三事一曰宣示宗旨日本初行新政祭天誓誥內外肅然宜畧仿其意將 朝廷立憲大綱列爲條款謄黃刊貼使全國臣民奉公治事一以憲法意義爲宗不得稍有違悖二曰布地方自治之制今州縣轄境大逾千里小亦數

百里以異省之人任牧民之職庶務叢集更調頻仍欲臻上理憂乎其難各國郡邑轄境以戶口計其大者亦僅當小縣之半鄉官恆數十人必由郡邑會議公舉如周官鄉大夫之制庶官任其責議會董其成有休戚相關之情無扞格不入之苦是以事無不舉民安其業宜取各國地方自治制度擇其尤便者酌訂專書著爲令典尅日頒發各省督撫分別照行限期歲事三曰定集會言論出版之律集會言論出版三者諸國所許民間之自由而民間亦以得自由爲幸福然集會受警察之稽察報章聽官吏之檢視實有種種防維之法非若我國空懸禁令轉得法外之自由與其漫無限制益生厲階何如勒以章程咸納軌物宜采取英德日本諸君主國現行條例編爲集會律言論律出版律迅卽頒行以一趨向而定民志以上三者實憲政之津髓而富強之綱紐臣等待罪海外見聞較切受恩深重緘默難安用敢不避斧誅合詞籲懇伏願我

皇太后

皇上宸衷獨斷特降

綸音期以五年

改行立憲政體一面 飭下考察政治大臣與英德日本諸君主國憲政名家詳詢博訪斟酌至當合擬稿本進呈 御覽並請 特簡通達時事公忠體國之親賢大臣開館編輯

大清帝國憲法頒行天下一面將臣等所陳三端預爲施行以樹基礎從此南針有定歧路不迷我 聖清國祚垂於無窮

皇太后

皇上鴻名施於萬世羣黎益行忠愛外

人立息覲覲 宗社幸甚天下幸甚臣等不勝屏營戰慄之至謹 奏

刑部都察院會奏議覆虛擬死罪改爲流徒摺

光緒三十二年四月初二日軍機處交出本日法律大臣沈家本等奏現行律內虛擬死罪分別改爲流徒一摺奉 旨著刑部都察院議奏欽此並鈔錄原奏知照前來臣等查閱該大臣等原奏內稱竊臣等奉 命修訂律例參酌各國刑法以冀收回治外法權是以上年三月間奏准刪除凌遲梟示諸重刑並聲明尋常應入秋審各犯將來應否變通再行妥議等因計自新章頒布已屆一年各直省尙推行無阻臣等復詳加考核查有現行律例內其虛擬死罪而秋審例緩者莫如戲殺誤殺擅殺三項戲殺初無害人之意死出意外情節最輕誤殺雖有害人之心而死非互鬪之人亦初意所不及擅殺情節輕重不等第死者究係有罪之人故此數項罪犯在各國僅處懲役禁錮之刑考之唐律戲殺誤殺各按其當場情形分別徒流並無死罪擅殺分勿論及徒流絞四等亦不概問死罪中國現行律例不分戲誤擅殺皆照鬪殺擬絞監候秋審緩決一次卽准減流其重者緩決三次減流蓋雖名爲絞罪實與流罪無殊不過虛擬死罪之名多費秋審一番文牘而已現當綜核名實併省繁重之際與其空擬以絞徒事虛文何如徑改爲流俾歸簡易擬請嗣後戲殺改爲徒罪因鬪誤

內 務

刑部都察院會奏議覆處擬死刑改爲流徒摺

一百六十二

六月

殺旁人並擅殺各項罪人現律應擬絞監候者一律改爲流罪均按照新章毋庸發配歸入習藝所罰令工作其現行例內如誤殺其人之父母兄弟等項並擅殺二命以上及謀放火器擅殺各項不准一次減等者酌加二年如遇情有可原或情節較重者應俟臨時酌量辦理其戲傷誤傷並擅殺按例罪不至死者均於本罪上遞減一等以免窒礙似此變通量減不過去其虛擬死罪之名仍於生死無關出入等因遵奉 諭旨交臣等議奏仰見 聖明睿照於變通法典之中仍寓矜慎刑章之意欽佩莫名臣等查律載因戲而殺傷人及因鬪毆而誤傷旁人者各以鬪殺論注云死者並絞傷者驗輕重定罪又罪人已就拘執及不拒捕而擅殺之或折傷者各以鬪殺傷論又例載戲殺誤殺問擬絞候應入緩決之犯 朝審一次之後刑部查核奏明將戲殺誤殺之犯減爲杖一百流三千里其誤殺案內所殺係其人之祖父母父母叔伯父母妻兄弟子孫在室女者俱俟查辦緩決時再行照例辦理又擅殺問擬絞候入於秋審緩決辦理之犯除謀放火器殺人或連斃二命及各斃各命致斃人數在四名以上者均不准一次減等外其餘俱於緩決一次後卽予減等發落各等語推原例意戲誤擅三絞候人犯雖核辦秋審時同一例應緩決而准減不准減則視情節之輕重以爲衡蓋宏矜恤之惠斯不能不預防殘殺之端例內界畫秩然至爲精當茲據該大臣等

請將戲殺改爲徒罪因鬪誤殺旁人並擅殺各項罪人現律應擬絞候者一律改爲流罪等因臣等逐加查核戲殺一項唐律減鬪殺二等罪止滿徒今律雖照鬪殺擬絞秋審向不議實亦無緩決一次不准減等明文誠以此等人犯用力相戲本無害心不期而適戕其人之生情與過失相近律於過失殺人准鬪殺罪收贖追銀後便無餘罪則戲殺似不當過嚴若因鬪誤殺旁人雖釁起鬪毆已有害人之心而死非互鬪之人實出鬪者意外核與同謀共毆致被糾之人毆死非其所欲謀毆之人情事正復相等查同謀共毆如被糾之人毆死非其所欲謀殺之人例於起意糾毆之犯得照原謀減徒卽被糾之人毆死其所欲謀毆之人而起意糾毆之犯亦止照律滿流以情言則謀重而誤輕以法言則謀輕而誤重比例參觀似因鬪誤殺旁人一項亦當詳核案情量從輕典至擅殺姦盜各項罪人殺之者或激於一時之義忿或出於臨事之追毆此等應入秋審之犯較之戲誤兩項人數稍多若查其事非得已情有可原者倘係合於緩決一次卽予減等之例似應一併略述原心與戲殺誤殺各犯均毋庸虛擬死罪用彰 聖世寬仁之治臣等參考例章公同商酌擬請嗣後戲殺誤殺擅殺三項人犯凡秋審例緩決一次卽予減等者應准如該大臣等所奏戲殺改爲杖一百徒三年因鬪誤殺旁人並擅殺各項罪人現行律例應擬絞候者一律改爲杖一百流三千

內 務

刑部都察院會奏謹擬擬擬死罪改爲流徒摺

一 百 六 十 三

丙 午

里均按照新章免其決杖毋庸發配歸入習藝所罰令工作將來遇有此三項人犯案件即由各該省專咨報部仍由刑部核議按季彙奏一次俾昭鄭重如有情傷不符避重就輕者各以官司故出人罪論其現行例內誤殺其人之父母兄弟等項並擅殺二命以上及謀故火器擅殺各項凡秋審不准一次減等情節較重若遽將此項人犯亦復徑行改爲流罪實不足以示懲儆應請仍照向例辦理該大臣等議將誤殺擅殺情重人犯一律徑改爲流酌加工作二年之處應毋庸議至戲傷誤傷並擅殺例不至死者核其情罪尤可矜原應均如該大臣等所奏各於本罪上遞減一等以免窒礙而示區別再擅殺案內餘人及擅傷別項罪人均有應科罪名原奏未經議及亦應於本罪上遞減一等庶免參差如此量爲分別庶新法逐漸變通而舊制無虞偏重如蒙 俞允由刑部將本年秋審冊內戲殺誤殺擅殺三項人犯例准緩決一次減等者一律扣除先行開單奏請改照新章辦理並通行各直省督撫都統將軍等一體遵照謹 奏奉 旨依議欽此

刑部奏嚴定偽造郵票並冒用舊票等項治罪章程摺

光緒三十二年正月十九日准外務部咨稱據總稅務司赫德申稱廣東省城近有舖店六家串通郵差私將蓋戳之舊郵票洗去印迹復用藉圖混騙並查出積存兩年未發之郵信

千餘封當將犯事各店及郵差送案嚴辦惟查冒用舊票私淹信件之案如在西國均有定律罪與鑄造贗幣同科是以犯者從不多見今中國郵政章程中尙無此項條例誠恐不免效尤應請飭令各省凡遇有洗用已印之郵票希圖冒用漏納購買新票之資費或故意積壓信件不遞者從重比例懲治申請核奪示覆施行等語查西國郵政於舞弊等事定例甚嚴中國郵務甫經推廣尙未定有此項條例此次廣州已出有洗用舊票及積壓信件兩事嗣後若不嚴定專條通飭各省以儆將來實於郵政新機大有妨損請查照前因比例酌定治罪專條等因知照前來臣等查郵政之設將及十年近日逐漸推廣不特郵寄商民函件頗見信從卽機密文報亦俱藉以郵傳往還極稱便利惟自來利之所在日久弊生非設法嚴防不足以導新機而維郵政茲據外務部咨稱轉據總稅務司申稱廣州已有洗用舊票及積壓信函等事擬請嚴定治罪專條係爲維持部務以儆效尤起見惟該總稅務司所稱此等案件在西國均有定律罪與造鑄贗幣同科等語則殊未盡然檢查俄律如偽造郵政封筒及信票以偽造印信關防鈐記論發往西伯利亞安插或交教養局習藝故意積壓藏匿信函文牘者罪同德律偽造郵票處三月以下之禁錮美律凡偽造郵票及其底板或知情使用販賣或持此以冀使用販賣或擅造郵票及其底板或授與不應受此之人者科五

百圓以下之罰金或五年以下加苦役之囚獄或囚獄與罰金併處日本法律規仿泰西其郵便法內載偽造變造郵政信封印花及印片或知情而行使者處五月以上五年以下之重禁錮將郵便物私用盜賣扣留隱匿或拋棄者處一月以上二年以下之重禁錮以上各國於郵政舞弊俱未科以偽造貨幣之罪良由貨幣通行全國郵票僅印稅之一端偽造郵票與偽造貨幣作偽雖同而被害區域有廣狹之分卽科罪有輕重之判也郵政關係極重將來新律自必斟酌情形詳定條款而現行例內並無治罪恰合專條查郵政事隸稅關而郵票僅止蓋用局中戳記與部頒之印信關防鈐記不同若如俄律竟以偽造印信關防鈐記論未免過重若用德律僅處三月以下之禁錮又覺太輕惟偽造郵票之人其意止在欺騙圖利與用計詐欺官司以取財貨者無異計賊准竊盜論核與美日之法不甚懸殊至積壓信件雖與沉匿公文不同第現在郵政已隸於官卽非尋常商局可比且亦有公家文報在內應一併酌定暫行章程俾資遵用臣等公同商酌擬請嗣後偽造郵票及信片已成者計賊准竊盜論罪止流三千里其僅止洗用舊票減一等爲從及知情行使者又各減一等若郵差將郵寄公私文報信件沉匿者比依舖兵沉匿公文律一角杖六十每一角加一等罪止杖一百事干軍情機密文書而沉匿者不計角數徒一年有所規避者從重論以上徒

流照新章收入習藝所工作杖罪罰金似此明定治罪專條俾奸宄知所儆畏不敢舞弊而郵政益推行盡利矣如蒙 俞允卽由臣部通行各省一體遵照謹 奏奉 旨依議欽此

各省內務彙志

京師○巡警部趙侍郎近與外城巡警總廳廳丞等議定外城東西兩分局各於所屬地面劃分四大區大區又分爲四小區每大區派正巡官并警巡管轄小區則派副巡官并三等警巡管轄凡所屬地面詞訟除重大案件稟解分廳訊辦外其關殿及錢債細故等案卽由該大區官訊結已擬定劃區章程數條由廳丞札飭各分局遵照辦理○巡警部據外城巡警總廳發審處委員汪聘庚比部條陳變通發審章程頗有可採特擇其合宜先行通飭內外總廳及各分局遵照試辦茲錄如下 一嗣後凡各屬各項詞訟案件原被告及證質等人上堂准其長立不跪其已經定罪及盜案人犯仍著跪地供訴 一嗣後凡有因案被牽之證質人等准其取保候傳不得看押 一凡詞訟案件人等如有兇頑不服訊斷者仍著罰跪以示懲儆 一每旬每月申報已未完結案件實屬繁冗茲著每旬應報已完結之案件其未完結之案件統歸月報冊內申報惟所報未完結之案件必須聲叙明白 一罰金等事應變通舊章分別擬定辦法

直隸○前熱河都統松留守會同直督袁慰帥奏准將熱河朝陽縣升爲朝陽府府東添設一縣曰阜新平泉州建昌縣適中之區添設一縣曰建平其朝陽府知府一缺業經揀員奏明請補惟建阜二縣尙未擬定缺分近經新任都統廷用帥查得建平縣在平建適中之區北爲敖漢旗南爲喀喇沁東旗地面極爲廣闊阜新縣與奉天接壤管轄東土默特五旗尤爲沿邊要地均係蒙民雜處政務殷繁特奏請將建平阜新二縣均作繁難題調要缺應支廉俸役食祭祀等銀本地並無地糧留支均請歸於估報不敷經費案內由藩庫請領其阜新縣應設典史一員擬將朝陽縣舊有鄂爾土板

內務

各省內務彙誌

一百六十七

丙午

巡檢改為巡檢兼典史事建平縣應添典史一員擬照口外章程作為巡檢兼典史云○直督袁慰帥以禁止刑訊清理監羈久已奉旨通行而各州縣往往陽奉陰違殊非保赤宣仁之道特札行臬司通飭各屬嗣後除命盜案內正兇真賊尙無確供及毆人傷重取辜之犯與拐帶賭博認棍土彙素不安分之人仍准羈押外其餘尋常詞訟無論原被證佐一概不准責押如該牧令等仍有漫不經心復蹈前轍者一經發覺輕則記過重則撤參並責成該管道府廳州隨時留心稽察據實稟辦毋稍徇隱云

山東○登州府海防水利同知一缺向與知府同駐府城光緒二十四年經總理衙門會同吏部奏准移駐威海衛城以便辦理交涉稽查地面惟自英人劃定租界以後威海衛城遂孤懸租界之中該處向駐有巡檢一員祇能就城內治理窒礙甚多即有交涉事件亦均由駐威英員隨時與東省大吏逕行商辦巡檢從未與聞移駐同知亦復如此蓋幾幾成爲贅疣矣東撫楊道帥有鑒於此特擬將該缺移駐別處俾供職守經查得煙臺商務日盛交涉彌繁登萊青膠道應辦公事太多遇有本埠交涉暨發審華洋訟案以及籌辦各項新政必須另有實缺人員隨同辦理藉資贊佐福山縣知縣遠居縣城相距煙臺三四十里殊慮鞭長莫及煙臺巡檢雖近在咫尺究嫌職秩太卑又恐遇事呼應不靈因即奏請將登州海防水利同知移駐煙臺仍作爲海防調要缺隨同登萊青膠道辦理交涉仍兼督捕以資治理○濟甯州鄂直牧際昌近在大堂左旁起蓋簽押房兩間窗外設一投狀銅匾甌門通於屋內在外面只可投入不能取出凡有被豪強詭詐欺辱不敢控愬均可將被害情形寫一紙狀投入匾內每晚必躬自檢閱查實後嚴加懲治以伸冤抑並不指出原告之人免致日後尋隙惟投匾之人必書明自己姓名以免有挾嫌誣控陰謀害人等事○煙臺自二十九年開辦巡警招募巡兵二百名由闔埠房租項下撥銀萬兩再由東海關護兵內提出一半餉銀約五千兩以資經費近該埠商會坐辦

梁董禮賢擬將煙臺巡警歸併商會經理作爲官督商辦常年經費統歸商會籌發不再請領官款東由東海關道蔡觀察轉稟撫帥當蒙批准並檄行巡警局知照

河南○汴省西遂會匪肇事後汝屬各縣一律興辦警察而汝陽上蔡正陽三縣尤爲認真聞汝陽縣內添募百名四鄉約四五百名上蔡縣內添募六十名四鄉約四百名正陽縣內一百名四鄉約五六百名

浙江○浙撫張筱帥以浙省到省甄別各員尙未照章考試雖人才之生不拘一格然若不通文理之人則案牘簿書一切不能親覽尙何政治之可言特札飭藩司略謂嗣後到省各項人員凡例應甄別者自道府以至州縣初次到省及期滿甄別均應照章考試其選授實缺之捐納保舉各員亦應於考試後方令到任應由該司將以上應考各員備具試卷按月彙齊詳請考試一次本部院面加考詢評定等第分別辦理以杜倖進而勵真材云云○紹興開辦警察創議已久以經費難籌迄未成立近經地方紳士稟請該府劉太守以塘工畝捐展收一年作爲警費當即轉詳立案并邀各紳籌議辦法尅日舉行

福建○廈門爲通商大埠戶口繁多財賦殷實而民間殊乏自治能力以致一切新政尙未舉行近經某保董發起邀集各保董計畫地方自治制度聞其提出問題擬將十八保聯爲一體設一公局聘請公正通達之士一員爲局長而以各保董爲議員凡地方上衛生保安諸事皆自行舉辦一切章程悉照上海南市工程局辦理

四川○巴塘肅清後即派趙觀察爾豐前往該處辦理改土歸流事宜凡民人佃種地段均各換給漢字蓋印地契計種納糧從前夷字執照一概繳官焚燬作廢

廣東○廉欽道秦觀察蒞任後即將署中各項事宜編分四科東科辦理吏戶禮等事件西科辦理兵刑工等事件營科

內 務 各 書 內 務 彙 誌

則專司防營文牘承發科則管理詞訟擬用書識四名查照從前邊防營局章程辦理



一 百 七 十

六 月

教 育

實業教育

錄丙午五月十一日中外日報
候官嚴復在上海商部高等實業學校演說

實業。西名謂之 Industries。而實業教育。則謂之 Technica Education。顧西人所謂實業。舉凡民生勤動之事。靡所不賅。而獨於樹藝牧畜漁獵數者。則罕用其字。說見社會通論至所謂實業教育。所苞尤隘。大抵同於工業。The teaching of handicrafts。此誠彼中習俗相沿。我輩莫明其故。故講實業。似不必守此無謂分別。大抵事由問學。Wisdom。施於事功。展用筋力。於以生財成器。前民用而厚民生者。皆可謂之實業。第其事與他項術業。有必不可相混者。則如美術是已。西人以建造屋宇。結構亭臺。為美術之一。故西人不稱建築為實業。而自吾人觀之。則幾幾乎與實業為類矣。又如醫療法律。以至政治。亦無有以實業稱者。此其大畧也。故實業主於工冶製造之業而已。吾國此事。於汽電機器未興之時。固未即居人後。而歐洲當乾嘉以往。其製造亦無可言。如其時洋布一宗。且由印度運往。北美棉業未興。而國律於民間純用吉貝織成疋頭者有罰。一千七百七十四年可以見矣。顧瓦德用汽之機。即於此時出世。汽機影響。第一見於織造。故一千七百八十五年。英之棉貨出口者。僅值八十六萬鎊。而一千

八百十年。乃十八兆鎊。再後六十年。直至八十兆鎊。他若鐵業。當法國革命之日。英國三島。全年出產。不過七萬噸。降至一千九百年。歲出乃七兆噸矣。其發達之速如此。又機器進步。則所操之律度。必以愈精。聞瓦德初成之機。乃以汽漏難用。開機轉輪。聲震屋瓦。後得威都淮 Whitworth 制爲量機。可以量物至一兆分寸之一之微。製造之業。遂臻絕詣。上下百餘年間。其實業演進。絕景而馳如此。至於今西國造物成事。幾於無事不機。而吾國所用。猶是高曾之規矩耳。

夫中國以往三四千年。所以爲中國者。正緣國於大地之中。而不與人交通競爭而已。時至今日。舟車電郵之疾速。爲往古之所無。故雖欲守前此之局。有不可得。開門相見。事事有不及人之憂。而浮淺之人。又不察病源之所在。則曰中國之所以受侮者。無強權耳。於是以講武詰戎。爲救時惟一之政策。又曰中國之所以貧弱者。坐利權之見奪耳。於是以抵制排外。爲富強扼要之方針。顧不知耗散國財。惟兵爲甚。使中國長貧如此。則雖欲詰戎講武。勢且不能。且道路不可不通。礦產不可不出。使吾能自通而自出之。將無事抵排外力。自消內力。自長設不能自通。自出而僅言抵制。將抵制不成。成而病國益甚。然則中國今日自救之術。固當以實業教育爲最急之務。何則。惟此乃有救貧之實功。而國之利源。乃有以日開。而人

人有自食其力之能事。語曰既富方穀。又曰倉廩實而後知禮義。兵力教化。何一非富足而後可言乎。

雖然。實業教育者。專門之教育也。專門教育。固繼普通教育而後施。不幸吾國往者舍科舉而外。且無教育。使其人舉業不成。往往終身成廢。因緣事會。降就商工之業。則覺半世所爲。無一可用。而此時所願有之知識。蒙蒙然與六七齡孩稚同科。某物某貨。產於何地。制於何工。銷於何所。無所知也。一切制器成物之業。循其舊有不知。尙何開新之與有。叩其普通知識。且不知長江所經爲何省。高麗西藏居國之何方。若夫實業莫大於製造。製造莫盛於五金。而五金之性質何如。採煉之方術何若。問讀書之子。有前聞者乎。固無有也。無論爲工爲商。計算之學。皆所必用。商功均輸。固無論矣。乘除加減。則亦難言。吾嘗見二三十歲人。不識作碼者。尙何有於八線三角之學乎。不但爾也。再使其人舉業有成。又不然。循例納粟入賞。皆爲官也。顧問其人其學。於國家制度律例掌故。有所及乎。未嘗及也。故吾國前此教育。反正皆不可通。遂造成今日之時世。然則居今而言實業教育。學生入校。捨區區國文姑以爲能而外。教者必視學者爲一無所知。而一簣爲山。進由吾往。而後可耳。

今使有子弟於此。其人於中學粗了。將使之從事實業之中。則依東西洋成法。其所以教之

者宜如何。此今貴校所實行。十八九已與之合。無俟鄙人詳論。大抵算學則如幾何代數三角割錐微積。爲不可不治之科。其次則莫如理化兩大科。但是二者。其教授必須合法。方能有益。且此數科。所賅甚廣。程度稍進。吾國卽無專書。是以爲今之計。斷然必以西文傳習。如此不但教授稱便。而學成之後。其人於外國實業進步。息息相通。不致轉瞬卽成故步。西人爲此。常兼拉丁英法德諸文。其用意卽亦如是。此治實業基礎之大畧也。

但實業教育。與他種教育有不同者。以其人畢生所從事。皆在切實可見功程。如礦。如路。如一切製造。大抵耳目手足之烈。與治懸理者迥殊。故教育之要。必使學子精神筋力。常存朝氣。以爲他日服勞幹事之資。一言蔽之。不欲其僅成讀書人而已。西哲謂讀書人通病。前半生則傲兀自喜。後半生則衰茶糊塗。此由年少之時。用心太過。而不知吾人入世涉物。競至烈之場。破敗勝存。僉於三四十以後。見分曉。其人年少氣盛之日。不必放蕩淫佚。自斲其生也。但使徵逐虛名。作爲無益。坐令腦力萎耗。則四十以往。其人必衰。而一切真實事功。轉以無望。夫不佞此言。非爲惰窳無志少年。游說實因。深知心腦之力。其須休息。將養與筋骨血氣。正同。而少壯之腦力。其時須休息。將養較老年之人。乃爲尤急。每見由來成就大事業。人其任事之際。所以能樂事勸功。沈毅勇往。治繁理劇。若有兼人之力者。此其果非結於夙興。

夜寐之時。乃在少日。優遊。不過。用心力之日。拿破崙之初起。真如巨刃摩天。方其勤事。見者驚爲非人。顧十年以後。敗徵見矣。彼晚節之所以不終。由其精神短也。毛祿至七十而後收勝法之業。方其少壯。未聞有何表見。諸君子。閱國步之艱難。欲來日藉手有資。乃起而爲問學之事情。怠自逸。吾知免矣。所患者。用心太猛。求成過急。不爲他日辦事精神。道地而已。公等聞轅田之說。乎。再耕之後。必置之。以俟地力之復。否則。雖耕。雖種。且無所得。而地力彌竭。稂莠益多。願諸公。今日爲學。他日辦事。皆時時深思。此言。

言今日之教育。所以救國。而祛往日學界之弊者。誠莫如實業之有功。蓋往日之教育。篤古實業之教育。法今。往日之教育。求逸。實業之教育。習勞。往日之教育。成分利之人才。實業之教育。充生利之民力。第須知實業教育。其扼要不在學堂。而在出堂後辦事之閱歷。以學堂所課授者。不過根柢之學。增廣知識。爲他日立事階梯云耳。若夫扼要之圖。所以陶練之使成眞實業家。則必仍求之實業之實境。作坊商店。鐵路礦山。此無疑義者也。使有人於此。其於學堂功課爲之。至善卒業大考。已得無上之文憑。此不外得半之程而已。將謂其人。卽實業家。尙未可也。但使其人。此後筋力。萎弱。品行。平常。臨事。既無條理。趨功。又不精勤。則其學。雖成於實業。無幾微之益。又使其人。不自知操業之高。尙可貴。惟此有救國之實功。恥尙失所。

不樂居工商之列。時懷出位上人之思。將其人於實業。終必不安。而社會亦無從受斯人之庇也。故鄙人居平。持論謂中國欲得實業人才。如英之大斐 Davy 法拉第 Farady 瓦德 James Watt 德之杜勵志 Dreyse 克鹿卜 Kupp 等。乃為至難。何則。中西國俗大殊。吾俗之不利實業家。猶北方風土之難生橘柚也。

蓋吾國舊俗。本謂捨士無學。士者所以治人。養於人。勞其心而不勞其力者也。乃今實業教育所栽培成就之人才。則能養人有學問而心力兼勞者也。學子有志為實業之人才。必先視其業為最貴。又菲薄仕宦而不為者。而後能之。又必其所受體智二育均平。不致為書生腐儒。而後可學問智識。誠不可闕。顧但有學問智識。必不逮事也。精神筋力。忍耐和平。行之以素。位不願外之心。而後有濟。初不必天資過絕人。而耳目聰明。思慮精警。如西人所謂母慧者 Mother wit 則又不可無。其學堂教育。即陶煉此種母慧。而使之擴充。有法者也。故實業之家。不受學堂教育。而一切悉由於閱歷者。其入理必粗。不能有開物成務之盛業也。但受學堂教育。而不經事業之磨礪。又程功不實。而無甘苦疾徐之自得。必其人受益於學堂者。十之四。收效於閱歷者。十之六。夫而後為真實業家。

諸君子既已發願。置身實業界中。則鄙人有極扼要數語。敬為諸君告者。一當早就實行之。

閱。歷。勿。但。向。書。籍。中。求。增。智。識。二。當。知。此。學。爲。中。國。現。今。最。急。之。務。果。使。四。百。兆。實。業。進。步。將。優。勝。富。強。可。以。操。券。而。風。俗。民。行。亦。可。望。日。進。於。文。明。三。當。知。一。己。所。操。內。之。有。以。瞻。家。外。之。有。以。利。國。實。生。人。最。貴。之。業。更。無。所。慕。於。爲。官。作。吏。鐘。鳴。鼎。食。大。纛。高。軒。四。宜。念。此。業。將。必。有。救。國。利。民。之。效。則。吾。身。宜。常。與。小。民。爲。緣。其。志。欲。取。四。萬。萬。之。衆。饗。殮。而。襦。袴。之。故。所。學。所。能。不。但。以。供。一。己。之。用。已。也。行。且。取。執。工。勞。力。之。衆。而。教。誨。誘。掖。之。使。製。器。庀。材。在。在。有。改。良。之。實。諸。君。果。能。取。不。佞。之。言。而。實。見。諸。行。事。則。課。其。功。業。雖。古。之。禹。稷。亦。何。以。加。蓋。言。禹。之。功。不。過。能。平。水。土。俾。民。奠。居。而。已。言。稷。之。功。不。過。教。民。稼。穡。免。其。阻。饑。而。已。實。業。之。事。將。以。轉。生。貨。爲。熟。貨。以。民。力。爲。財。源。被。之。以。工。巧。塞。一。國。之。漏。卮。使。人。人。得。飽。暖。也。言。其。功。效。比。隆。禹。稷。豈。過。也。哉。

夫一國之民。其待於實業之亟。不徒於工商之業爲然。卽在兵戰。亦以此而預操勝算。不佞請爲諸君言一史事。當十九稹初載。普魯士受困於拿破崙。可謂極矣。土地日蹙。軍費無窮。憤而求戰。戰乃益敗。至一千八百六年。燕那^{一〇}之役。普之未亡。特一髮耳。則有思墨達人名杜勵志者。John Nicholas Dreyse。年十九。業鑰工。旣卒業。南行覓生計。道經戰場。死者從橫臥草中。或猶執槍不釋。杜則取其一微驗之。知爲歐洲最劣槍制。喟然長歎。言以此器界

新徵之卒。當拿破崙百戰精兵。輔以精槍。安得無敗。則仰天自誓。歸日必有以改良此槍。使爲可恃之利器而後已。蓋當此時。德法二邦之國命。已隱決於杜勵志之腦中矣。已乃入巴黎。事拿破崙之武庫長。瑞士人名保利者。爲之火件學徒。以其勤篤。大爲保利所倚信。一日保利言。大皇帝令改軍槍舊制。不以前口入藥彈。而從後膛。杜恍然若有所悟。嗣保利爲後膛槍竟成。然制粗不適用也。而拿破崙猶獎之以賜金。加十字佩章。列爲貴爵焉。吾聞汽舟後膛槍二物。皆拿破崙所親見者。顧皆以始制。椎劣未精。莫敢信用。向使當拿破崙時。而其物皆美具。如後六十年。則以梟雄而操二利器如此。其勢殆可以混合區宇而有餘。英吉利區區三島。欲始終倔強。與爲勍敵。豈有幸哉。乃天若留杜勵志之後膛火器。以爲德復仇之用者。蓋杜之槍制善。而拿破崙死於絕島久矣。一千八百三十五年。杜爲後膛針礮先成。又三十年。而後膛槍成。維廉第一用之。造攻於丹麥。再剋於奧國。薩多哇之役。奧之死傷踰三萬。而德則不過九千。至於一千八百七十年。師丹之役。德師長驅入巴黎。維廉加冕於華賽爾宮。凱歸而爲全德共主。此其成功至偉。雖遠近因緣。不可一二數。而微杜勵志制器之進步。其收功殆不能如是之疑神也。嗚呼。實業可忽乎哉。

實業之利國。其大者如礦。如路。如舟車。如冶。如織。如兵器。所共見者也。乃卽言其小小。至於

絨線錐刀。琉璃瓷紙。今若取吾國所產。以與歐美之所出者較。則未有不令人傷心短氣。不自知吾種將何以自立於天演物競之場者。至於今。吾國日日人人。莫不扼腕扣心。爭言變法。而每事之變。其取材於外國者。必以益多。其舊產於吾國者。必愈無用。將勉強遷就。而用其故者乎。則以物材器製之非良。其弊乃立見。即不然。則集資設廠。號為抵制。以自保利源。顧其中所用機器。則以重價購自外洋者也。匠師又以重束而聘自外洋者也。其所自保者。亦至有限耳。且此必強有力之官商貴富而後為之。其於徧地之小民。凡勤儉勞力以治身者。又無裨也。其於全國。豈有豸乎。故吾謂實業為功。不必著意於重且大。但使造一皮箱。製一衣釦。一巾。一鏡之微。謫果有人焉。能本問學。以為能事。力圖改良舊式。以教小民。此其功。即至不細。收利。即至無窮耳。

夫吾國實業之閉塞。論其大歸。不過二病而已。不知機器之用。與不明物理與化學也。是故實業之教育。必以之數者為要素。且其為教。宜力為其普通。至於普通。則無取於精微。但人人知其大理而已足。吾國近日風氣。教育所亟。大抵不出政法武備兩塗。顧武備為物。其所待之外緣極多。必皆訢合。而後有守。堅戰勝之。可望使外緣不相為助。而惟兵之求。恐事變推移。將徒得其惡果。至於政治為學。不得其人。則徒長囂風。其於國尤無益。皆不若實業。有

明效之可言也。所惜者吾國舊俗如前所云。若有以沮此項之人才使之最難成就也者。夫其人博學多通。然猶懃懃懇懇於執工勞力之中。泥塗黻冕。奴隸軒朱。殷然以拯救同羣。張皇民力爲事者。此其人於西國已不易得於中國。乃尤難求耳。英人葛勒敦 G. G. G. 有曰。國民總中就中可望爲出色人者。大約四千人之中。不過得一而已。若夫具矯然英特之資。其心必不願爲庸衆人。無論己所操爲何業。必求爲社會所利賴者。則兆人之中而得一已無異比肩而立者。赫胥黎曰。論教育之極功。即在能爲法以網羅此二種之人才。裁成輔相之。使不虛生而以爲通國天下所託。此夫此二種之人。其出於何地。至不可知者也。亦如至愚極惡者。然生於宮禁之中。可也。生於圭竇之中。亦可也。故生學家以此爲造物之游戲。設有國焉。其中之法俗能使如是之材。上不爲富貴之所腐下。不爲槁餓之所芸。俾之成材而任之以其所最宜之事。人類進步終必賴之。不僅強一國盛一種而已也。且果使教育之家具真識別而能得此二種之人才乎。則其所以培成之者。雖費至厚之資。猶不折閱也。何則。使人才如瓦德如法拉第如大斐者。而可以財易得。則英國雖人以兆金爲價。其爲廉猶糞土耳。嗚呼。是三人者。皆實業家也。其諸吾黨可以奮矣。

比利時教育狀況 節錄丙午第四期教育世界

比利時之教育。邇年異常進步。其成績亦頗有可觀者。今分類述之。

小學校（第一） 比國小學校有二種。一、公立小學校。一代用小學校。前者為村鎮所立。教員及生徒之數。由村鎮指定而監督之。後者。本屬私立。但有合於下舉七項者。得以公立論。一、校舍設於恰當之地者。二、教員半數以上。有免許狀者。三、不闕宗教教科者。四、教科與法定之必修科。不背不闕者。五、當受國家監督。六、不收學費。七、除宗教道德之教授外。其他各科授業。每星期不得少於二十時。據一千八百九十六年十二月末之統計。則公立小學校。凡四千二百零四。代用小學校。凡二千二百四十二。此等學校之經費。恃三類以維持。一、學校固有之入款。即基本財產。私人捐助金。生徒授業費等是。二、由村鎮支出之。三、由國家補助之。小學校之必修科。為宗教道德。讀書。算術。初步。法制上之度量衡法。法語。福烈彌希語。與德語中之一種。地理。國史。圖畫。衛生要項。唱歌。體操。此外女子兼課手藝。村落地方。男子兼課農業。畢業年限六年。教科課程。分為三段。段各二年。亦有於六年之上。增設補習科者。教授上所最注意者。如次舉各點。一、以啓發兒童之觀察力。思考力。發見力為主。二、務求近於直觀的。三、說明提示。務用具體的方法。四、宜涵養兒童之判斷力。五、兒童所既學習者。時令其反覆發表之。期能應用自在。六、戒單一無變化。其宗教科。每日僅教授三十分時。

以僧侶有一定之資格者任之。亦得徇父兄意見。免其聽講。政府曾就教授宗教一事。舉其特宜注意者。訓令於各學校。略曰。生徒得自家庭之宗教的意見。不可以其宗派之異。而排擊之。反當利用善導。以立德育之基。而義務之觀念。愛國之感情。服從憲政。遵守國法。與尊重自由之念。尤不可不用力培養云云。全國設地方視學官十八人。郡視學八十人。地方視學官。有充教員會議議長。及巡視境內學務。報告文部大臣之責。郡視學亦須巡視境內學務。至少每年一次。每三箇月。召集教員會議。且須以該管境內學務狀況。報告於所屬地方視學官。此外更有一種僧侶視學。則專以監督宗教教授爲事者也。學校之外。有三種組織。以改良學務圖謀進步爲目的。其一。即教員會議。是也。其聯合區域。每三年。由文部大臣指定。各區域內。均有二種教育會議。甲。男教員會議。乙。女教員會議。丙。保姆會議。此等會議。以地方視學官或郡視學爲議長。討議教育上之演習說明。及教授法。教科書。教授用具。並凡謀教育進步之各問題。會議之前。先由各教員擬定問題。上之郡視學。郡視學檢擇其適當而有效者。以爲議題。每學年之末。由地方視學。就此等會議狀況。作報告書。附以必要之意見。上之文部省。一面頒給各教員。此外各學區內。設有關直觀教授事之會。合教員互質其意見。又各設一圖書館。以資教員之修養。其二。則有所謂獎勵會者。亦以改良小學校

爲目的。由勅選議員七人以上。十人以下。合成一會。內部文部之次官、學務局長、監督師範學校之視學官。以職務所在。必充此項議員。每年四月開會。討議改良小學之法。如文部大臣有所諮詢。如書讀教科書選擇各區各校圖書館所應置備之參考書 應由該會議覆。凡地方視學所作報告書。均交會中存閱。其三則獎學懸賞法。有二種。甲對教員爲之。乙對生徒爲之。前者。令全國小學教員。就農業教員之理論及實際。提出論文。審查後。優者得賞。以七十七名爲限。後者。令全國小學兒童。多捕害蟲。視所捕之多寡。酌給各種賞品。蓋俱爲獎勵農業而設。

補習學校（第二）比國補習學校。亦有種種。一爲未受小學教育者而設。一爲已卒業於小學校之第三學年者而設。一爲既卒業於小學校者。更授以實地的教育。即補習理科、農業、外國語言、家事、手工、簿記等。應其地之狀況。或僅設一二科。或全設之。授業多以夜間。夜各一二小時。其講義約四五十次而完結。以爲時過少。生徒難得深切之知識。故在校外。必須讀書自習。學校當選擇有用書籍。指示生徒。比國之獎勵補習教育。意在圖教育之普及。故政府曾通飭各地方。謂除有力之家。一概不收月脩。又年在十四歲上下。苟因正當之理由。中途退學。不及卒業小學者。均得入補習學校。賞其勤勉良善者。以昭激勸。市鎮之資

力充足者。更整頓修學旅行費公給學費之制。補習學校之教員。有即以小學教員兼之者。視生徒人數與授業時數。酌給酬資。現在全國中有村鎮所立之補習學校。六百六十三。又準補習學校。二百七十八。所需經費。多至一百十萬四千二百二十八法郎。此外尚有附設於小學校或補習學校之家政學校。及徒弟工事練習場。均屬於農商務省。

幼稚園(第三) 幼稚園亦由政府補助獎勵。以三歲以上六歲以下之兒童入之。其課業之目的。在增進其體力。保持其健康。陶冶其心情。練習其思想言語。啟發其觀察發見之能力。涵養其義務之觀念。誘導其對於自然及人生之知識。又以簡短之歌曲。鍊其口耳。淺易之手工。鍊其手目。至最後一學年。更授以有關宗教道德之教訓。其課業頗繁重。與德意志瑞士之幼稚園不同。而近於法國之母校。蓋兒童終日。皆居園中。故不能不多其課業。而富其變化也。現在全國中有村鎮所立幼稚園四千七十四。又代用幼稚園一千二十二。

師範學校(第四) 師範學校有二種。一國立者。一認定者。國立師範學校。設寄宿舍。四年畢業。前三年習普通學及教員必須之各科。後一年。溫故實習。及研究小學校各科課程。其教科。為宗教道德之教授。憲法及行政法初步。就中尤重教育學及教授法。國語。外國語。照接

地方情形得用法語或德語之一種或福烈彌希語 理論的及實際的之算術。度量衡法。地理。尤重本國國史及世界史中

之要事。衛生大意。自然科學初步。農業。園藝。栽培術。則在女子師範學校。圖畫。則在女子師範學校。幾何形體。手工。則在女子師範學校。體操。唱歌。代數。至一次方。平面幾何學及測量之實習。後三項在女子師範學校則開之。其實際教授上。無可特記之事。然亦有足注意者二三端。一、講求讀書法。每星期至少以二小時。由各教師。就其所擔任之教科。自多數參考書中。擇最有益者。指示生徒。且獎勵讀書之法。以確實思考善能判斷為貴。二、設為教育上文學上科學上之會合。以拓生徒之識見。每月一次。三、職員亦每月會議一次。各交換其意見。以謀教授上之統一的進步。凡師範學校。皆附設練習學校。令第三四年生。來此參觀。由本校擔當教授法之教師。示以模範的教授。又使師範生。輪班教授小學生徒。而由教師批評之。第三年者。每星期練習三小時以上。第四年者。十小時以上。特設師範監督視學官。以監督師範學校各事。此外尚有監督宗教教授之僧侶視學官。有體操科圖畫科手工科各監督官。有舍監事務監督官。現在全國中有國立師範學校十三。國庫支出經費一百六萬九千八百三法郎。至認定師範學校。係郡縣或村鎮或箇人所設。而受文部大臣之認定者。由政府之監督視學官管轄之。教科課程。一準國立者。卒業時。由監督師範學校之視學官。及文部特派員。會同考試。現在全國有認定師範學校四十所。收男生者二十二所。收女生者十八所。俱用給費之制。其經費有由國

庫補給者。有由郡縣支給者。有由村鎮支給者。此外尚有教員檢定試驗之制。及文部省所設講習科。

中學校（第五） 比國於中等教育之準備有二種。一稱阿台倫。即文科中學。一稱愛科爾。穆安。即實科中學。前者有王立市立僧正立之別。蓋為欲入大學者。施以高等普通教育。俾有所準備也。後者為他日欲立於社會之中。權而從事農工商業者。施以高等之普通教育。兩者目的既異。故其編制不同。其修業年限之長短亦不一。今畧述之。文科中學分三部。一、希臘拉丁語部。與德國之文科中學同。一、拉丁語部。與德國之實科中學同。一、近世語部。與德國之實科學校同。阿台倫之中。亦有設特別科者。如芝美諾之有農業科。奧斯廷特之設航海科造船科。其一例也。其修業年限大都為七年。教員有學科擔任與學級擔任之別。至教科之詳細內容。以避冗略之。茲所述者。為改良內容而設之一二事耳。第一、有所謂改良委員會。專為改良文科中學之制度而設。會員凡十人。歲開會四次。推文部大臣為議長。凡教科課程之改良。教科用書之審定。賞品用書之選擇等。皆由本會討論之。又蒐聚視學官之報告書。而對視學官發表意見。第二、有所謂教育行政會者。以官吏六人代議員十二人合為之。前者由政府任命。後者由自治團體公選。司檢定圖書。審查教員資格。編制

學校豫算等事。且監督實際之施行。第三則名爲競爭會。每年一次。聚全國文科中學生徒。試驗其學力優劣。優者褒賞有差。其費由政府支給。歲額二萬九千六百九十四法郎。蓋所以鼓舞全國生徒之名譽心。而誘之注意者也。實科中學。則於中等教育中。帶實業學校之性質。此爲普及實業思想。培養國力之要策。故邇年以來。比政府於此事。頻獎勵之。其修業年限。爲三年。初一年。全體同習普通學。後二年。則分農工商三科。然仍以普通學爲主。非各授純然專門之知識也。每星期授業三十小時。中以二十小時。授普通學。其科目。爲宗教國語。第一外國語。第二外國語。此項爲地理、歷史、數學、衛生、商法、理科。及其實地應用、習字、簿記、圖畫、唱歌、體操、手工等。餘十小時。則授專門學。所謂專門者。在商科。則爲商業算術、簿記、商用文字、商法原理、本國商業地理、福烈彌希語、瓦羅尼休語、法語及德語中之一種。經濟學、速記及速寫術。此項爲在工科。則爲淺近機械學、普通技藝學、化學、圖畫、手職。木模、工及簿記、工業經濟。在農科。則爲農業上幾何學應用、農學大意、實際的畜牧術、種果種蔬法、農業簿記、圖畫、手工。

大學及各種專門學校（第六） 比國共有大學四所。在根德及黎業斯者爲官立。在布拉塞爾及烈文者爲私立。官立大學。每年由文部大臣。就分科中。各指定一人爲委員。俾會議

改良大學之要項。其時文部大臣。自爲議長。又必合全國學生。同時試驗其學力。制與中學校同。又爲養成實科中學之教員。特新設教員養成所四處。在尼微爾及根德者。專收男生。在黎業斯及布拉塞爾者。專收女生。此校與普通師範學校。相爲聯絡。必試驗合格者。方許入學。除普通學外。兼施以教員必須之教育。且使之練習授業法。至關涉商業之高等教育。則盎佛斯地方。有高等商業學校一所。近則布拉塞爾。美爾等處。亦繼設之。以上俱屬文部管轄。此外尚有屬農商部之四種專門學校。第一男女專門學校。修業年限四年。此種學校。一面承續小學教育。而補足之。一面則授以各種之實業。與切近之知識。第二家政學校。修業年限。一二年不等。一年者僅授家政手藝二科。以速成爲主。其他則應年限之長短。兼習生活必須之各科。第三則爲男子而設者。有商業學校。徒弟學校。釀酒學校。染色學校。山林學校。土木學校等。就中最多數者。商業學校也。第四農業學校。所至徧設。其程度稍高者。則有梗菩羅之高等農藝學校。烈文之農學校。克勒肯之獸醫學校。要之各種專門學校中。以農商二者爲盛。有國立者。有村鎮公立者。後者仍由國庫優予補助。以獎勵之。此外尚有夜間講習會。授人以關涉農商之實際的知識。卽簿記。商業文。經濟。乳酪製法。栽培蔬菜。養蜂。養雞等法是。

概評（第七）由上所述。則比國現時教育之要領。有可得而言者。第一、最有實際的傾向。以增殖財富爲發展國力之要訣。故於實業教育獎勵惟殷。而尤注重農商。前者商業高等教育。亦已斐然可觀。近則更於布拉塞爾及烈文大學。增設商科。又廣設初級商業學校於全國。獎勵商業補習學校。以圖普及。至於農。則普通農學校、農業補習學校、農藝講習會之設。徧於國中。且懸賞徵文。俾全國小學教員。研究農業教育之理論與實際。可謂設備周至。注意深切者矣。第二、就中等教育之教授法。研究甚盛。向者以爲中學校之所教。不過就專門科學中。拔其精粹者。其教法注重於反覆暗誦而已。近乃知其不備不善。由是於教材於教法。爭欲倣他邦之規制。矯向來之積習。倡導改良之聲。靡然一時。此次黎業斯萬國勸業博覽會。有該國實科中學之教科課程表。陳列會中。頗有可觀。第三、自大學下至小學。過重試驗制度及賞罰法。是則該國教育上之最大闕點。彼之中學大學。既聚全國生徒。而舉行競爭試驗矣。又於學年學期之末。各有試驗。生徒之優劣。一視試驗之成績爲定。且預懸賞品。以獎勵勤學者。故生徒之勤勉。爲試驗耳。爲競爭耳。是豈非違教育之原理。而大背陶冶品性之法者乎。

學部奏陳本部官制摺

教育

學部奏陳本部官制摺

一百五十七

丙午

竊臣部奉 旨設立爲全國學務總匯之區國民程度之淺深教育推行之遲速董率督催責任綦重顧設官分職必豫籌夫久遠可行之規以徐收夫名實相副之效臣等公同商酌仰體 朝廷設官敷教之精心參仿外商警部分曹隸事之辦法擬設左右丞各一員左右參議各一員參事官四員分設五司十二科郎中員外郎主事各缺視事之繁簡爲缺之多寡期於各專責成無有曠誤此外視學官暫無定員諮議官不設額缺其一切繙譯圖書調查學制以及督理京師學務與夫本部會議研究教育之事皆分設局所派員兼理徐規美備至國子監業經遵 旨歸併查該衙門舊日職掌係專司 國學及典守奉祀之事現學務事宜已經歸併辦理其 文廟 辟雍殿兩處典禮崇隆觀聽所傾自應特設專官以昭慎重擬設國子丞一員總司一切禮儀事務分設典守奉祀等官各司其事仍隸臣部辦理俾垂久遠所有臣等酌擬本部官制及歸併國子監事宜改設額缺章程謹分繕清單恭呈 御覽伏候 欽定再臣部設立伊始酌定職司以資分守至各員升補章程及嗣後如有應行增減變通之處容隨時酌量情形奏明辦理謹 奏

謹將酌擬學部官制職守繕具清單恭呈 御覽 一擬設左右丞各一員秩正三品佐尙書侍郎整理全部事宜並分判各司事務稽核五品以下各職員功過 一擬設左右參議

各一員秩正四品佐尙書侍郎核訂法令章程審議各司重要事宜設參事官四員秩正五品視郎中佐左右參議核審事務 一擬設五司曰總務司曰專門司曰普通司曰實業司曰會計司每司分設數科其各司科職掌員數分列於下 總務司 郎中一員總理司務機要科 員外郎一員主事二員辦理科務 掌理機密文書撰擬緊要章奏及關涉全部事體之文件函電 各司事件仍歸各該司辦理 稽核京外辦理學務職官功過及其任用升黜更調並檢定教員掌理備聘外國人及高等教員會議學堂衛生等事務 可暫聘精通學校衛生之醫士為顧問 案牘科 員外郎一員主事一員辦理科務 掌收儲各種公文函電案卷冊籍編類編號又編纂統計報告兼掌管各省學務報告等事 審定科 員外郎一員主事一員辦理科務 掌審查教科圖書凡編譯局之已經編輯者詳加審核頒行並收管本部應用參考圖書編錄各種學藝報章等事 除常置員司外可酌派本部他司人員或各學堂教員之熟悉科學者助理之 專門司 郎中一員總理司務 專門教務科 員外郎一員主事一員辦理科務 掌核辦大學堂高等學堂及凡屬文學政法美術技藝音樂各種專門學堂一切事務並稽核私立專門學堂教課設備是否合度及應否允准與官立學堂享有一律權利或頒公款補助等事 專門庶務科 員外郎一員主事一員辦理科務 掌保護獎勵各種學術技藝考察各種專門學會考察

者德宿學研精專門者應否錫予學位及學堂與地方行政財政之關係又凡關於圖書館博物館天文臺氣象臺等事均歸辦理並掌海外游學生功課程度及派遣獎勵等事 普
 通司 郎中一員總理司務 師範教育科 員外郎一員主事二員辦理科務 掌優級
 師範初級師範學堂盲啞學堂女子師範學堂教課規程設備規則及關於管理員教員學
 生並學堂與地方行政財政有關係之一切事務又凡通俗教育家庭教育及教育博物館
 等事務均隸之 中等教育科 員外郎一員主事一員辦理科務 掌中學堂女子中學
 堂教課規程設備規則及關於管理員教員學生並學堂與地方行政財政有關係之一切
 事務又凡與中學堂相類之學堂一切事務均隸之 小學教育科 員外郎一員主事二
 員辦理科務 掌小學堂之設立維持教課規程設備規則及關於管理員教員學生並地
 方勸學所教育會學堂與地方行政財政有關係之一切事務又凡蒙養院及與小學堂相
 類之學堂一切事務均隸之 實業司 郎中一員總理司務 實業教務科 員外郎一
 員主事一員辦理科務 掌農業學堂工業學堂商業學堂實業教員講習所實業補習普
 通學堂藝徒學堂及各種實業學堂之設立維持教課規程設備規則及關於管理員教員
 學生等一切事務 實業庶務科 員外郎一員主事一員辦理科務 掌調查各省實業

情形及實業教育與地方行政財政之關係並籌畫實業教育補助費等事 會計司 郎
中一員總理司務 度支科 員外郎一員主事一員辦理科務 掌本部經費之收支報
銷及本部歲出歲入之豫算決算及教育恩給事管理本部所有財產器物核算各省教育
費用 建築科 員外郎一員主事一員辦理科務 掌本部直轄各學堂圖書館博物館
之建造營繕並考核全國學堂圖書館等之經營建造是否合度 可暫聘精通建築
之技師為顧問 司務
廳 司務二員 掌開用印信收發文件值日值宿遞摺傳鈔摺件並管轄本部各項人役
及不屬於各科雜項事件皆隸之兼派本司員督理其事 以上各司科事務均就目前情
形擇要分配以便各專責成事分易理嗣後如有增減改置之處當隨時奏明辦理 一擬
每司及司務廳設一二三等書記官秩七八九品按司之繁簡酌設不定缺額學部不用書
吏酌設書記生若干員考選士人充補 一現在奏調各員除隨時酌量請補員缺外其餘
均作為候補額外司員在相當品級上行走 一擬設視學官 暫無定員約
十二人以內 秩正五品視郎
中專任巡視京外學務其巡視地方及詳細規則當另定專章奏明辦理 一擬設諮議官
無定員不作為實缺不限定常川在部仿商部顧問官之例分為四等一等視丞二等視參
議均由學部奏派三等視郎中員外四等視主事均由學部委派凡學部有重要籌議之件

隨時諮詢該員於教育有所建議均得隨時分別函呈以備採擇 一擬設編譯圖書局即以學務處原設之編書局改辦其局長由學部奏派其局員均由局長酌量聘用無庸別設實官並於局中附設研究所專研究編纂各種課本 一擬設京師督學局置師範教育中等教育小學教育三科每科設科長一人其局長由學部奏派其科長可酌派部中司員兼任其科員則以聘用員充之 一擬設學制調查局專研究各國學制以資考鏡預備隨時改良章程其局長由學部奏派其局員由視學官內派充別設譯官數人以任繙譯 以上各局長由原官兼充體制視左右丞左右參議 一擬設高等教育會議所屬本部尙書侍郎監督其議員選派本部所屬職官直轄各學堂監督各省中等以上學堂監督及京外官紳之學識宏通於教育事業素有閱歷者充任定期每年會議一次又遇有重要事件時亦可臨時招集會議諸議員均奏請派充其議長則就議員中公選其應議事項議員資格及會議規則當另定章程又所中設庶務員二人掌理所務即由本部酌派司員兼理 一擬設教育研究所延聘精通教育之員定期講演以教育原理及教育行政爲主本部人員均應按時聽講應設庶務員一人編輯員一人即由本部酌派司員兼理

學部奏陳各省學務官制權限等事宜摺

本月初二日內閣奉 上諭政務處學部會奏遵議裁撤學政請設提學使司一摺現在停止科舉專辦學堂所有學政事宜自應設法變通著卽照所請各省改設提學使司一員統轄全省學務歸督撫節制一切詳細官制及辦事權限章程著學部妥議具奏等因欽此仰見 聖明注意學務慎重官常莫名欽服竊維興學之道期於普及而各省幅員遼闊風氣不齊全賴辦事官紳通力合作廣施誘掖勸導之方徐收劃一整齊之效惟是地方官應辦之學務統系不定則推諉恆多權限不明則侵軼可慮臣等謹就各省現在辦學情形參以東西各國地方興學制度凡提學使司以下人員釐定職司提挈綱領晰科目以專責成合官紳而籌任使尤重在教育行政與地方行政之機關各有考成不相扞格期於實力奉行徐圖推廣至現在風氣初開辦理學務之員於教育學教授管理諸法及教育行政視學制度皆須隨時研究以謀補充識力其各廳州縣凡有勸學之所皆當遵照章程妥籌辦理城鄉市鎮一律推行尤宜定期宣講教育宗旨俾資遵守庶幾經正民興邪慝不作此則臣部任督催統率之責而日兢兢焉者也其各省學務詳細官制辦事權限並勸學所章程謹分繕清單恭呈 御覽謹 奏

謹擬各省學務詳細官制及辦事權限章程繕具清單恭呈 御覽 一每省設提學使司

提學使一員秩正三品在布政使之次按察使之前總理全省學務考核所屬職員功過其舊有學務處俟提學使到任後即行裁撤以專責成

江甯省城江蘇向有布政使二員隸於江甯

使一員照布政使管轄地方例管理學務其官林黑龍江新羅三省均添設提學使各一員

一各省提學使司提學使員缺擬由學部

以京外所屬學務職員開單奏請簡放一此次提學使初設需員甚多擬由翰林院人

員品端學粹通達事理及曾經出洋確有心得並京外究心學務素有閱歷之員不拘資格

一體擢用其現任各省學政暨學務處總辦果係素諳學務辦事認真者並由學部奏請改

任提學使或補或署以資熟手而廣任用一提學使自到任之日起每三年作為俸滿俸

滿之前各督撫將其平日所辦事項詳細咨部本部證以三年內派出視學官所切實考察

者該司辦理學務有無振興實效詳晰臚列奏聞或留任或升擢或調他省或調回本部

請旨遵行一提學使由四五品京堂及實缺道員簡任者升轉與臬司同其由他項

人員補授者應俟三年俸滿列入升轉由他項人員署理者俟實授後扣足俸滿年限列入

升轉一提學使照各直省藩臬兩司例為督撫之屬官歸其節制考核一面由學部隨時

考查不得力者即行奏請撤換一地方學務凡係按照定章復經督撫籌定舉辦者提學

使當督飭地方官切實舉辦力除向來因循敷衍之積習其有延宕玩視並辦不以實者提

學使可具其事狀詳請督撫分別記過撤參毋稍徇隱其有辦事實心卓著成效者亦可具其事狀詳請督撫從優奏獎每屆年終分別所屬府廳州縣興學考成出具考語申詳督撫辦理 一提學使於通省學務應用之款應會同藩司籌畫詳請督撫辦理 一提學使所辦事務除隨時稟報督撫由督撫咨報學部外每學期及年終將本省學堂辦理一切情形詳報於學部以備考核如有重要事件仍可隨時徑達學部 一提學使如遇有緊要事件應行出省考察須先期電達學部經學部允准後方可出省考察但仍當輕騎簡從勿受地方供應 一提學使衙門可仍用舊有之學政衙門所有舊日吏役人等概行屏除其有學政向不與督撫同城者均應改歸一律至各省業經裁撤之學務處即改爲學務公所提學使督率所屬職員按照定章限定鐘點每日入所辦公不得曠誤所有學政衙門案卷學務處公牘均移送提學使衙門毋得遺漏以便稽考 一學務公所設議長一人議紳四人佐提學使參畫學務並備督撫諮詢議紳由提學使延聘議長由督撫咨明學部奏派須擇端正紳士通曉學務者 一學務公所分爲六課曰總務課曰專門課曰普通課曰實業課曰圖書課曰會計課其各課所掌事務分列於下 總務課 掌辦理機密文書事件收發一切公文函電案卷冊籍編纂統計報告及各種學務報告並編印教育官報檢定教員考核所屬職官教

員功過及其任用升黜更調核定關於本省學務全體之規則章程並掌理備聘外國人考查公所人役一切雜項事務又各學堂衛生事務亦歸管理 專門課 掌理本省高等學堂及各種專門學堂教課規程設備規則及關於管理員教員學生等一切事務並保護獎勵各種學術技藝及海外遊學生事務 普通課 掌理本省優級初級師範學堂中等學堂女子師範學堂女子中學堂小學堂教課規程設備規則及關於管理員教員學生等一切事務又凡通俗教育家庭教育教育博物館及與中小學堂相類之學堂一切事務均歸辦理 實業課 掌理本省農業學堂工業學堂商業學堂實業教員講習所實業補習普通學堂藝徒學堂及各種實業學堂之設立維持教課規程設備規則及關於管理員教員學生等一切事務並考察本省實業情形籌畫擴張實業教育費用 圖書課 掌理編譯教科書參考書審查本省各學堂教科圖籍繙譯本署往來公文書牘集錄講義經理印刷並管圖書館博物館等事務 會計課 掌本所經費之收支報銷核算省會及各府廳州縣教育費用是否合度並稽核各學堂凡各學堂建造營繕之事亦歸考核經理 一各課設課長一人副長一人其課員視事之繁簡由提學使酌量詳派限定人數少則一員多不得過三員 一各課課長副長課員以曾在中學堂以上畢業或會習師範並會充學堂管

理員教員積有勞績者充任此時創辦應予變通暫就本省官紳辦理學務積有閱歷學望素孚者由提學使詳請督撫札派 一提學使下設省視學六人承提學使之命令巡視各府廳州縣學務各省省視學由提學使詳請督撫札派會習師範或出洋遊學並會充當學堂管理員教員積有勞績者充任其巡視區域及規則另詳專章由學部奏明辦理 一課長副長省視學如無官者均給予職銜課長五品副長及省視學均六品其資深勞著者准以京外相當之學務官員調用 一課長副長省視學及各課員每年由督撫彙奏彙咨一次以上各員應領薪水均比照舊有學務處人員薪水開支 一各省提學使養廉均比照學政原有之養廉支給其署任人員若署無人之缺養廉全支均加給公費其數目由督撫奏定所有學政舊有之規費供給等項名目一概禁絕 一課員以下可設司事書記其人數視事之繁簡爲定皆開支工薪不作缺底公役尤宜限定人數 一各廳州縣均設勸學所遵照此次奏定章程按定區域勸辦小學以期逐漸推廣普及教育此爲當今切要之圖提學使務嚴督地方官限期速辦實力推行並於勸學所內定期約集學會紳衿宣講教育宗旨以資遵守 一各廳州縣勸學所設縣視學一人兼充學務總董選本籍紳衿年三十以外品行端方曾經出洋遊歷或會習師範者由提學使札派充任即常駐各廳州縣城由

地方官監督辦理學務並以時巡察各鄉村市鎮學堂指導勸誘力求進步給以正七品銜其辦理實有成效者准其擢充課長副長以示鼓勵 一各省設教育官練習所由督撫監督由提學使選聘本國或外國精通教育之員講演教育學教授管理諸法及教育行政視學制度等以謀補充識力每日限定鐘點自提學使以下所有學務職員至少每星期須上堂聽講三次

謹擬勸學所章程繕具清單恭呈 御覽 一總綱 各廳州縣應各於本城擇地特設公所一處爲全境學務之總匯即名曰某處勸學所每星期研究教育即附屬其中凡本所一切事宜由地方官監督之 一分定學區 各屬應就所轄境內畫分學區以本治城關附近爲中區以次推至所屬村坊市鎮約三四千家以上即畫爲一區少則兩三村多則十餘村均無不可在本治東即名東幾區在本治西即名西幾區推之南北皆然由第一區至數十區可因所轄地之廣袤酌定 一選舉職員 勸學所以本地方官爲監督設總董一員綜核各區之事務每區設勸學員一人任一學區內勸學之責總董由縣視學兼充勸學員由總董選擇本區土著之紳衿品行端正夙能留心學務者稟請地方官劄派其薪水公費多寡各就本地情形酌定 一統合辦法 勸學員於本管區內調查籌款興學事項商承

總董擬定辦法勸令各村董事切實舉辦此項學堂經費皆責成村董就地籌款官不經手
勸學員但隨時稽查報告於勸學所每年兩學期之末由勸學所造具表冊彙報本地方官
一面榜示各區以昭核實若提學使派遣省視學查驗時應由勸學所總董將各區學堂情
形詳述以便省視學酌赴各區調查 一講習教育 各區勸學員應先於本城勸學所會
齊開一教育講習科研究學校管理法教育學奏定小學章程管理通則等類限兩個月畢
業再赴本區任事以後每月赴本城勸學所會集一次 預定期如每月第一期為東
鄉各區勸學員會集之期第二期
即西鄉各區第三期即南鄉各區
第四星期即北鄉各區以此類推 呈交勸學日記由總董彙核有商訂改良各事即於是
日研究條記攜歸本區實行凡會集之期地方官及總董必須親到 一推廣學務 勸學
員既係本區居住之人自於本地情形熟悉平時宜聯合各家及本村學董查有學齡兒童
已屆入學年
歲之子弟 隨時冊記挨戶勸導並任介紹送入學堂之責使學務日見推廣每歲兩學期
以勸募學生多寡定勸學員成績之優劣其辦法有五 一勸學 婉言勸導不可強迫
一次勸之不聽無妨至再至三 說明學堂為培養學童之道德並不得誤認新奇自生疑
阻 宣講停科舉興學堂之 諭旨使知舍此別無進身之階 說入學於謀生治家大有
裨益 說入學之兒童可以強健身體 遇貧寒之家可勸其子弟入半日學堂 遇私塾

塾師課程較善者勸其改爲私立小學並代爲稟報 遇紳商之家勸其捐助興學裨益地方 對所勸之家勸其復向親友處輾轉相勸並於開學時引導各鄉父老參觀 以上爲勸學員之責 二興學 計算學齡兒童之數須立若干初等小學 計各村人家遠近學堂須立於適中之地 查明某地不在祀典之廟宇鄉社可租賃爲學堂之用 定明某地學堂須入某學堂 籌畫某地學堂屋宇多寡可容若干人爲定分班之數 頒行課程 延聘教員選用司事 稽查功課及款項 設立半日學堂 每學期製學堂一覽表 以上爲本村學堂董事之責惟須與勸學員會議 三籌款 考查迎神賽會演戲之存款 紳富出資建學爲稟請地方官獎勵 酌量各地情形令學生交納學費 以上爲勸學所總董之責惟須據勸學員之報告聯合村董辦理 四開風氣 訪有急公好義品行端方之紳耆倩其襄助學務 擇本區適中之地組織小學師範講習所或冬夏期講習所 組織宣講所閱報所 有好學之士可介紹於本府初級師範學堂或本城傳習所肄業科學 以上由勸學員隨時報知本城勸學所總董辦理 五去阻力 各地劣紳地棍之阻撓學務者 各地愚民之造謠生事者 頑陋塾師禁阻學生入學堂者 娼寮煙館等所之附近學堂有妨管理者 以上由勸學員查出通知本城勸學所稟明地方官分別辦理

一實行宣講 各屬地方一律設立宣講所遵照從前宣講 聖諭廣訓章程延聘專員隨時宣講其村鎮地方亦應按集市日期派員宣講一切章程規則統歸勸學所總董經理而受地方官及巡警之監督 一宣講應首重 聖諭廣訓凡遇宣講 聖諭之時應肅立起敬不得懈怠 一忠君尊孔尙公尙武尙實五條 諭旨爲教育宗旨所在宣講時應反覆推闡按條講說其學部頒行宣講各書及國民教育修身歷史地理格致等淺近事理以迄白話新聞概在應行宣講之列惟不得涉及政治演說一切偏激之談 一宣講員由勸學所總董延訪呈請地方官札派以師範畢業生及與師範生有同等之學力確係品行端方者爲合格如一時難得其人各地方小學堂教員亦可分任宣講之責其不合以上資格者概不派充 一宣講時無論何人均准聽講卽衣冠藍縷者亦不宜拒絕惟暫不准婦女聽講以防弊端 一宣講時限日期得由勸學所總董隨時酌定 一宣講員每期宣講事項應備簿存記目錄以備地方官及勸學所總董隨時稽查 一宣講附在勸學所或借用儒學明倫堂及城鄉地方公地或賃用廟宇或在通衢 一凡宣講時巡警官得派明白事理之巡警員旁聽遇有妨礙治安之演說可使之立時停講 一詳繪圖表 勸學員應商同本區各村董事就所轄地方遵照學部頒行格式繪成總分各圖注明某地有學堂幾處每

學堂若干齋室隨時報明本城勸學所存查其學生班次人數課程及出入款項分別造具表冊分期報明本城勸學所勸學所彙齊另造表冊交由地方官申報提學衙門每半年一次一定權限。各屬勸學所總董與勸學員及各村學堂董事均爲推廣學務而設不准於學務以外干涉他事如有包攬詞訟倚勢凌人者經地方官查實輕則立時斥退重則稟明提學司究辦。一明功過。勸學所各員如辦理合法著有成效應隨時記功其有特別勞勩者記大功年終按記功之多寡由地方官稟明提學司予以獎勵其固陋怠惰或辦理不善者隨時稟撤另舉

學部左丞前江南道監察御史喬英甫申曉正學摺

竊維

聖祖仁皇帝天縱聖明

御製諸書精微廣大昔孔子生春秋之世言政

必曰文武言道亦必曰文武誠以萬幾之理必本於君心一代之興必原於

祖德我

聖祖仁皇帝卽我朝之文武也孟子曰經正則庶民興庶民興斯無邪慝管仲亦

曰禮義廉恥國之四維四維不張國乃滅亡方今士風澆薄日甚一日良由義理之學不明廉恥之道不立以致官廉不飭庶政不修屢經

皇太后

皇上訓飭周詳而結習

仍難驟挽將爲正本清源之計則講明學術以修政治洵爲扼要之圖恭讀

聖祖御

製文自謂讀書五十載只認得朱子所作何事是爲我

聖祖終始典學之宗旨彌見

聖懷之沖挹

聖學之閱深一時理學名臣如熊賜履李光地則贊襄

聖學密勿敷陳湯斌張伯行則敷歷中外澄清吏治而陸隴其趙申喬輩皆以知縣起家我不取有所不爲而天下爲之大治又恭讀

聖祖察其清廉之名不次升擢天下之士聞風興起莫不砥礪廉隅崇尚風節有所不取有所不爲而天下爲之大治又恭讀

布昭

聖武薄海同欽而於外交要政尤覺

聖謨廣運協濟剛柔方俄羅斯盟

聘既定以五體書勒爲界碑甚且招其子弟編入八旗列於太學三代以來無此盛事至今東洋人士亦有謂

聖諭十六條宜奉爲教育敕旨者可見

皇太后

皇上特降

綸音宣揚

祖德申諭內外大小臣工并恭錄

聖祖御製朱子全書序在各衙署學堂中敬謹懸掛俾爲矧貳者咸慕熊賜履李光地之爲人爲封疆者咸慕湯斌張伯行之爲人爲州縣者咸慕陸隴其趙申喬之爲人而於教訓

州縣爲尤亟。苟天下州縣人人皆知禮義尙廉恥則根本已立。其於學堂警察勸工訓農諸要政必能虛心講求實力興辦。民不苛擾而庶政畢修。國本之強實基於此。否則雖有自強之政而無奉法之人。惟是上窮國帑下竭民膏以養夫尸位苟祿之流。而辦成有名無實之事。新政未舉而舊弊叢生。是又內外大小臣工所宜共加警惕者也。臣爲接原治本振肅官常起見。是否有當。謹就管窺所及繕摺上陳伏乞 聖鑒謹 奏奉 旨政務處學部知道欽此

各 省 教 育 彙 誌

京師○滇省京官議辦雲南旅學專收同鄉子弟入堂肄業○八旗學務處設立研究會聘請崔陳二君於星期日演講教育法及心理等學○商部魏副郎震創設西城第一民立女子小學堂以開通女智培養婦德改良家庭教育爲宗旨○河南新蔡縣金粟寺住持性月等創設僧民兩籍初等小學江蘇陽湖縣 萬壽清涼寺住持清容清海議設佛教海靜學堂均經僧人覺先稟請學部核准部以方外興學較諸士民尤屬難能特允咨行各該省飭屬嘉獎維持至一切課程已飭其遵照奏定章程辦理其佛教建立字樣亦飭改爲某寺私立小學堂以歸一律○彭君翼仲等公立有級學堂一所招生六十人專授西文音樂二科

直隸○直督袁慰帥劄飭學務處籌議將保定師範學堂名額盡力推廣至少設一年卒業之初級簡易科生五百人以養成小學教員並設二年卒業之優級選科生二百人以養成府立師範學堂中學堂教員並須附設五箇月卒業之體

操專修科授以體操遊戲教育生理教授等法名額百人。以養成小學體操教習當由該處議覆遵照辦理。

奉天○奉省女子小學已有兩處近又設一女子師範學堂監督教習均係女士並延聘日本英國女士各一擔任科學

○博多勒噶親王旗管旗章京富勒琿君人極開通近議在昌圖設一蒙古小學專教蒙古三旗子弟

山東○東撫楊蓮帥近准學部咨行飭設學監養成所專招本省教職及州縣以上人員之在籍者入堂肄習學校管理

法其候補候選之佐貳雜職一概不收以清流品而示限制

河南○遂平縣紳趙君鑑塘因地方興學無款特捐銀一萬二千餘兩撥入該縣學堂作為常年經費由該縣詳請豫撫

奏將該紳免選縣丞以知縣過缺儘先選用藉昭激勸業奉 硃批允准矣

江蘇○蘇省設立法政學堂早有成議近經總辦羅觀察督率工役趕速完竣已於閏四月初十日考試開學因經費支

絀暫設學額五十名一年畢業○蘇州潘君紹助等以族姓繁多議就義莊餘屋設立榮陽初等小學堂暫定學額四十

名已稟准學務處開辦○顏氏女史在蘇州鳳凰街設一振吳女學校暫設學額三十名授以地理歷史修身算術諸科

○上海南市總工程局開辦警察學堂學額暫設一百二十名○上海浦東一鎮素稱繁盛近經紳董會議將尼菴斗姆

堂改設小學堂以興教育○江北提督劉延帥因江北創練新軍人材缺乏特從權設立武備速成學堂以應急需俟二

年畢業後即行停辦已擬定章程奏明開辦○揚州郭堅初女士創辦第一幼女學堂有女尼僧數輩願出菴中積款助

充經費○江都學界議於萬壽寺開辦江都縣學會舉方君爾成爲會長

安徽○皖北正陽關爲水陸要衝商販雲集客民聚居極多而學務未興民智不開近經留學甯院諸君議設初等小學

堂一所招生六十名分課程十門規則極爲完備

浙江○浙省督練公所附設士官研究所招考舊營哨弁人等教授戰術兵器築城測繪算學步兵操典野外要務令操練體操國文諸科○杭府世伯先太守以貧民子弟無力入學特辦半日學堂兩所每堂額設四十名不收學費○嘉興職婦周王氏人頗開通讀報章知欲保身家必先合羣欲求合羣首在興學而經費無出觀成甚難特將其先夫遺產良田二百畝悉數捐入學務公所以爲散財興學之導其稟縣之詞有曰氏雖有孫曾而衣食粗給不肯求學用特傾產助學以求教育普及他日氏之裔孫或可間接以受其益於願斯慰云云按周王氏以一婦人而有此捐產助學之思想較諸坐擁倉箱徒供子孫浪費者勝之遠矣特詳誌之以爲當世士大夫勸○奉化孫君悌德孫君忠儒二人各捐庫平銀一千兩在蕭王廟地方設一崇文學堂經該縣詳請學務處給予樂善好施匾額以示鼓勵○會稽沈君培鈺等以月印菴尼僧不守清規稟縣驅逐除將菴產撥入明強學堂外更於中市地方設立蒙學堂一所並將該菴改爲育英初等小學堂○新昌士紳近議創辦私塾改良會並設師範補習科稟提串稟錢以作經費○松陽劉君海懷在該縣北鄉佳溪地方捐設震東南等小學堂已稟准學務處立案○龍游杜君晉卿創辦培坤女學堂以改良家庭教育爲宗旨一切辦法均極妥善

福建○龍巖州黎直刺到任後興學不遺餘力而苦乏經費因擬一籌款善法凡捐八元六元者准送其先人木主入祀崇報祠一時報捐者約五千人共得三四萬元其紳富捐助者亦不下萬元又以該州向無典當即將此款設一集成堂歲可得餘利五千元以供中學堂及各蒙小學堂之用聞其章程已詳請立案矣

湖北○鄂省大東門向有敬節堂附設之蒙塾一所茲經鹽道馮觀察就堂內添設一蒙養女學堂定額三十名○江夏縣東南北三鄉近已設立蒙小學堂十處荊州同鄉復公立一荊州高等中學堂襄陽紳士亦設一襄陽高等學堂一所

均已稟准學務處立案○漢陽鋼藥廠附設電話學堂一所又有葛女士在鐵門關地方設一淑範女學堂均已開學

湖南○善化縣學界中人在省城公立中學堂一所並附設師範速成科中學設額六十名師範八十名○湘人某君在省開設理化工藝實業學社教授各種實業其科目如下 理化實業科目 製造洋紙 刻玻璃 製造火柴 造指南針 製造肥皂 玻璃銀光 造漂白粉 造荷蘭水 製造強水 浸鍍金銀 製造粉筆 造無水醇 熬樟取腦 蒸取花露 各種香油 造無火燈 苛性曹達 苛性加里 阿摩尼亞 硫酸亞鉛 工藝實業科目 機器

織布 東洋花布 毛絨手巾 羅布手巾 山東羅巾

四川○巴縣物產豐阜商業殷繁而商智未開商務不振近經商董曹君漱珊等議集款在該縣城內創辦商務學堂招集商界子弟授以地理算學財政諸科以立商戰基礎聞已稟准川督立案

廣東○南海庸常善社孔陳諸君發起在該社創設半夜學堂業經成立近聞惠行善院朱君式如等亦擬設立一最樂半夜學堂以鸞航會館為校舍又秀水鄉梁君炳琦等籌款設立秀水初等小學堂已稟准學務處立案○順德大良鄉陳君若湖等籌款辦一半夜學堂並附設閱書報處○海陽何君同韓等創辦識字夜學堂專收無力就學及幼年失學之子弟入堂認字一年畢業又東鳳鄉陳君經煜倡辦育材初等小學堂規則頗為完備又鰲頭內畔鄉陳君若愚昆仲議辦和怡兩等小學堂以陳氏宗祠為校舍又羅渚鄉鍾君翰孫等亦創一半夜學堂以助各學堂教育之不逮○豐順吳姓創辦家族湯田小學堂早經成立嗣因就學者衆添設廣智兩等小學堂以宏造就○揭陽棉湖埠原有興道書院近已改為官立高等小學堂會楊二君復就楊家祠開辦商立學堂以補官立之不逮○饒屬西界海山浮尋鄉林姓為各村巨族近該姓公議創辦家族初等小學堂兩所一名崇實一名維新又上新豐詹君希祖亦自行捐款設一上饒同文

兩等小學堂○普甯馬公棚鄉黃君魯峯倡辦公益兩等小學堂一所學額六十名每等酌分二班教授○嘉應葉潤生女士創設女學堂分甲乙兩班課程極爲完備又大旺鄉吳君蒸輝聯合族人籌設清源兩等學堂業已開辦○長樂橫坡約華閣魏氏設立家族兩等學堂招生八十人分三班教授又泉砂約地廣人衆向未設立學堂茲經江君仲甘等與紳耆商妥將青雲寺改爲小學堂不日開辦又大田約張氏設立家族學堂額八十名大田約之青村亦開辦一初等小學堂所需經費係張君曉初一人擔任○鎮平福嶺陳氏創辦新文家族學堂幹事教員均盡義務學生多至一百二十餘人

廣西○鬱林直隸州地大人衆甲於通省前因匪亂方熾無暇振興教育茲粵督岑雲帥特飭胡太守文淵帶教習五員及學堂應用儀器圖籍前往鬱林會同該州官紳創設中小蒙三等學堂俟辦有端緒即赴州屬北流興業陸川博白四縣開辦云

各省游學彙誌

京師○學部以游學外洋學生畢業回國各省隨時皆有且一經歸來大半供有要差而本部考驗必俟人數稍多方能奏請廷試若不明定試期誠恐來者先後不齊少有稽延致令守候於公私兩有妨礙特奏請嗣後考驗游學畢業學生自本年始每年八月舉行一次由部通行各省先期按照定章將應考各學生肄業學科畢業年分並出具考語奏咨備案俟試期伊邇再將該生等咨送至京以憑考驗庶免稽延守候之弊聞已奉旨依議矣

直隸○直督袁慰帥近就津海關關稅項下撥出經費選派北洋大學堂學生二十二人教習四人前赴美國游學以本堂總教習美儒丁嘉立君爲監督另有法文班生五人則往比國游學○保定速成武備學堂選派德文學生五名咨送

德國軍械學堂肄業

吉林○將軍達馨帥選派學生二十名前赴日本留學聞以學師範警察者爲多

河南○調任豫撫陳筱帥前就豫省武備學堂學生中擇其學問稍深質性敏健者五十名派員帶赴日本入振武學校分習步礮馬工輻重各科以期學成歸國因材器使云

廣西○桂省匪亂收平曠土滿目振興實業至爲要圖桂撫李仲帥有見於此特派學生十二名咨送日本留學農工各項專科又派警察學生四名同往專習警察

僑民興學

旅居安南華人以廣東潮嘉人爲最多惟學堂未設學問無由近經潮陽陳君子清等發起設一學堂聘同鄉阮君爲教習規則極爲完善教授亦頗合法

學生立會

留學西美諸君以國人往美游學者日衆亟宜設法聯絡藉謀公益特議設立西美中國留學生會暫假卜技利大學中國學生寄宿舍爲會所會中設幹事三員華英文書記各一員會計一員各有責任以每半年爲一任會員則有正會員附會員名譽會員之別惟正會員有選舉職員之權每年須捐美金一元如會中經費不敷應由各員攤派其會期分大會月會特別會三種會員共二十二人云

各國教育彙誌

日本○日本向稱海國故不可不興水產事業然至今惟農商務省所設之水產講習所一處以試驗水產栽培技師於

教 育

僑民興學

學生立會

各國教育彙誌

一百七十九

丙午

文部省全無關係四五年前雖經文部省飭於各地設立水產學校而均係中等程度全國九處學生合計不足百名且僅以理想教授而少實驗之功近聞該部已知此事之要將在東京設立水產學校一所其程度悉如高等專門學校約於明治四十年四月開辦其九洲及各地方亦均有仿辦之議該部因之執定方針力爲獎勵俾水產思想得以普及全國人民云

韓○韓皇允日本伊藤統監之請卽頒教育敕語云歷代以來儲材之道不外乎教育是以曩舍宏開英才輩出方能擴充治化蓋國家設學以爲模範則閭巷之間小學必將林立乃晚近教育之法已漸寢廢故皆不明治道今觀國勢之危急果能興立學堂培養人材以供國家之用則數年之後必有成效可觀也

英○英國加武布利治大學校議定嗣後亞洲人願入學校者准免考試拉丁希臘二種言語文字

財政

論中國釐金稅 湘潭楊度撰

欲言釐金稅。必先論其性質。次論其利弊。次論其改良之方法。故於下分論之。

第一釐金稅於財政學上租稅制度何如乎。釐金稅者。以比例納金制度。常時普通間接所徵收之國內通過稅。以爲國稅者也。一以租稅賦課法論之。釐金稅爲定率稅而非配賦稅。在定率稅中爲比例稅而非累進稅。釐金稅之名。由於咸豐初年刑部侍郎雷以誠治軍揚州。用錢江策。奏權商稅。從前關稅正則本千而抽三十。權之糜肆。則本千而抽十。卽百中之一。故謂之釐金。言金取一釐也。以此例推。不爲變動。故爲比例稅。其後雖時時加徵。然終以比例而定。二以租稅之物質論之。釐金稅爲金納稅而非物納稅。課役金取一釐。乃以物價爲標準而定之者。既取金而不取物。則非物納稅而爲金納稅。三以租稅時期論之。釐金稅爲常時稅而非臨時稅。釐金稅之初立。原以助一時之軍餉。本爲臨時稅。其後軍務既平。而裁撤者。惟湖南東征釐金稅。東征釐金稅者。設於咸豐十年。於湖南本省釐金稅徵收一釐以外。加抽半釐。同治四年。曾文正奏撤之。其餘各色釐金。則以捻回未平。長江水師新立。

又加以練海軍。籌防營協餉及各國賠款。故終不能撤。以至於今。遂爲常時稅。四以使用之目的論之。釐金稅爲普通稅。而非特別稅。從前以軍餉加稅。本爲特別稅。今則用於普通各事。故爲普通稅。五以被租稅之人論之。釐金稅爲間接稅。而非直接稅。釐金皆徵之行商納稅之人。非被稅之人。故非直接稅。而爲間接稅。雖旅客往來。亦有不以買賣爲目的。而亦被稅者。然爲少數。故爲例外。因此制度。故其影響所及者有四。一屈伸力大。二普及於下等社會。三課稅物件之評價。不固定。而應時世推移。四納稅者無由反對。此外尙有一種。本爲間接稅之不便。而釐金稅反以之獲利者。則得多大收入是也。六以租稅場所論之。釐金稅爲國內稅。而非關稅。釐金稅之初立。專以課內國人民者。本非以課內外人交通而生之稅。其後始并抽洋貨釐金。然不過於關稅之外加徵而已。故終非關稅。而爲國內稅。七以租稅位。置而論。釐金爲通過稅。各國國內。皆使自由貿易。無通過稅。惟關稅始有通過稅。今釐金稅總局分局分卡稽查卡。徧地設立。專以徵收由生產地至到著地之通過稅。故爲通過稅。八以賦課租稅之主體論之。釐金爲國稅。而非地方稅。釐金稅所徵收。雖不盡解往北京政府。然各省政府之所存留者。亦皆爲官中之用。而非地方團體所收入自用者。故非地方稅。而爲國稅。釐金稅之制度。如上所述。其不合於學理者。有下之數點。一釐金稅爲國內通過稅。

國內設通過稅則惟以阻商務之發達各國皆無此制二釐金稅爲常時國內通過稅臨時稅猶不可以國內通過稅之制行之況常時乎是欲使國內商務永無進步也三釐金稅爲普通國內通過稅特別稅猶不可以國內通過稅之制行之況普通乎是無一事而不仰給於此也四釐金稅爲間接國內通過稅既爲通過稅則未有不間接者是一國中惟不動產得免此稅其動產之免此稅者幾希矣人人皆待動產之用則無人能免此稅矣

第二釐金稅於財政學上租稅之原則何如乎 租稅之原則有三試分舉而比論之一公正之原則(甲)普遍文明之國豪強不能免稅而貧者得免如日本人民每年所得不及三百圓者無稅今年議會更有議改爲五百圓以下者釐金稅則豪強可以投刺放行貧商販運亦須納稅是不普遍(乙)平等資本有多少則納稅亦有多少今釐金爲比例稅而非累進稅如鹽商資本貧富不同而鹽釐徵收則爲一律是不平等(丙)確定釐金稅於課稅物件無一定之範圍於稅率無一定之標準是不確定(丁)合法中國無議會議定之稅法故無所謂合法即以奏定釐金徵收法而論亦不能實行是不合法(戊)合德鴉片亦有釐金稅其本意不在以重稅限制漸圖禁止而在仰此財源乃不正不義之事是不合德二經濟上之原則(甲)不可侵其稅源租稅只可於人民所得之利息中取之今釐金稅之極苛重

者有過於利息之數。是侵其稅源矣。(乙)當分別物件。釐金不僅於奢侈品重稅。即必要品有用品亦極重。如日本人以醬油比鹽。同為必要品。故稅之極輕。且有議欲免除者。中國鹽釐則為最重。各項籌款之法。多以鹽斤加價。米釐亦重。皆不能分別物件者也。三財政上之原則。(甲)要收入多大。釐金之收入。雖大。然較之中飽所得。尚少六七倍。並不能涓滴歸公也。(乙)要有屈伸力。釐金稅固可有屈伸力。然其逐年比較之法。逾前額者。委員有獎。不及前額者。撤委賠補。不論社會經濟之情勢。以為稅額之伸縮。自有釐金以來。有加無減。有伸無屈。(丙)要徵稅行政得其宜。(1)徵稅行政制度。(a)直接管理法。各省釐金稅。有全用官者。有官紳并用者。然非包徵包解。則非請負法。又非地方團體承辦。則非委任法。故為直接管理法。雖間有以其一部分由商人包徵包解者。然其事甚少。故為例外。然他國以直接管理法為善。而請負法委任法不及之。中國則不然。剛毅整頓廣東釐金。反舍直接管理法而用請負法。改用商人包徵包解。其後亦不能辦妥者。乃其法未善之故。然在中國而言。直接管理法猶不如請負法委任法之善也。且咸豐時湖南釐金稅。以郭筠仙創議。由士人辦理。院司委員以總其成。而收入甚多。其後巡撫陸增祥改用官吏收入之數。較前不過十分之一。故在中國而言。直接管理法用官。又不及用紳之善也。(b)請負法。論見上(c)委任法。中國無此辦法故不

(2)徵收法。(a)迅速。釐金稅所徵於民者。不即輸之於國。各省督撫於報告北京政府之數之外。必猶有隱匿。以備本省若有需款。以此補助。釐金委員於報告本省上官之數之外。亦必猶有隱匿。以備下屆若不足額。以此補足。是不迅速。(b)正確。釐金稅之偷漏者。仍復不少。是不正確。(c)低廉。釐金徵收費雖不多。然需索甚多。中飽之數。不可揣測。是不低廉。(d)簡易。釐金稅留難阻遏之弊甚多。是不簡易。以上於租稅之原則。無一能合者。其為應廢。無可疑議矣。

第三、中英條約免釐加稅之政策。何如乎。西歷千九百二年九月五日即光緒二十八年八月四日。呂海寰盛宣懷與英商約專員馬凱所訂中英商約。其中有免釐一項。關於此事之要點有三。今為提出。分為三項論之如下。一關於免釐之協定。甲正。中國十八省並東三省之各道路鐵道及水路之釐金。或別項賦課金之稅局。不問為何種類。悉永遠廢止。英國之欲廢釐金稅。其理由有二。(一)向來外國進口貨。雖只完納關稅及子口稅。即發與免稅單。各處放行。但其貨物若分散與華商運往內地。則所通過各地。仍不免釐金稅。是為暢銷洋貨之一阻力。故欲免釐。(二)自日本馬關條約以後。各國以利益均霑。皆於中國得有內地製造權。若內地製造之貨物。連轉各處。雖可免關稅。而不能免釐金稅。是亦為

一。阻力故欲免釐。乙副。又分爲三。(a)海港水路開港場。陸路及陸路國境地方。現有之常關。皆不廢止。但其位置。須作明細表通知英國政府。其稅務可由各省督撫與總稅務司協議。選擇海關外國官吏管理之。英國之不欲廢止常關。其理由有三。(一)常關數目。皆載於戶部工部則例及大清會典。原爲徵收華商而設。其後因與外國通商之故。於是沿海商埠如津海關等。沿江商埠如鎮江關等。內河商埠如九龍關等。共三十四處。陸路商場如龍州關等。共四處。皆以常關爲新關。徵收洋貨子口稅。其稅務以西人司之。是爲稅務司。有總有副。會同各關監督辦理。然監督實惟畫諾而已。權皆在稅務司也。總稅務司向用英人赫德。英國且與我訂約稅務司永用英人。是英人所得之稅權。於常關爲極重。若廢常關。是自棄稅權也。故不欲廢常關。(二)辛丑北京和約。已將各新關稅全數。作爲賠款抵償。廢之則賠款無著矣。故不欲廢常關。(三)未成新關之常關尙多。皆在未通商之地。英人政策。必使各處開放。遍地通商。若他日一處通商。則一處常關變爲新關。皆當歸稅務司管轄。是留之可爲英人增長稅權之地。故不欲廢常關。(b)製鹽釐金廢止之後。其釐金及他之課稅及捐銀之總計額。於鹽稅增課。當於生產地或輸送省分入境後。最初之常關徵收。其稅務可由各省督撫與總稅務司協議。選擇海關外國官吏管理之。英國之不欲廢鹽稅。其

理由有二。(一)海關外國官吏。即英人也。為增長稅權起見。故不欲廢鹽稅。(二)辛丑北京和約。載中國全國鹽釐所得。除還舊債外。皆以抵償賠款。故其總計額。不能減少。否則賠款。又將無著。故不欲廢鹽稅。此外尚由一理由。辛丑之後。又有以鹽斤加價為籌款之方法者。若減少其額。則國內所恃的款。亦將無著。故亦欲爭之不廢也。(三)不問水陸。於各省疆域樞要之地點。設置內國產鴉片稅徵收局。其稅金及捐銀。與該省內所賦課之各種稅金相當者。得自由徵收。鴉片完稅之後。每塊過印放行。不得再稅。其徵收局得設收稅吏及警察官。惟不得設障害之官局。各局所地。明細作表。詳行記錄。通告英國政府。其稅務可由各省督撫與總稅務司協議。選擇海關外國官吏管理之。英國之不欲廢內國產鴉片稅。其理由有二。(一)為增長稅權起見。於用外國官吏之外。又復須通知英國政府。其稅權益大。故不欲廢內國產鴉片稅。(二)既為內國鴉片稅。則雖加稅而於外國產之入口。鴉片並無妨礙。且產於內者。稅重而來自外者。稅輕。轉使進口鴉片得以暢銷。然若收稅過重。則是不以鴉片為尋常貨物。同等亦為阻礙。故必與各省內所賦課之各種稅金相當。且所設稅局。通知英國政府。隨時應加應減之權。得以操縱為保護其進口鴉片起見。故不欲廢內國產鴉片稅。此外尚有一理由。則我國政府以外國輸入鴉片稅及內國產鴉片稅為一大收

入款故亦不願廢也。二、關於加稅之協定。甲正。又分爲三。(a)關稅進口稅。由切實值百抽五。加抽至值百抽十二五。英國允加關稅進口稅。其理由有二。(一)釐金稅裁撤之後。於中國財政上之損失。宜有以代償。故允加關稅進口稅。(二)向來洋貨分散運入內地之時。仍不免釐金稅。今廢釐金。而加關稅。僅收入口一次。以後遂無復障礙稅。仍未較前加而事則較前便。故允加關稅進口稅。(b)關稅出口稅。由切實值百抽五。加抽不得過值百抽七五。英國之允加關稅出口稅。其理由有二。(一)以補償釐金裁撤之損失。故允加關稅出口稅。(二)內國商人運貨出口。本不應有出口稅。所以獎勵外國貿易。日本即無此稅。中國向來惟以苛稅壓抑華商。因此華商日困。非借洋商名號不能免。沿途勒索而出口之後。又以無國家保護。多不能自運出洋。漸而出口貨一項。無論皆真洋商與否。蓋幾非以洋商之名。持三聯票以行。不能運矣。而所運者。又皆天然物產。運至其國。製造成貨。而又以運來中國貿易者也。此條約之意。原爲洋商運貨出口。而設。至於華商。則未嘗注意。故允加關稅出口稅。(c)關稅沿海輸出稅。於出口正稅外。加抽半稅。英國允加關稅沿海輸出稅。其理由有二。(一)以補償釐金裁撤之損失。故允加關稅沿海輸出稅。(二)由此口運至彼口。猶是內國貿易。各國有不徵稅者。然中國則洋商運者實多。且得有製造權之後。既有

製成貨物非內國陸路鐵道所能運往他處必須出海口者則與出洋無異此條亦未嘗於華商注意故尤加關稅沿海輸出稅 乙副 又分爲三 (a) 生絲不問手縲或機器縲其出口稅之總額不得過值百抽五 英國不允加生絲出口稅其理由有二 (一) 中國生絲爲出口貨一大宗若加稅則爲出口之阻礙故不允加生絲出口稅 (二) 外國需此物之用亦甚多若加稅而阻其出口則外國以爲不便故不允加生絲出口稅 (b) 在中國用機器製造之棉絲及棉布不論爲開港地之外國人或內地之中國人所製造皆課以值百抽十稅金但既完稅之後不得再課出口稅沿海輸出稅 英國不允加已完稅之棉絲棉布出口稅及沿海輸出稅其理由有二 (一) 洋商在內地製造而復運以出口較之入口貨之復出口者實無大異若倍於入口稅應值百抽二十五若合入口一次出口一次計之應值百抽二十今惟與華商平等則以值百抽十亦爲重矣故不允加已稅之棉絲棉布出口稅及沿海輸出稅 (二) 華商若使獨輕則將使洋商不能相競必使與華商同等此稅在洋商則爲輕在華商則爲重故不允加棉絲棉布出口稅及沿海輸出稅 (c) 在中國用機器製造之外國模造品不問爲開港場之外國人或內地之中國人所製造皆課以值百抽十稅金但既完稅之後不得再課出口稅沿海輸出稅 英國之不允加已完稅之外國模造品出

口稅及沿海輸出稅。其理由有二。(一)華商若能製造外國模造品以抵制洋貨或更投外人之嗜銷行海外。若輕其稅必與洋商競爭。然華商此時程度究難望此其利。惟洋商享之。故不允加已完稅之外國模造品出口稅及沿海輸出稅。(二)洋商製造外國模造品。是即於中國製洋貨。即以銷之中國。而完一稅後。即可免一切稅。乃內地製造之權利。故不允加已完稅之外國模造品出口稅及沿海輸出稅。三關於免釐加稅後租稅之協約。甲正。

又分爲三。(a)海關現在地及將來可設置之地。不問海岸陸地國境。均可設置常關。其稅務可由各省督撫與總稅務司協議。選擇海關外國官吏管理之。以明細表通知英國政府。

英國之欲設常關。其理由有二。均見前

(b)在中國用機器製造之棉絲棉布及外國模造

品。不論爲開港地之外國人或內地之中國人所製造。皆課以值百抽十稅金。但既完稅之後。不得再課出口稅及沿海輸出稅及銷場稅。英國之允設棉絲棉布及外國模造品出廠稅。其理由有四。均見前(c)中國政府於自國所產無輸出之目的貨物。可隨意賦課銷場稅。其運往開港場者。不問帆船輪船。亦不問所有者之國籍如何。同一課稅。其稅務可由各省督撫與總稅務司協議。選擇海關外國官吏管理之。其稅率則由中國自定。惟不得於外洋運來之洋貨。及運往外洋之土貨。稍有妨礙。英國之欲設銷場稅。其理由有五。(一)以

抵償釐金稅裁撤之損失。裁其兼稅洋貨者。設其專稅土貨者。故欲加銷場稅。二以增長總稅務司之稅權。從前釐金稅尙由華官自辦。今則以協定而改稅法。乃更得此稅權。故欲設銷場稅。三純爲自國所產。則與洋貨無損稅之無妨。故欲設銷場稅。四既爲自國所產。又無輸出之目的。則以售之華人而無從得外國人之利。洋人販運土貨。則爲至少之事。稅之更無妨。故欲設銷場稅。五華人自製自相買賣。中國政府卽徵稅。如何苛虐。亦與外國人無損稅率。任其自定。亦復無妨。盡除洋商之害。而以華商任其擔負。終爲英國之利。故欲加銷場稅。乙副。外國居留地及專管居留地。不得賦課銷場稅。英國欲免居留地銷場稅。其理由有二。一居留地。卽租界也。而租界無銷場稅。是不許我國對於租界有徵稅之權矣。爲欲排斥我稅權。起見。故不允居留地銷場稅。二外國人不居租界者甚少。而租界無銷場稅。其貨物必較他處爲價廉。是洋人買華貨得廉價。而華人買華貨反得貴價。欲使洋人於此權利多於華人。故不允居留地銷場稅。由此條約所規定而實行之。則中國所受影響如下。凡中國全國中所有進口洋貨稅。出口洋貨及土貨稅。沿海輸出洋貨及土貨稅。與洋貨有關係之不出口土貨稅。如片國產稅與洋債有關係之不出口土貨稅。如鹽稅等與洋貨洋債無關係之不出口土貨稅。如錫稅皆將歸英人管理。其稅率皆由條約協定。惟與

洋貨洋債無關係之不出口土貨稅之稅率。可由中國自定。如銷稅以此論之。則免釐一事。以言乎善。則土貨洋貨之積弊。障害盡去。以言乎不善。則洋貨之障害。實已全去。土貨之障害。仍可復生。且因此而稅權盡失。是此條約於英爲利於我爲不利。若謂釐金稅不應裁撤。則又非也。特應由我自裁之。而不應待英國逼我以條約之協定而裁之也。若我自裁稅權無由失矣。

第四釐金稅裁撤之可否。何如乎。現在各省督撫。多不欲實行此免釐之制者。揣其理由。蓋有二端。一因免釐加稅。則北京政府之歲入增加。而各省之歲入減少。查光緒二十九年關稅所入二千六百餘萬兩。釐金稅所入一千六百餘萬兩。今以洋關加稅與內地銷場稅所得。必足以抵補免釐所失。然關稅所徵收。必將由北京政府之處分。而不得復由各省督撫之處分。且不能復分與各省。是與前挾釐金稅之巨款。以待戶部之求訴者。情勢大殊。各省惟恃創辦銷場稅之所得。及他項專屬本省之稅。以濟其用。則所入必較前爲少。故不樂奉行也。二因免釐加稅。則於商務之發達。有利益。而於官場之中飽。有損害。日人調查報告。謂中國釐金稅之中飽。當六七倍於正額。確否雖不可必。然遽割捨之。而更謀他。必非所願。故不欲廢。

然吾輩對於此事之意見。宜何如乎。以事理論之。則亦不能不以免釐爲是其理由有二。一經濟上。(甲)內國貿易。內國貿易本應令自由貿易。今處處設立通過稅。無異分一國爲數千百國。各行保護政策。重收入口稅。以禁其暢銷。夫中國交通機關。不便利已爲工商業不發達之一大原因。今又以此稅苛之。是於天然之阻力以外。又加以人爲之阻力。工業之製造原料商業之運輸貨物。皆因此而生大困。非裁撤之不能望實業之進步也。(乙)外國貿易。假使中國海關。即能實行保護政策。重抽入口貨。輕免出口貨。以拒洋貨之競爭。促土貨之發達。亦不應有內地通過稅。今乃反是。洋貨入口則稅輕。土貨出口則稅重。并且層層關卡。層層抽剝。未至海口。已憂虧折。是於保護稅則之理。反對太甚。故必當去之也。二財政上。(甲)收入之貪蠹積弊。無窮。非掃除之不能整理。(乙)支出之浮濫。此項釐金。因何而徵收。因何而使用。徵收之數如何。使用之數如何。民間毫不得知。任聽官吏所爲。此等不信用之中央。政府及各省。政府不應爲籌浪用之費。故必裁撤之也。免釐加稅之後。條約所定之關稅。既歸於北京政府。其數已爲甚多。不必爲之再謀。其銷場稅一項。應由各省自收之。卽爲各省辦公之費。惟宜於開創之始。鑒往事之失。不用直接管理法。而用委任法。不用官吏而用紳民。由地方團體各立收稅機關。而每省設立總機關。并定收入支出之法。庶幾稅法可

正。而。地。方。自。治。之。基。礎。亦。可。立。惟。中。英。條。約。訂。明。銷。場。稅。有。可。用。海。關。外。國。官。吏。管。理。之。語。條。約。所。定。萬。難。變。更。何。能。由。我。紳。民。自。行。辦。理。然。亦。有。不。必。盡。然。者。其。理。由。有。二。一。即。有。外。國。官。吏。管。理。仍。不。過。干。涉。其。間。至。於。任。事。之。人。自。仍。以。中。國。人。爲。正。未。盡。如。海。關。稅。務。其。權。全。在。外。人。之。手。也。既。用。中。國。人。則。用。官。吏。與。紳。民。有。何。分。別。凡。中。國。官。吏。猶。可。以。辦。之。事。則。中。國。紳。民。亦。能。辦。之。也。二。釐。金。稅。局。可。專。屬。於。往。來。扼。要。之。處。銷。場。稅。則。不。然。不。僅。通。商。口。岸。爲。銷。場。亦。不。僅。內。地。都。會。爲。銷。場。即。鄉。村。市。鎮。亦。爲。銷。場。此。等。稅。務。不。僅。外。國。官。吏。不。能。盡。理。即。官。吏。管。理。亦。較。釐。金。爲。難。故。以。純。用。紳。民。爲。宜。以。此。二。者。之。故。故。於。免。釐。金。稅。而。行。銷。場。稅。之。時。即。并。去。其。直。接。管。理。法。而。用。委。任。法。實。爲。慎。之。於。始。之。道。而。又。於。事。實。上。無。有。何。等。難。行。之。阻。礙。者。也。

財政處戶部會奏議覆各省膏捐辦法摺片

據戶部右侍郎辦理土膏統捐事宜柯逢時奏籌議推廣各省土膏大致辦法一摺光緒三十三年三月初七日奉 硃批財政處戶部議奏片併發欽此欽遵由軍機處鈔交前來臣等查原奏大指以鴉片流毒甚廣因思寓禁於徵之法先於土藥開辦統捐復於洋藥籌議加捐總期土藥洋藥按價值以定科則不使畸重畸輕庶商人無所趨避意至良法至美也

其辦法分爲六條。內洋藥加捐一條。查光緒二十九年駐義使臣許珏奏請加徵洋藥由駐英使臣與英外部商辦。嗣英外部覆文謂必須土藥與洋藥一律加徵方能公平商辦。上年十二月該侍郎以推廣土藥統捐奏請續議洋藥稅釐照土藥一律加徵等因。欽奉硃批該衙門議奏。欽此。此次所議加捐容臣等妥行籌議歸併前案辦理。此外各條一統定科。則無論何省所產何省所銷局收關收皆定爲統捐銀一百兩。隨收經費銀一十五兩。均收庫平。其各關向收關平者準庫平折算等語。查此次推廣土膏統捐於原定八省之外又合直隸等十省同時並舉。管轄既廣統攝爲難。必先明定畫一章程。庶足泯偏畸之弊。該侍郎所奏係本奏定八省土膏統捐章程而損益之均爲確實不易之辦法。應請照辦。一內外兼籌。此項土藥統捐凡各省向來每年抽收若干。應卽全數撥還其新增者仍充新餉。至各關收數應照宜昌關均以近年報關擔數爲定額。各省原抽稅捐數目分別撥還其較原額溢出及較原章溢收者稅捐全數提解等語。查該侍郎所奏係遵光緒三十年諭旨辦理。惟所稱各省關收數均照近年所報全數撥還一節。原摺並未指定何年應均以各省關所報三十年分收數爲斷。以歸一律。又原奏所稱如收數增多而該省或有急需可由各督撫咨商戶部通融挪借一節。與臣等請開辦統捐摺內奏定他省不得援兩湖兩廣爲例辦法未免

兩歧況既奉 諭旨溢收之數另儲候解專作練兵經費的款不得挪移自應遵 旨辦理若聽其咨商通融恐將來漫無限制應請嗣後各省如有軍務急需准各督撫引廣西成案專摺奏請由臣部察覈酌撥其別項用款概不准援例率請挪移以定限制一保護商人土藥統捐一道收清黏給印花執照聽其銷售如有劫案地方官坐視不理一經稟告得實卽行撤任留緝荒僻之處酌量添撥營勇巡船等語其意在責地方官力爲保護與第六條所請獎勵賢能參辦貪邪各節激勸兼施寬嚴並濟所以澄官方卽所以恤商力其所稱一切苛細之捐概行停止尤深得立法之本意應令該侍郎及各將軍督撫通飭各省關局卡一體遵照辦理如有巧立名目藉端需索查出卽行嚴參一禁設煙館查此次辦理統捐意在以徵爲禁且於該侍郎咨送詳細章程內仍收燈捐一條未免自相齟齬應請暫從緩議抑臣等更有請者此次開辦統捐既由八省而推廣十八省則東三省新疆應亦在推廣之列相應請 旨飭下該侍郎與東三省新疆各將軍巡撫會議合辦以綜事權而昭畫一至該侍郎咨送詳細章程臣等公同查閱逐加考訂一併開具清單恭呈 御覽卽將此項章程仍寄該侍郎刊印分行各省遵照開辦伊始所有一切辦法大致略定其未盡事宜及將來有應行變通之處再由臣等妥商辦理謹 奏奉 旨依議欽此

再查該侍郎原片奏稱臣渥受 厚恩但使力所能爲何敢稍存諉卸惟茲事體重大又漸次推廣於各行省雖經派員分辦而地方遼闊考察難周且主客異宜所有撥營緝私派員查驗全恃各疆臣不分畛域協力同心方能有濟臣賦性迂拙慮未能取信於人若心志未孚措施尤虞扞格惟有籲懇 天恩 特簡重臣駐京督辦提挈綱要內外相維以協寅恭而孚衆望現在甫議開辦製造執照印花事極繁碎臣當在鄂會同襄辦勉效微勞以後遇事熟商於公帑必有裨益俟試辦一年各省均有成數即可經由戶部仿照各關分委監督辦理則鄂局可以裁撤經費亦不至虛糜等語臣等伏查土膏統捐事宜兼隸臣處臣部本屬同有督辦之責該侍郎在外督辦卽係 特簡重臣內外相維臣等理宜均任勞怨以期有成所請簡派重臣駐京督辦之處應請勿庸置議至原片所稱試辦一年卽可經由戶部仿照各關分委監督則鄂局可裁等因應俟將來體察情形妥商辦理此時遽難核議謹奏奉 旨依議欽此

再土膏統捐名目創自兩湖惟查從前各省徵收土藥稅章程不一有出產稅過境稅落地稅諸名目現既定爲土藥一百斤徵正稅銀一百兩隨徵一五經費十五兩一道收清黏給印花執照聽其所之無論何項雜稅概行刪除若仍襲統捐之稱名實似不相符擬請嗣後

改爲土藥統稅以昭核實謹 奏奉 旨依議欽此

謹將核定土藥統稅章程繕具清單恭呈 御覽 計開 抽收條款 一舊章每土毛重一百斤除外篋九斤內皮四斤餘卽作爲淨土查各省包裹不同輕重亦異今定除去箱篋每土百斤再除內皮四斤無紙包者不准除皮更無折扣每淨土一百斤不分稅捐共收正項統稅庫平銀一百兩隨收經費庫平銀一十五兩此外並無絲毫別項名目無論何省所產何省所銷均無減折兩湖兩廣一律辦理皆於第一局卡如數完繳黏給印花執照聽其運銷何省不准重徵並不得有過境稅落地稅等名目各局卡秤土之秤每斤均照庫平十六兩較準 一新關抽收子口復進口稅每淨土一百斤宜昌向收關平銀五十二兩八省統捐加抽膏捐關平銀五十二兩今再加收經費一項三共折合庫平銀一百一十五兩各新關均照此數抽收仍以一百兩爲正項十五兩爲經費查各新關章程不一除分別原抽稅銀數目照各省每年額數撥還外餘均提解充餉凡土藥由上遊經過者卽由上遊第一關抽收由下遊上運者卽由下遊第一關抽收均由稅務司代徵其正稅經費由各關監督報解仍視收數多寡由統稅局酌給津貼於經費項下開支各省新關由各分局派員查驗仿照宜昌關辦理已收統稅之土由稅務司代貼總局圓印花填給總局紅專照並於箱面

黏貼箱單沿途各關查驗相符即予放行如未貼箱單者即開箱查驗無專照印花者即係私土應令照章充公宜昌一關原照光緒三十年報運土藥一萬一千八百三擔定額撥還稅銀額外溢收由關道將稅項一併提解總局各省海關查照三十年所收額數辦理額外溢收稅項均解總局充餉又新開商埠及向無土稅報部各關此後如有土藥報關一律照新章抽收儘數提解總局此項加徵之款向爲各省所無一概無庸撥還應通飭關道並咨明外務部飭總稅務司通飭各關稅務司遵照查八省原訂章程祇准運銷蘇閩兩廣其改售兩湖贛皖者補交落地膏捐今既改爲統稅應准一律通行無論運銷何省均不再行加抽 一各土商如在各局卡報完統稅已黏給方印花藍執照運至第一關改由輪船裝運即報明該關將原領執照繳呈查驗相符即由委員照原給藍執照若干張換給紅專照若干張逐張加蓋某關換給紅戳每箋加貼海關箱單一紙註明原貼方印花字號收捐數目不再加貼印花聽其運銷仍將原繳藍執照加蓋某年月日某關收換專照某字號紅戳按月造冊申送分局轉呈總局查核其應撥還之款由分局照額數撥還逾額不撥向無此款者不撥 一舊章稅銀按季繳完捐銀約五十日繳完均由稅舖報繳以後應收現銀如無現銀以土押抵填給抵稅存單限三個月持單取贖黏給照花聽其運銷逾限不取由公家

按稅數變賣餘土發還收回存單按月冊報總局惟款數太鉅如設局處所非大鎮市現款難籌准土商公司出結保以殷實店號匯票解局惟不得過一月之期亦不取息銀如有閉歇仍由土商賠繳又偏僻州縣銀兩缺少或以制錢或以銀元繳稅應由各分局隨時隨地按照市價核算不准抑勒 一自此次奏定統稅章程以後所有各省罌粟地稅應即一律停征以紓民力倘各州縣再私行征收查出從嚴參辦 一未開辦以前由戶部先行文各省調查各該省舊章每土百斤原抽若干歲收若干劃清界限開辦以後悉照新章抽收除扣還該省每年原抽額數外餘即歸入溢收項下報解 一雲貴川陝皆在上遊近議一律開辦應於扼要之處一道收清黏貼印花發給執照聽運何省與各關發給照花同各省本產土藥如運出境一律黏給照花聽其運銷至土商在某省銷售即報明各局卡繳呈原領執照換給箱單黏貼雙面准在本境銷售其由關給照者土商如在某省銷售亦將原領紅專照繳呈各關卡委員即於原貼箱單上加蓋某省銷售紅戳土商如未繳呈專照執照不准銷售各省原有之款即以執照為憑分別撥還向無撥款者毋庸議撥 一各省本產土藥在本境銷售仍由各省派員設局會同地方官抽收均按新章完納由總局發給方印花另刊發四聯稅單填明土藥件數斤兩印花號數不給執照只准行銷本省銷售時亦報明

局卡繳呈稅單黏給箱單以憑撥款如欲改運出境須即報明本省局卡繳呈稅單查驗相符換給執照方准出境不再黏貼印花亦不重征若擅運出境無執照者即以私論 一凡產土省分向來抽收科則無論稅釐出境等項名目均由分局查明確實統計每百斤共收銀若干即以近年全年收數著爲定額申詳立案應撥之款即在該省行銷本境統稅款內照數撥還仍按每歲稅單存根核計逾額不撥其出境之土所收統稅須撥還行銷省分原有之額款概提還本省以示區別 一溢收之款專備練兵經費所有產土各省自此次定章之後未便再議加征至各省所收燈捐爲數無多暫不遽裁惟不得再行加重此外如有別捐一律停止以恤商艱 一統稅專征土藥其有熬膏販運者應定限制凡商旅自備吸食者攜帶不得過十兩煙灰不得過二十兩逾此應即按稅每熟膏一斤照土藥二斤完稅煙灰二斤照土藥一斤完稅一律黏貼印花不給執照隱匿不報查出全數充公 派員條款 一總局暫設武昌省城各省均於扼要之地設立分局暫派直隸山東一員河南山西一員四川雲南貴州一員湖北一員江西湖南一員江蘇安徽一員浙江福建一員陝西甘肅一員廣東廣西一員共九員均奏派以道員爲正辦總理稅務責任綦重該省溢收數目即爲該員考成每月准支薪水銀三百兩公費銀二百兩共五百兩其一員兼辦二三省者

由該員稟派妥員加札分駐辦理每月准支薪水銀二百兩公費銀一百兩均刊給關防以昭信守此外分局所委各員關防鈐記由分局刊給報查又川雲貴三省現祇派正辦一員如照顧不及必須添派會辦仍由該侍郎續行奏明辦理 一各省設局公事繁多固宜受成於總局而亦間有急切事件迫不及待者應由各分局一面稟知總局一面或用密電或用函牘徑達財政處戶部以期便捷其尋常事件仍概由總局核轉以一事權 一各省分局酌用稽查辦事各員按公事之繁簡收數之多寡酌量委派至各省局卡仍由各該省自行派員專管其有由各州縣經收者亦暫毋更張一切照花稅單箱單專由分局派員經理庶責任各有所歸但各省原征土藥稅積弊甚深此次改定統稅宜如何釐剔弊端應由總局督飭分局各員隨時體察妥籌辦理 一各省抽收此項統稅本省委員與分局委員彼此互相稽核和衷商辦以期日有起色如員弁緝私得力辦事認真應由統稅分局正會辦詳報該侍郎會同各該督撫奏請獎敘若收多報少減價招徠卽由統稅分局正會辦據實稟參如扶同徇隱一經發覺一併撤究 一各省局卡除應增設者由統稅分局籌辦外至原設局卡及差委各員應於統稅分局初立時由各本省開單報明備查其有應留應裁及更換差委之處應由本省督撫督飭司局會同統稅分局妥商辦理 一已完統稅土藥運

赴各省准祇第一局卡查驗放行即將入境商名土藥斤兩照花號碼每旬列冊開報總局分局凡各省第一關卡由分局派員會同本省委員辦理以後各卡祇須查驗放行如有故意留難需索規費者准土商赴本地方官衙門及總局分局指明呈控 一土藥統稅戶部另派專員管收並酌派數員歸該大臣差遣俾資練習其一五經費視收數之多寡酌提二三成解部備用 一火車通行隨處可以上下偷漏最多稽查尤屬不易應安定嚴密章程切實整頓 照花條款 一印花執照專照稅單箱單均由總局製造發給分局由分局派員往駐各關卡經管會同本省委員監視黏給各省不必再貼印花以免混淆如有貼印花而無專照執照稅單及有專照執照稅單而未貼印花者即係分關取巧查出充公如有未貼印花之土來局稟報查明由何路運來實非有心偷漏者准其照章補繳黏給照花聽其運銷如未經報明拿獲者充公不准議罰 一印花仍照舊章各局用方海關用圓製造務極精緻均分別省分編列字號年月蓋用總局印花關防其四聯執照用藍色四聯專照用紅色稅單用黑色亦編列字號年月騎縫蓋用總局執照關防收稅數目蓋用分局或各本省關卡關防鈐記發給某關卡者由分局加用紅戳每土一箱或一簍填給執照一張或專照一張或稅單一張除填給土商外餘三聯一存本局謂之存根一解總局備查一解戶部

備核均隨旬報申送總局不得先後參差以便查對如有短少卽行查究 一土商繳呈原領執照專照稅單均由各關卡委員按月開冊並將執照專照稅單加蓋某年月日某關卡收存戳記彙送分局由分局按月申報總局查藍執照黑稅單尙有撥款紅專照并無撥款所以必須繳呈者欲藉以考察每年各省銷數多少卽據以定考成惟必須針孔相符不得稍有參差其箱單存根每月專繳分局 一查驗各土者無照花自應充公如將印花收藏未經黏貼上面查驗時始行取出卽爲舞弊取巧或黏貼不固數目錯誤字跡模糊者除土扣留外查明係何卡所發卽將委員分別究懲不得諉過司事 支報條款 一各該省局卡每月抽收正稅經費銀兩須按月全數解交統稅分局由統稅分局遵照奏定分撥章程核定應撥數目如數撥還該省餘均解交總局存備支提所有各該省局卡收支數目應造冊二分呈送統稅分局統稅分局存留一分仍將該省各局卡收支數目彙造二冊連同各局卡報冊一分按月呈送總局總局存留一分彙齊造具各省收支全冊連同各分局報冊一分送部冊式由總局刊發務須核對清楚數目均用大寫年月騎縫加蓋關防上月之冊不得過下月其省分較遠者酌展限期半月按季由總局彙齊造報戶部查核其直隸山東山西河南陝西甘肅等省各分局溢收統稅銀兩應卽就近徑解戶部以昭簡捷 一各省

應撥之款原定江西歲撥七十萬兩湖南歲撥二十四萬兩並一成經費如以後各年收數與光緒三十三年一兩年收數不相上下均仍照舊辦理惟扣除局卡委員薪費餘即照撥倘收數不及則撥款亦照原徵比例遞減又江西本產土藥無多即由統稅分局派員徵收又安徽原撥川雲貴土稅五萬兩其本產土藥稅向未報部現定爲安徽本產土藥仍照本省每百斤原收統捐四十兩之數撥還其行銷川雲貴土亦按每土百斤撥還銀四十兩摺彼注茲所得較多無庸以五萬兩爲歲撥之額惟湖北係創辦土膏統捐省分且有專款待支應准照其本省銷數每擔按一百兩正款全數撥還又湖北本產土稅如何分撥應由該侍郎查明原徵稅則及近年收數另行報部核定以上各省銷數均以繳照爲憑其局卡委員薪費均即由所撥款內扣除兩廣自辦兩年於本年十月底限滿未屆限以前亦按繳照之數每擔撥還正稅銀一百兩其由兩廣出境之土仍應遵照光緒三十一年五月兩廣督撫會銜電奏之文將兩廣出境土藥統稅經費全數提解總局以憑分撥此外各省原有之款均按照光緒三十年報收數日照數撥還餘提充餉 一凡應撥之款以土商繳呈執照稅單爲憑逾額不撥每月由各局卡冊報分局由分局核定造冊呈解總局惟執照稅單必須由該局卡委員加蓋某員銜名及某月日收存戳記總局專憑此爲稽核如有參差或漏

財政

財政處戶部會議議覆各省膏捐辦法摺片

一百三十三

丙午

未申繳不准撥款 一凡奏派各員薪費局用額支活支各款先由各分局詳報總局核咨財政處戶部核定立案即於所收經費項下開支緊要因公電費亦准報銷不得擅動正款開辦經費暫由總局墊發俟收有經費銀兩即行解還以清界限各省自設局卡薪費及緝私勇餉均由本省支發不得於經費項下開支總之分局委員由分局開支各省委員由各省開支便無含混惟本省各卡造冊解款不無煩費應視解款之多少酌給津貼不令賠累 一各省查獲私土均歸各省一半充賞一半充公由分局派員緝獲之土始准該分局分別照章辦理仍須按月報查凡充賞充公及抵押發賣之土須黏給照花照章扣除統稅經費方准發售如無照花仍以私論充公之銀俟有成數報解總局按季專冊報部 一總局分局均未設庫所收統稅銀兩不得存放商號准按月酌取息銀津貼匯費每月據實冊報不准過取重息如有倒閉由該員賠償如無可存放生息亦即先行稟明此項收支每年由總局專款報部 善後條款 一鴉片流毒盡人皆知欲圖自強非禁止不可今既不能驟禁故加重以抑之惟必須實行以徵爲禁之法方爲有裨應由各局員隨時隨地設法勸諭並會同地方官設立戒煙會總期漸銷漸少漸無以免爲害生靈雖稅項短絀亦所弗恤 一未盡事宜應隨時隨地酌量情形分別奏咨辦理

中德會訂青島設關徵稅條款

大清國願將光緒二十五年三月初八日會訂青島設關徵稅辦法修改以期德國青島租界與中國海關彼此交涉更較妥善起見擬訂後列修改條款其大意即係中國所允者有二一係於進口洋貨及洋藥正稅收數內提若干成歸青島租地應用二係後列之款內所有與各通商口岸貿易辦法及新關章程改易之處專允在青島照辦德國所允者特因既得提成應用並專允各益即應輔助中國在德國租界內所設立之海關辦理一切以重應徵之稅課所有兩面公訂條款開列於左 一由青島德員在租界內劃定無稅之地一區俟劃定後除此無稅區地外應由在租界內中國所設之海關徵收各色貨物稅項並由中國按膠海關進口正稅實數每年提撥二成交與青島德官作為中國政府津貼青島租地之用此二成津貼之數現訂試辦五年應於每結底後劃撥倫於此二成津貼辦法彼此或有商酌之處應於第五年正月以前聲明改訂以便從容酌辦 一在青島劃定無稅之區地應設於停泊船隻之正灣一旁由德政府或照此時擬訂局面或日後若有因整頓碼頭等項工程須與此劃定無稅之區地一同開拓之處應與海關一切公務無礙 一凡在海關稅則免稅之物則在青島租界一同照免其續行免稅之物列後 一為軍營需用之物

即如各色軍械號衣等項雖由水陸武員運到總應持有該政府所發之憑據方能照免又
如軍用物料及各色食品亦應一律照辦 二凡需用各物尙有數種免稅者即如機器並
機器廠之全副配件以及機器各分件製造廠所用之傢具機料暨各種農器與建蓋衙署
以及各等工程之木料器具運到時亟應來關呈交保結填註該貨價值並須擔保確係租
界內應用之物方能照免嗣後若有運入中國地界之處應報關完一進口正稅否則按保
結上所註之情節照應完稅數兩倍罰充入關 三凡某樣機件即如車輛並運物之機器
等項只因有修理之處出入無稅之區地即准免稅惟遇出入無稅區地之時均應報明以
便關員稽查 四凡有運入租界之郵政包裹若係界內住戶自用之物倘按照該包隨單
上所註之情形應完稅不過一元者即係估價值銀二十元之數即應免稅但若欲隨時查考之處允由海
關啟驗 五凡來往搭客攜帶之行李若物主聲報確無應行納稅之件亦無違禁之物即
准免稅雖海關不行逐次查驗但遇有另外之情節仍可照例查察 光緒二十五年三月
初八日所定之會訂青島徵稅辦法第五七九三條專指徵收進口稅項現經酌改者即係
將從前青島口岸概行免稅之法改爲在租界限內另行擇地一區作爲無稅之地其餘均
行起徵惟嗣後完納進口正稅隨時之辦法有二一係若將貨物運入無稅之區地應俟出

此區地時方行完稅一係貨物非運入此無稅之區地因欲運往區地限外起岸則須在未
 經起岸以前先行完稅凡貨一經完清稅項後聽由貨主自便關員即不過問是時既有以
 上所定由中國在德國租界內徵稅之妥善辦法或於租界邊限或於邊限左近除稽查往
 來華式船隻各卡外自毋庸設立關卡至嗣後應否設立之處暫行緩議 一凡在德國租
 界無稅區地外設立製造廠所製出之各貨應由中德兩面設法於此等貨物不使較無稅
 區地所出各貨因徵稅受有虧損其租界內之製造廠所用散碎物料因工作成物後其價
 自較原料增加茲因其增加若干之數照章不計在應完國課之內是該廠製成各貨原來
 所用之料件或由內地運來或由海路運到出口時擬定應完稅數不得過原運物料約定
 應完之稅數爲妥由膠海關會同青島德員查看情形訂明應否立一冊簿填註製成某貨
 須照某散碎物料應完稅數納稅每屆年終若有應修改之處即可酌定 一凡在通商海
 口貿易及行駛船隻之便益在德國租界內除照該地情勢應行改辦外餘均視同一律
 一凡有漏稅走私及違悖海關章程等弊各案除因無領事應由青島大憲特派委員與關
 員會議外其餘均照同治七年會訊章程之意酌量訂辦 以上各節即係照原訂章程第
 二十條內載聲明辦法修改者其中未經修改之處仍照光緒二十五年三月初八日之原

章辦理

光緒三十一年各海關稅額加增表

據稅關報告今年歲入之款至下半年漲溢異常殆比上年表冊明示三成之多如長沙係今年新開商埠然互市貿易其額約有四萬兩亦不可謂不豐也然一弛一張數之所不免一榮一枯物理之自然故一面有長沙之繁榮則一面兆岳州之衰頹惟於大勢乘除之見其加增則可矣

凡中國所稱開港市場約三十處其他華人與外人從事互市交易者雖其數甚多今姑置不論惟就其大市場三十處查核之此中有十三處較之上年稍形衰兆即沙市岳州漢口九江南京蘇州甯波福州廈門汕頭廣州梧州北海是也然北清一帶之地雖上年稍形蕭索今年則暴漲橫溢加增異常蓋日俄戰役之結果也茲據該統計表冊開列如左

埠名	三十年貿易金額	三十一年貿易金額
牛莊	一五八九五七	三四三三七九
秦皇島	二〇六七	一一〇五四六
煙臺	二五〇六九三	三〇四二二九

甯波	杭州	蘇州	上海	鎮江	南京	蕪湖	九江	漢口	岳州	長沙	沙市	宜昌	重慶
一八二四五	一四七三八	一四一一五	二二二八九	二九五七七	四九三六八	二四二九六	二六三一五	七九四一八	三五二三七		四〇二五	六九〇九九	八四五五六
一二五九一	一一九四五	二〇七九七	三四五〇一	三二四六五	四六二九五	四〇一三二	二二四三〇	七六四六三	四〇五二	三七六四四	二二九九〇	二四〇二九	一六三四五

財政

光緒三十一年各海關稅額加增表

一百二十九

丙午

温州

一六一七六

一〇八一八九

福州

一二三〇三九

一〇五一八一

廈門

二〇三四六九

一八九一四五

汕頭

三九二八九八

三七五四七一

廣東

七三八四七三

七〇三六一四

海口

原缺
二字

一〇二三三八

一〇九四六六

瓊州

三九三〇三

八〇一二六

梧州

一四三一八七

一三七九二六

北海

三三四〇四

三〇三三七

合計

七四〇一八一六

九六一三三七二

由是觀之今年貿易額實為九百六十一萬三千三百七十二兩乃較之既往貿易於光緒三十年為七百四十萬一千八百十六兩於二十九年為七百九十九萬二千三百九十四兩於二十八年為六百四十四萬零一百六十兩於二十七年為六百三十八萬五千八百九十六兩其漲溢之趨勢有令人聞而驚歎者

至所抽稅釐則上年徵進口貨物稅爲二百三十二萬八千八百六十七兩而今年實居三百九十九萬三千五百六十七兩之多出口貨物稅上年約徵二百四十九萬八千零十八兩今年則二百六十三萬五千八百二十九兩此外與前年比較益形加增者爲沿岸貿易課稅約五十萬三千零八十六兩爲鴉片稅約六十九萬零零六十九兩其他如噸數稅如通行稅均無不見其加增共計約得九百六十一萬三千三百七十二兩較之上年其加增收入實二百二十一萬一千四百五十六兩也
抑今年歲入除鴉片釐金稅外進口貨物稅金約加七成之多此固由鴉片稅之增額實因土產之富饒也今據上海海關統計表册照錄於左

稅目

三十年

三十一年

進口稅	一三三三一四三二	一二六四七六二
出口稅	三五六六三七	一〇九六八六
沿岸貿易稅	一一〇八三七	七二八九六
鴉片稅	一一三一六八	一〇七二六三
噸數稅	二〇一七一五	一四三三三六

通過稅

四七四四二

四八六九二

鴉片釐金稅

二八八九五七

八二三八〇

合計

三四五〇一八八

二二二八九一五

由是觀之滬埠上年收稅總額乃過於全國進口稅之半今年稍加改正出口稅亦至收全國收款之八分之一以上各項目中稍有蕭索之觀者惟通過稅一項耳至噸數稅入今年下半年期加增尤為顯著約三閱月間船舶入口者總計一千四百三十三艘載重噸數一百九十二萬一千四百四十一噸較之上年船舶總數一千二百九十四艘載重噸數百五十八萬三千九百五十噸其貿易尤見興旺而滬蘇間及滬杭間之商務尚不在此統計中也又進口鴉片內國產與外國產之比較其消長盈虛亦頗有可觀者

名目

三十一年

三十年

外國產

六六三九

七四八一

內國產

四四六二

一五三一

由是觀之外國產漸次失勢內國產次第伸展尤可喜也

各省理財彙誌

京師 戶部以內廷當差人員節賞及致祭 東陵 西陵之派出王公盤費銀兩軍機處行走之王大臣及滿漢章京等養廉御前大臣及御前行走侍衛乾清門侍衛等津貼均係新增款項奉 旨由部籌發每年共約需銀四十一萬兩該部現在庫帑奇絀驟增此項出款必須急籌抵補方資周轉特奏將江北江安糧道歷年所存漕折銀二十七萬餘兩及節省運費十八萬餘兩又自三十一年起所有前項折價運費銀兩除每年動撥賠款銀二十萬外之餘款二十五萬兩又膠海關洋稅四十七八萬兩除每年六成項下警部提銀二十萬兩及去年由四成項下備贖膠高兵房價銀二十八萬兩外之餘款並嗣後每年四成項下全數約二十餘萬兩又兩淮鹽務票本銀十萬兩除自三十年起以二萬五千兩就近撥作江北練兵經費外之餘款七萬五千兩一律解交部庫不得率請截留挪用以裕庫儲聞已奉 旨允准矣

○財政處以各省解庫銀色不一銀元成色尤復參差特奏准於戶部設立化幣廠專司化驗幣質嗣後凡各省有解部款項淨銀須在九八五以上方行收納倘銀色低潮即交廠化驗實虧若干即令該省照數補繳以維幣政○劉中翰相前爲開通風氣起見創辦儲蓄銀行已稟由商部批准立案其章程會載本雜誌第四期茲商部以儲蓄銀行規則繁苛與小民生計有直接之關係一切辦法均應格外慎重飭令悉心核議以期妥善中翰自嫌才力不足因稟請商部准予停辦聞已允如所請矣

奉天○奉省所產菸葉及燒鍋蒸酒出數甚鉅財政總局以菸酒同爲無益之品直省早已加征奉省亦應一律仿行特議定章程稟准趙次帥開辦計所有菸葉等類每斤加稅東錢一百文菸捲每千支加稅東錢一吊文每年約獲銀三四十萬兩其酒捐辦法則悉照直省章程每斤加價錢十六文合東錢一百文每年所收稅銀可視菸葉一倍云

山東○青島改定進口稅後原擬三月初八日將出口稅截止專按進口稅辦理嗣因各行存貨未銷展至三月下旬出

口稅始一律免收其進口各船應納應免稅項已經海關明定章程茲錄如下 一由膠灣以內杉板裝運應稅貨物進口出口仍在大包島分關報關不用來青島大關以期便捷 一外海所來青島民船進口出口均到大包島報關以便稽查 一由膠灣以內杉板裝來牛羊豬鵝雞鴨米麪水菜水果柴草木炭鮮雞蛋等由出口分關地方報明發給下貨准單此船到大包島分關呈交原出口下貨准單即准卸岸售賣一概免稅 一由膠灣以內杉板裝運輸船民船出口豆餅等貨應在出口分關地方報明取具保結准其不納出口稅餉俟到青島裝輪船民船時照納出口稅餉此項杉板裝來輪船民船出口貨物來青島或到大碼頭或到大包島均能報關呈驗准單即准卸貨俟裝輪船民船時則須到青島大關報關如查此項貨物未到青島則仍由出口地方飭令具結之舖商照補出口稅餉以昭公允

江蘇○淞滬釐局前因賠款緊要稟准加收醃臘捐並在吳淞設局查驗嗣因局卡巡役有藉端勒索情事故醃臘公所特稟江督請將此項捐款由漁業公司代收代繳周玉帥當即札飭該公司監督袁京兆與釐局督辦議定由漁業公司認包每年七千串不歸釐局經收免滋商累

安徽○前皖撫誠果帥以北洋設立兌換局江南江西開設官錢局行使官錢票疏通銅元互相維繫頗稱利便特仿其辦法參以本省情形於省城商務局內設立裕皖官錢局以聯絡商情維持財政並刷印精細錢條與銅元相輔行使凡錢糧釐金關稅一切公款均准搭收並飭各屬備價領銷以資流轉其開辦經費則由司庫籌撥銀十萬兩以充之聞已奏明開辦矣

江西○贛省酒稅向未認真經理其進口之紹酒來自浙江蘇酒來自九江汾酒來自漢口每多繞走旱道希圖漏稅而土造之酒日見加增就近行銷亦無釐稅近經稅務總局設法整頓釐定章程凡土製燒酒每斤加抽錢六文土製紹酒

斤加四文水酒二文外來之汾酒每斤加抽錢八文紹酒斤加六文膏梁酒六文蘇酒四文無論罇瓶罐缸均以淨酒斤兩計算以昭核實

浙江○杭州向有洋貨捐局近經浙撫張筱帥裁歸牙釐局辦理以節經費

湖北○自銅元暢行制錢日缺商民頗稱不便近鄂省銅幣局稟准鄂督鼓鑄當一銅元以便行使聞其幣式大概與當十銅元相仿惟略小耳

雲南○財政處奏定新章銅幣專由天津總廠鑄造除留南北洋粵鄂各分廠外其餘概行停罷惟滇省地處邊遠轉運頗難會電詢滇督應否添設一局詳細聲覆茲聞丁巡帥已將添設雲南造幣分廠奏明立案並委員赴總廠請領印模俾歸一律並於正面加一雲字藉資查考

各國財政彙誌

日本○日本政府近將明治三十年第一百四十四號幣制勅令畧加改正頒示如下 一五角銀元每枚定重二錢七分正其中純銀八成銅二成 一二角銀元每枚定重一錢零八釐成色同上 一一角銀元仍照舊式每枚重七分一釐八毫八絲

英○英國預算表預定一千九百零五年至一千九百零六年之贏餘可得英金三兆四億六萬六千鎊至一千九百零六年至零七年預定之費用則有英金一百四十一兆七億八萬六千鎊進款一百四十四兆六萬鎊除撥出四十萬鎊以備不測之用外尚餘二兆七億鎊此項餘款英政府擬撥出五十萬鎊合以中國賠款五十萬鎊共一百萬鎊為贖回國債之用此外又以二十萬鎊供郵政之用餘款尚多度支不憂匱乏故擬將煙稅減征二辨士半進口茶葉每鎊減征

一辨士並將煤稅廢去惟所得稅及皮酒稅與各等之酒稅均無改變

俄○俄國一千九百零六年預算表近已發布其內容則普通歲入總額爲二十億二千七百八十五萬八千七百七十四盧布經常歲出總額爲二十億一千八百零七萬八千八百五十盧布超過歲入爲九百七十八萬二千二百二十四盧布而特別歲入爲二百盧布基於臨時收入者約四億八千一百一十一萬四千盧布以上臨時歲出費總額約四億九千二百二十五盧布○俄國新國債額共八千九百五十萬鎊年息五釐約以八九折收內有二千萬鎊擬募諸本國此外四千八百萬鎊則募諸法國一千三百萬鎊則募諸英國餘則募諸奧及荷蘭云

交通

籌辦滇蜀鐵路議 節錄滇省農京同鄉告父老書

吾滇行省。西南奧區。擁鹽筴礦產之饒。據金馬碧雞之險。氣候則涼燠適中。人民則勤樸耐勞。宜足以高掌遠蹠。優勝寰球。迺各省之競爭。日趨日進。而吾滇墜乎若未有聞焉。外界之潮流。愈激愈烈。而吾滇寂乎若無所動焉。讀書之子。則古稱先。縉紳之家。拘常襲舊。而知識未甚。開拓也。農服祖父之先疇。工用高曾之矩矱。而實業未見發達也。商務則日形頹靡。生計則日即蕭條。以此而與大河流域。長江流域。各行省角步於亞東大陸。已覺其難。遑言禦強鄰之侮奪。絕外人之覬覦乎。夫有果必有因。名學家之恆言也。吾滇今日之成斯惡果。其原因不一。而最重大者。則交通之機關不具是。

滇省陸地千里。彌望山邱。輪舶運輸。匪所措意。而鐵路一端。則我全滇人民土地財產身家性命之所繫者也。自光緒二十三年。法人獲我滇越路權。自安南之海防起經河內老街以達雲南我國僅占股一百萬兩而

其滇定線路則更由雲南府起延長接續之經昭通府入敘州以達成都而吾滇迤南之鐵路失。於是英人亦索滇緬路權。以為抵制。由緬甸之滿德雷起經大理楚雄以達雲南分

交通

籌辦滇蜀鐵路議

小金沙江此前任駐英使參議奴報告政府之公文所昌言者也而吾滇迤西之鐵路

又將失夫西南兩門戶吾滇所恃以交通外界輪展筋絡者也若兩失之則吾滇將任外人

之馳驟而吸我之脂膏蓋無待言雖然往事已矣今日於無可如何之中猶有堪補救於萬

一者則籌辦滇蜀鐵路是已然鐵路之鉅害我父老其果知之乎鐵路之鉅利我父老其亦

聞之乎鐵路何以害為人辦則害鐵路何以利為己辦則利今且勿遽言利請先陳其害

昔之滅人國也墟其里滌其宮燬其社稷宗廟焉擄其子女玉帛焉今則不然攘其一方鐵

路之權而一方厄握其一省鐵路之權而一省亡何也奪小民生計之路剝膚吸髓使之奄

奄以盡而國非其國矣況乎因鐵路而索礦產駐兵卒干預用行政種種腴削凌逼又相

緣以起乎英之墟印度德之經營中亞南美莫不食鐵路之最大効力者也而近者日人且

以握京釜鐵路之權併吞韓國矣若夫列強之以鐵路政策謀我則發端於東三省蓋東清

鐵路成而滿洲遂入於俄膠濟鐵路成而山東日怵於德京漢鐵路成而俄法比永為我心

腹之鉅患正太鐵路成而俄益占我晉省之利源於是有識之士痛於前轍倡議挽回然津

鎮之路約既定正議約非議廢為難粵漢之路權已喪贖款甚鉅蓋事機既失則挽回為難矣

且事之尤可異者俄人欲握營榆路權英人即反抗之俄法既握京漢路權英德即索津鎮

路。線。以。抵。制。之。法。既。攘。我。滇。越。路。權。英。即。預。謀。滇。緬。路。線。以。遙。制。之。夫。鐵。路。之。權。操。自。中。國。也。建。築。之。地。占。自。中。國。也。而。外。人。乃。互。相。睥。睨。如。此。則。以。鐵。路。所。至。之。地。即。其。勢。力。範。圍。所。至。之。地。也。近。年。以。來。列。強。盛。唱。瓜。分。中。國。之。論。愚。昧。者。以。爲。未。必。實。行。也。而。不。知。其。實。行。固。已。久。矣。如。上。所。述。非。各。以。鐵。路。自。定。其。領。土。乎。而。況。黃。河。長。江。二。流。域。已。各。劃。分。界。限。倡。言。他。國。不。得。干。預。尤。列。強。狠。心。之。顯。然。者。由。是。以。觀。我。滇。省。以。蘊。珠。藏。寶。之。區。介。居。鷹。隣。虎。視。之。國。其。困。難。也。何。如。其。危。殆。也。何。如。

前。此。之。滇。越。路。線。我。政。府。之。鑄。錯。也。我。人。民。之。思。想。有。所。不。及。也。吾。無。責。焉。矣。比。者。吾。民。之。議。保。利。權。者。日。有。所。聞。全。浙。鐵。路。奏。歸。自。辦。矣。皖。贛。鐵。路。設。局。自。築。矣。他。如。湖。南。之。湘。漢。鐵。路。山。西。之。同。蒲。鐵。路。粵。東。之。潮。汕。鐵。路。山。東。之。津。濟。鐵。路。無。不。士。竭。其。智。民。殫。其。力。以。薪。路。工。之。速。成。非。故。爲。張。皇。也。誠。以。痛。切。肌。膚。之。事。未。可。旦。夕。緩。也。而。發。之。最。劇。烈。成。之。最。有。功。振。臂。一。呼。全。球。震。動。者。尤。莫。如。川。漢。鐵。路。川。省。者。吾。滇。之。股。肱。所。恃。以。運。掉。者。也。故。夫。川。漢。鐵。路。未。築。滇。蜀。之。鐵。路。猶。可。以。稍。緩。川。漢。鐵。路。既。修。是。吾。滇。所。肩。任。者。僅。此。千。數。百。里。之。工。程。而。已。收。事。半。功。倍。之。效。於。此。而。猶。不。急。起。以。圖。詎。非。至。愚。大。惑。者。乎。

且。我。父。老。愼。勿。曰。此。政。府。之。憂。國。家。之。患。於。吾。僑。小。民。無。與。也。不。見。夫。東。三。省。乎。東。清。鐵。路。

未成。三省人民熙熙皞皞。不知禍之將至。及日俄戰起。日無甯晷。少壯疲於役使。婦女被其

姦淫。財產則掠奪殆盡。田畝則蹂躪不堪。東省人民何辜。至此推原其故。則皆一鐵路尸之

咎也。駐東清鐵路之兵俄人不允送兵撤退不見夫膠濟鐵路乎。德人肆其野心。索礦產。駐

守兵。踐踏我人民。擾亂我政事。某觀察搭頭等車至青島因車位已滿尚有四客二人無位

而山東日以危矣。又不見夫滇越鐵路乎。作工苦力。則任意殘虐。沿途居民。則無端騷擾。夫

表面之受害。猶如此。則暗中之侵蝕。一切利權。可知路未成之害。猶如此。則路成後之凶暴

更可知。向使東三省山東之人民。及早警覺。集股自辦。則今日家室田園之樂物。阜財豐之

象。當有過於昔日。何至罹如斯之慘象。耶。幸也。滇蜀一路。業已奏准自辦。我滇省人民。宜如

何。慇懃贊助。以成此美舉。倘仍悠悠。歲月互相推諉。外人將必有起而挾承辦者。東三省

之慘禍。恐將復被於滇人矣。時乎弗可失。我父老伯叔兄弟。盍投袂起乎。

雖然。鐵路之為人辦。其大害既如斯矣。若為自辦。則有大利存焉。請為我父老略一述之。

自辦鐵路。則利權不至外溢也。鐵路之利。占世界商場之大多數。故鐵路公司所在。西人咸

捷足以趨。試證之往事。日本之日本鐵道股份。每股五十圓者。今乃值至七百五十餘圓。山

陽鐵道股份。每股五十圓者。今亦直至六百餘圓。美洲之加拿大。荒涼寂寞之區也。太平洋

鐵道公司。越落機山而過。極其險阻艱難。其初時入股者。咸惴惴焉。乃每股百圓者。今亦值至六百餘圓。而昔之荒涼寂寞之區。一變而爲殷繁輻輳之地矣。今以滇人之資本。築滇省之鐵路。利權皆由我操。他人不得染指。行見交通日廣。財富日增。無貴無賤。同霑利益。尙何貧之足患哉。

自辦鐵路。則物權悉爲我有也。滇省道路崎嶇。外省之人。往往裹足不前。東昭出川之路。尤險阻異常。運輸物產。費倍他省。是以商情疲窳。土貨滯銷。小民之生計日窮。富室之資產坐困。若滇蜀鐵路既成。則安軌飛行。瞬息千里。舉凡鹽斤茶葉藥材麝香玉石銅鐵礦產。皆可推廣銷路。自川而北。上及於秦隴燕晉蒙古新疆。由川而南。下迄於湖湘閩粵蘇杭。而直達於外洋。捆載而往。囊橐而來。又何至俯首帖耳。請命於滇越鐵路乎。滇有諺曰。入不滿之昭通。出不盡之敘府。諒哉斯言。若鐵路既成。反入爲出。其繁盛更當何如。又況沿途之分行旅店。貨棧堆房。又占鐵路利息十分之三。小民之搬運負戴。買賣工作。又占其十分之一。我滇民勤儉有素。由此居積。其快意可想而知也。

自辦鐵路。則智識益以增進也。滇省僻處一隅。開化最緩。鄉人憚於跋涉。亦罕有游歷他方者。其影響於社會。良非淺鮮。夫優勝劣敗。天演公理。處此競爭劇烈之秋。世事日新之會。而

我仍故步自封。不知振作。警飛者已翔乎寥廓。而羅者猶視乎藪澤。其敗必矣。若一旦鐵路告成。則自雲南省城搭車。不三日而至敘府。不五日而至成都。自此而重慶。而宜昌。而漢口。統計直抵南北洋。不過半月程耳。好遠游者。不難攜手以偕行。喜靜處者。亦可藉讀各省之報章。覽各國之異聞。紬繹學界之新知新理。參考各埠之消長盈虛。宇宙之廣大。事物之繁奧。莫不燦然於目。豁然於心。皆將於斯路是賴。我滇人亦何憚而不爲耶。

自辦鐵路。則兵事絕無掣肘也。滇省介處緬越。爲英法所必爭。整軍經武。實不容緩。惟以一孱弱行省。當英法兩強。雖竭力殫智。仍虞無濟。路成。則餉運既便。兵行尤速。一旦有事。東北各府之練軍。不數日可以雲集。省會卽陝甘之勁旅。南北洋之新軍。亦可指日暨至。而川鄂消息之靈通。各省協餉之捷易。抑又無待言矣。

利害既明。我滇人可無疑慮矣。顧或謂鐵路既成。則輿夫負役。舉無所用。旅館行商。舉無所獲。不將失業而咸爲游民乎。不知此正不足爲慮。而反足以收利前固已言之矣。且凡鐵路所經。驛必有站。站必停車。沿途所需貨物之短運。客商之飲食。往來之住宿。上下之搬載。莫不賴之。凡前之業是者。益可擴充以取利。又凡鐵路常例。其搬運旅宿一切之費。恆倍於昔時。故一火車所過。奔走而服役小賣者。恆數十百人。胥賴以生活焉。

京漢路線半係荒寒之地。自火車進行沿途居民

有民生計頓。然則一。嗶。嗶。之。火。車。正。不。啻。數。千。百。人。將。之。而。驅。也。若。夫。風。水。堪。輿。之。謬。說。用。夷。變。夏。之。調。言。久。爲。識。者。嗤。笑。我。父。老。當。無。有。持。其。說。者。而。猶。有。所。顧。慮。者。則。以。工。大。款。鉅。籌。畫。維。艱。也。請。爲。我。父。老。籌。商。其。大。概。

籌款之法。莫善於合資。人有恆言曰。長袖善舞。多財善賈。鐵路者。合羣之一大商業也。收利既鉅。需本自多。非合資不足以集本。非合羣不足以集資。歐西各國。以商務雄冠五洲。操天下之利權者。無他。合資而已。自計學愈精。供求不能相劑。而資本家遂占世界重要之地位。銀行所至。政策隨之。公司所立。權利及之。其魄力之雄也如此。我滇固不乏富商大賈。然擁鉅萬之資。平日縱橫於內地。一遇膨脹之外力。無不摧折立敗者。則以獨力之不足以敵合資也。今宜用集股之法。每股以五十金爲度。分四期交納。一期所繳。僅十二兩五錢。數小則易於承認。期緩則便於湊集。股實者一人可入數股。寒素者數人共入一股。如此則數十百萬之資。不難立集。況入股以後。旋即生息。又可由息以添股。即令迫於需用。亦可輾轉售人。不失其本原之數也。我鄉人盡急起圖之。

築路之便捷。宜莫如分工。分工之效力。尤便於籌款。今宜做川漢鐵路辦法。分路工爲三段。每段各數百里。以一里約萬兩估之。則首期所集。有五百萬兩。即可開工。迨首段工竣。又續

收第二期。而沿途物料之搬運。煤鐵之取材。已恃首段爲之臂助。事又較易矣。第三段。仿是行之次第。興築不數年間。而車聲麟麟。已奔馳於可渡河二龍關之間矣。我父老勿訝某等言之太易也。西伯利亞鐵路。數萬里。坎拿大鐵路。萬餘里。至今日。卒告成功。矧此區區千數百里路乎。天下事。有何難。要在人爲之耳。某等請以質言告我父老曰。滇蜀鐵路。辦則安。不辦則危。自辦則存。人辦則亡。速辦則利多。而效速。遲辦則利少。而害亦隨之。

商部奏請預定路線摺

竊自比年以來。各省官紳耳目所習。智慮所周。咸知借款造路。不免損失利權。於是合力同心。先後爭籌自辦。惟現在各省所定之路線。往往省界分明。各存畛域。而揆之枝幹之若何。維繫軌道之若何。貫通則各省官紳類未統規。全局通盤籌畫。約計粵漢洛潼陝甘等線。大概尙合辦法。他若贛皖閩浙等省。類皆路線交錯。各自爲謀。論目前開通風氣。起見各辦各路。原似無妨。惟通國之有鐵路。一如大陸之有江河。源遠則流長。枝多則幹盛。下流以上流爲來脈。上流以下流爲尾閭。互相灌輸。乃足以宏翕受。若枝節爲之。將來通國鐵路告成之日。勢必有參互複沓。駢拇枝指之虞。於日後修養之需。亦恐難操勝算。臣部綜持路政。自應先事圖維。通籌熟計。大凡地方衝要。商旅輻輳。物產繁多之區。此乃路線之最要者。地方稍

僻·生·貨·較·蕃·開·通·利·便·之·區·此·乃·路·線·之·次·要·者·其·地·瘠·民·貧·出·產·無·多·商·賈·轉·輸·運·銷·狹·隘·之·區·此·則·路·線·之·可·以·緩·辦·者·應·由·各·省·疆·臣·先·行·遴·派·熟·悉·工·程·測·繪·之·員·各·就·本·省·分·別·何·地·爲·最·要·次·要·之·路·線·何·地·爲·可·以·緩·辦·之·路·線·何·線·爲·幹·何·線·爲·枝·已·造·之·路·繪·爲·實·線·未·造·之·路·列·爲·虛·線·詳·晰·咨·送·臣·部·參·酌·釐·訂·彙·成·各·直·省·路·線·全·圖·嗣·後·各·省·官·紳·請·辦·鐵·路·應·就·臣·部·所·繪·全·圖·分·別·緩·急·指·明·段·落·集·資·認·辦·庶·幾·次·第·建·築·枝·幹·相·維·脈·絡·相·貫·他·日·全·國·路·成·無·虛·糜·之·工·程·有·周·行·之·利·賴·伏·查·上·年·十·月·間·臣·等·以·各·省·鐵·路·應·行·釐·正·軌·道·奏·奉 諭·旨·允·准·通·飭·各·該·管·鐵·路·大·臣·遵·照·辦·理·在·案·茲·查·路·線·一·項·其·關·繫·路·政·重·要·之·處·實·與·軌·道·相·爲·表·裏·應·請 飭·下·各·直·省·將·軍·督·撫·暨·各·鐵·路·大·臣·一·體·迅·飭·所·屬·認·真·履·勘·尅·期·報·部·用·佐·要·政·謹 奏·奉 旨·依·議·欽·此

商部奏定新甯鐵路章程摺

竊臣部於本年正月間具奏粵紳籌辦新甯鐵路擬准先行立案摺內聲明由臣等將原訂章程詳加核定飭令迅速勘辦各等語奉 旨准業經分行欽 遵並准兩廣總督岑春萱咨送此項章程請核定奏明立案等因到部臣等伏查造路係地方公益之舉該總理陳宜禧向在美國金山等埠辦理鐵路閱歷甚深茲特招集華僑鉅款回華籌辦一切工作不用

洋人用意洵堪嘉尚。所有勘路定線集款招股購地興工用人理財各節諸關重要。既須聯洽羣情。尤宜分清權限。自應妥訂章程。俾有遵守。當將原訂章程詳細察核。悉遵臣部迭次奏准公司律鐵路章程及各省商辦鐵路成案參酌訂定。二十一條均屬妥協。謹開具清單恭呈 御覽如蒙 俞允卽由臣部咨行兩廣總督諄飭地方官切實保護。嗣後公司事宜均令照章由股東議決。總理等依次施行。以專責成。而重路政。謹 奏奉 旨依議。欽此。謹將核定新甯鐵路章程二十一條繕具清單恭呈 御覽 第一條 公司承辦新甯鐵路原議自新昌至三夾海止。約計華里九十餘里。今勘明路線畧迤向東。自新昌經新甯縣城及沖夔斗山等處。至三夾海止。作為幹線。又自水埭墟起至公益埠止。作為枝線。共計華里一百三十餘里。名曰新甯鐵路有限公司。俟路工告成之日。再行核計餘款。續招新股。另議接展以廣公益 第二條 公司擬集股本洋銀貳百伍拾萬圓。每股洋銀伍大圓。收取股銀時。先填給三聯股票。收齊後。再換給股份簿執據。所有股本以周息壹分計 第三條 鐵路股份每股收洋銀伍大圓。任從沿途鄉村土著報股。多寡聽其自便。俾各鄉人等視為自己產業。互相保護。至開辦時。每段工程估定價值。先招附近土人承辦。若土人不願做工。或索價過昂。由公司另招別處工人。該土人不得抗阻 第四條 公司將來辦有成效。

核算餘利每壹萬圓報効公家伍百圓即將此款呈繳商部其餘按股均派悉遵商部奏定公司律辦理此係與股諸人權利未占股份者不得別立名目希圖分利以昭覈實 第五條 公司股份均由旅寓美國金山各埠以及香港新加坡新甯附近各州縣等處華商湊集並無洋股在內亦不准將股票股份簿轉售抵押於洋人遇有爭執不得請洋人干預以杜輾轉 第六條 鐵路須勘明路線遠近方向河道川溝山嶺平陽測量高低屈曲旋轉繪圖張貼公司以便施工今勘定新甯鐵路幹線由新昌至三夾海止支線由水埗墟至公益埠止計長華里一百三十餘里 第七條 公司所定路線係由向來舊路填築者居多既無大河水塘建築長橋鉅費又無高山峻嶺平高補低鉅費祇需沿途酌買地畝路旁取泥培高路基卽有大小橋梁俱是淺水沙地較之別處路工經費略省現在股銀已集至洋銀貳百伍拾萬圓將來所餘股銀擬再續請接展路線總在所集股銀內支用不得抵借洋債不得請動公款 第八條 鐵路先須買地自應按照粵漢鐵路章程分等定價惟甯邑田價高昂甲於他邑擬由公司稟請地方官出示曉諭按照時價發給以昭公允不得爭執阻撓致誤要工 第九條 新甯鐵路經過處所凡地方水利田園廬墓務期無礙其實在逼近路線爲設軌必需之地自宜商令遷徙酌給用費如各處路工成例該地主不得故意

昂價居奇將來路工告成商運便捷沿路村鄉均沾利益倘有惑於風水阻撓要工應由公
司稟請地方官究治 第十條 公司各項辦事人員薪水公費以及工役飯食均於開辦
之時由各股東公同議定不得浮濫即開車以後所有日收客貨車脚及開支養路經費均
應實收實支由總理副總理隨時稽核彙冊報告各股東倘經辦之人有侵蝕弊混情事即
由公司稟請地方官究辦勒令賠繳 第十一條 公司辦事章程悉遵商部奏定公司律
辦理除由衆股東公舉總理副總理各一員主持一切外仍在股東中推舉董事若干員以
時照章會議公司各項事務其股東會議章程仍遵公司律有一股者得一議決之權所有
公司出入總帳按照月結年結布告各股東查閱以昭大信 第十二條 鐵路經過地方
必須逐段分設巡警以資彈壓應由公司稟請地方官派撥護路警兵按段梭巡所有應支
薪餉由公司按月送交統帶之員分別發給不得別有需索 第十三條 如有匪徒毀壞
偷竊公司物件或尋釁滋鬧恃衆騷擾致令公司受虧者准由公司稟請地方官究治並追
償所有損失之費 第十四條 鐵路所用車輛其駛動之力或用水氣或用水氣由公司
擇定惟車輛格式以及橋梁軌道尺寸均遵照商部頒定程式辦理並准公司設用手車以
便商旅至路工所用機器及一切材料由外洋運購至中國境內悉照潮汕路章照納關稅

第十五條 鐵路須設電線德律風專備鐵路傳遞信息之用應由公司稟請商部轉咨

電政大臣准由公司自建惟不准代人傳電收費 第十六條 鐵路開車以後載客運貨

仿照各路章程隨宜定價倘遇公家有事由公司承運官兵糧械一切車價自應遵照各路

定章儘先承運減半收價並遵照外務部核定鐵路代寄郵政章程辦理 一鐵路祇允中

國郵政官局運送包件其民局及別國官局郵件概不代行運送至各國軍隊按合同應送

各件應由中國郵政局隨同日行郵件代為由火車寄投 二火車搭客行李郵政局員不

得擾及惟若風聞或確知有夾帶郵件之弊致違禁令應如何辦理之處亦須預訂妥章

三火車每日開行時應備有合用專欄以便郵政局員運送尋常郵件若開行時刻或有改

易須於前二日向郵局聲明以便早諭衆知 四郵政局運送尋常郵件備用專欄鐵路應

不收費至遇有另用專車之時其專車之費照各國向例必須格外從廉 此項照各國從廉之費倘須另行酌訂

五郵政員役因公上下火車聽其自便不得攔阻惟須攜有免票為憑倘無免票即照常

人一律看待其免票由各郵政司向鐵路局員聲領轉發 六火車各站准租蓋屋若干間

照納租費並於各站設立信箱係歸郵政局自行經理 其蓋屋租費倘須另行酌訂 七所有此章程內

載郵政局應交鐵路各費均按每年結清 八嗣後鐵路推廣各處均須照此章程辦理倘

有更改之處須由外務部覈准方可施行 第十七條 凡違禁物件非商人所應購運者公司概不接載倘客商私自攜帶一經察出由公司送請地方官究治 第十八條 公司現由各股東公舉陳宜禧爲總理余灼爲副總理主持一切陳宜禧熟諳路工並招集甯人之在外洋辦理路工及曾入工程學堂者回甯幫同興築毋須僱用洋工程師以節糜費至應選子弟分班出洋學習路工以備後用由公司隨時挑選合格者稟請商部咨送前往所有經費統由公司籌給 第十九條 路工告成時應由公司稟請商部派員查驗工程一切及軌道尺寸車輛格式務與部定程式相符工料堅實方准行車 第二十條 此項章程均遵照商部奏定路章公司律以及潮汕成案辦理將來商部奏定路律仍當一律遵守 第二十一條 無論本地及寓居外洋各華商一經附入公司股分卽應遵照此項章程並恪守商部奏定路章公司律及將來奏定路律辦理不得違異

前工部左侍郎商約大臣盛奏覆蘇杭甬鐵路草約自可作廢摺

竊臣承准軍機大臣字寄光緒三十一年八月二十五日欽奉 上諭御史朱錫恩等奏浙省自辦鐵路請將舊訂蘇杭甬草合同速與撤廢一摺浙江全省鐵路業經商部奏准由紳民自辦所有前與英商訂立蘇杭甬草合同著責成盛宣懷趕緊磋商商務收回自辦毋得藉

調延宕並著聶緝槩會同妥速籌辦以重路政而保利權原摺著鈔給閱看將此諭令知之
欽此跪誦之下仰見 聖主慎重路政斟酌因時之至意曷勝悚感臣查蘇杭甬鐵路係於
光緒二十四年七月接准總理衙門來咨以英寶使請准英商承修中國鐵路開列五條之
一咨令酌照南北鐵路章程與英商妥訂專章咨報本衙門奏明請 旨遵行等因其時臣
遵與英商議訂草合同三條電商總理衙門核定並聲明所議俟臣會商撫臣如於地方窒
礙尚須更正隨後再行會奏等語此特參以活筆預留後來操縱地步分咨在案逮光緒二
十九年甯滬合同簽押時臣以此路逾時已久責其應作廢棄面詰再三英公司不允復致
函堅申此說彼雖強辯然商廢之說實已從此埋根自奉 諭旨飭令磋商遵先函致英公
司約其會議該公司復稱須請示駐京薩使臣當即電請外務部知會薩使催令英商從速
來議迄無復音去冬復切實函告英公司大致謂蘇杭甬鐵路草合同雖係奉總理衙門咨
令商訂然聲明俟會商巡撫如有地方窒礙即行更正仍俟定正約後會同入奏現在商部
已先奏准由紳民自辦必與地方大有窒礙可無疑義又第三款聲明英公司當從速派工
程司測勘現已七年並未來議勘辦光緒二十九年四月曾函致英公司聲明杭州鐵路現
有他商請辦勢難久待自此函訂之日起如六個月之內再不勘路估價則杭甬一路及浦

交 通

前工部左侍郎商約大臣盛奏覆蘇杭甬鐵路草約自可作廢摺

一百五十二

六月

信一路均作罷論所有以前草合同一概作廢此函去後又逾兩年則草合同本應作廢現在總公司不日裁撤特將遵旨自辦緣由再行專函聲明等語去後即據英公司覆稱現奉駐京寶大臣來函接准外務部來函所論蘇杭鐵路現歸浙撫一手經理不由貴大臣過問辭意極爲明晰等語除將迭次往來函件抄咨外務部商部浙江巡撫備查外臣查蘇杭甬鐵路草約原議本應俟撫臣查無窒礙再行會商入奏該洋商雖經派人約略勘估而勘估情形並無估單圖樣呈報總公司亦未議辦法二十九年因有華商李厚祐等稟辦杭州拱宸橋至江干短路臣曾函致英公司限以六個月內爲期衡情酌理自可因其逾期置之不理實非滬甯鐵路經總公司與督撫臣會議正合同具奏並經外務部核議覆奏奉旨依議發給借票照約開工者所可同日而語惟此案總理衙門原給照會內稱中英輯睦多年自應同歸於好行令臣與英商妥訂章程彼時與英寶使如何發論現在與英薩使又如何因應皆非臣所得而知並聞英寶使因臣前與爭議福公司山西煉鐵及礦務各端幾至決裂經外務部調停而後定不能無憾於臣故於此案不欲臣再過問總之臣雖愚昧無能數十年來凡遇有艱危困苦之事向不敢畏難苟安諒可仰邀聖明洞鑒將來此案如果英使到底狡執一經外務部知會到臣決不置身事外仍必會同浙江撫臣切實辨難以期

結·果·而·保·利·權·謹·奏

兩湖總督張奏陳收回粵漢鐵路自辦摺

竊臣於上年^{辰甲}二月間訪聞承辦粵漢鐵路之美國合興公司並未知會中國私將公司底股三分之一售與比國公司董事亦大半易置比人查比與法通法又與俄合京漢鐵路已由比法兩國合辦若粵漢鐵路再入其手則中國南北幹路地權全歸比法等國掌握之中與俄人所造東三省鐵路鈎連一氣既扼我之吭背復貫我之心腹而借款本息太鉅年期過久限滿後斷無贖回之望其爲中國大患殆有不忍言者臣探詢既確焦灼萬分立即電致湘省官紳並電致督辦鐵路總公司大臣盛宣懷痛言利害竭力爭持以合興無端違背合同亟應據理責言廢棄前約自臣創此議後湘鄂粵三省紳民漸次傳播始知有粵漢路約不善之說議論推敲羣思補救無如合興公司既異常狡執美國富商復遣合興之黨柏士來華運動自稱係華豐公司願借給中國鉅資助我與合興廢約而另訂合同將此路歸其承辦其實華豐無異合興然而術詭言甘於是被其煽惑者忽倡以美接美之說衆議紛紜大爲所動臣以合興公司違約失信覆轍在前若仍聽以美接美是直以移花接木之計愚弄中國一切權利仍落他人之手中國絲毫不能收回與所以籌議廢約之故自相矛盾

遂電滬力阻其議。柏士因親至京師，介其公使向外務部要求，外務部函令來鄂，就臣商辦其駐漢美領事復多方爲之游說。臣面告以此約必廢，無可商議。柏士到滬後，復三次來函攬辦路款，均經臣嚴詞駁拒，堅不允行。由是袒美者咸嗒然失望，而怨謗紛來，阻撓百出。籌議廢約之事，益形棘手矣。迨上年十一月初三日，臣承准軍機大臣字寄，光緒三十年十月二十一日奉 上諭：御史黃昌年請挽回路政一摺，粵漢鐵路關係緊要，現在合興公司正議廢約，應卽另籌接辦。著張之洞悉心核議，妥籌辦理，以挽利權。原摺著鈔給閱看。將此諭令知之。欽此。臣自奉 明旨，責有專歸，乃益抱定宗旨，不敢爲異說所搖，然爲難之處不一。其端臣初意以爲盛宣懷爲與合興公司訂約原議之人，繫鈴解鈴，貴資一手，故開誠布公，往復電商，深冀其相助爲理，不意籌商累月，盛宣懷屢因宿疾纏綿，困臥不能辦事。正當喫緊之際，臣去電兼旬，杳不得復，偶有病間答復，而精神未能貫注，終不得此事要領。此時盛宣懷病勢甚劇，屢瀕危殆，無怪其然而湘中官紳之派赴上海者，一則主張訂借美款，幾爲柏士所愚，一則徑自聘用律師，直令赴美與合興涉訟，均經臣飛電力阻，追回其事，乃已。羣議紛歧，輕舉妄動，幾誤大局。此其爲難者一也。臣以事機危迫，稍縱卽逝，不得已始徑電出使美國大臣梁誠密商辦法。該大臣復稱中國廢約之說，喧騰報紙，美公司已豫爲之地，由

彼富商摩根將比國股票重價收回一千二百分以爲事權仍在美國之手卽與合同不背不能再言廢約美政府極力袒護屢飭其駐京使臣柔克義向外務部干涉聲言美政府斷不允廢此約合興總辦惠惕爾因出使大臣梁誠持正力爭辯詰甚緊遂擬撤開梁誠自行來滬設法把持此事經臣聞知切電上海總公司轉告惠惕爾彼卽來華無論改何辦法臣斷不承認囑其飛電阻回此其爲難者二也臣往復與美使臣梁誠電商直言廢約或致有礙國家交涉改爲贖約則僅商務往來事出和平彼政府自無從干涉該大臣因就此意與合興公司反覆磋商彼延前美國兵部大臣路提前美國按察司英格瀾爲主謀梁誠乃延聘前美國外部大臣福士達鐵路專門律師良信等與之抗議路提以美國國體東方商務種種關礙爲詞語意堅決福士達等再三辯詰始認原定合同之疏漏合興辦事之含混允聽中國政府修改合同收回權柄由美國政府擔保永不轉替而贖約則堅不允許經出使大臣梁誠痛切開導力陳三省之輿情 中朝之意旨微臣之定見大局之利害路提等甫允開議售讓辦法而合興索價浮冒初開七百萬金圓繼又索公司酬勞二十五萬金圓借票餘利四十餘萬金圓利息在外經與駁減彼卽以股東未曾議定經月遷延不允遽決比主復遣其親信至紐約極力阻止事幾中變此其爲難者三也迨復議定贖路全價六百七

十五萬金圓另給利息甫將草約彼此簽字而比政府竟電美外部強行干涉比主復面晤
摩根陵使悔議並介美總統之友美國上議紳比洛遲轉告美總統力翻此案美總統適接
其駐華使臣柔克義電云會我政府無意廢約且疑臣與出使美國大臣梁誠均非政府授
權經理之人遂欲挑剔廢約兩字借端以廢草約危機頓迫幾幾功敗垂成臣於七月十三
日電奏內已詳晰陳明此其爲難者四也幸荷 聖明昭鑒俯准施行外務部亦悉力主持
一再照會美使聲明臣與梁誠實有辦理此事之權美總統尙知慎重邦交轉囑允許其事
乃定而湘鄂粵三省紳民驟欲籌此六七百萬金圓約合華銀千餘萬兩斷斷無此力量假
使款不應手非但立誤事機抑且貽羞中外此其爲難者五也臣自奉 旨籌議粵漢路事
卽屢次分電湘粵官紳公議切實籌款之法嗣准兩廣督臣岑春萱十二月十一日來電云
此事必須備有贖路的款方能爭論而粵紳渙散倡議者無錢有錢者不管紳力斷不足恃
官力則艱窘已極更無擔任如此大宗之力且果使廢約立須鉅款應付卽有別項籌款之
策亦緩不濟急愚以爲宜由鄂湘粵合借洋款若干萬分年勻攤認還此款借成約廢卽以
贖路不廢立時付還虛糜利息亦尙有限等語而湘紳商電亦無立籌鉅款之策臣體察湘
鄂粵三省情形既屬相同不得已始定借款之議一面電商湖南撫臣轉詢湘省各紳湖南

撫臣復電云與諸紳熟商均應遵辦徧加詢訪惟英領事所開利息較輕借款交付實鈔不須折扣惟於粵省別有要素利益之事臣婉辭推謝致借款之議久懸不定迨本年乙酉八月初二日猝然接到出使美國大臣梁誠電合興股東已將草約批准第一期款美金二百九萬八百零六圓應於西九月七號即八月初九日在紐約交兌計期已近務請合三省全力迅即籌足於西九月七號以前電匯到美免致變局等語臣電致梁誠懇其展期十日以便趕籌覆電云第一期款商緩十日福士達謂前遵尊電將贖款備齊悔約索償各節警告摩根正約六號簽押與否視此期交款爲從違若再生變萬無挽回務祈如期電匯等語蓋合興之意料知中國貧窘斷不能於旬日間猝籌數百萬鉅款故其總股東於草約定後已將三個月多方推宕延不批准此事成否未定以致籌不能籌借不敢借直至屆期前七日始電告中國批准立索交款若款不能集則此約全翻轉將譏我無款自誤此謀至狡至毒蔑以加矣其時英領事先期赴廬山避暑臣逆料急而相求要求必甚且議訂合同亦須兼旬以外而應付合興之款若愆期一日全局俱翻當此之時既不能乞援於外洋復不能求助於他省以關係中國南疆全局之大舉 特旨飭辦之要政議論兩年全球皆知若徒以無款之故竟致不能收回自棄草約不惟利權永棄而且將令各國譏笑中國辦事者皆空言

無實之人以後一切邦交種種窒礙此七日之中臣憂煎萬狀繞室徬徨此事結局如何竟不敢預料此其爲難者六也幸湖北官錢局信義素著尙爲各國銀行所信臣召集司道剴切籌商均以大局利害所關同心擔任立即一面飭官錢局設法擔保先向匯豐銀行息借銀三百萬兩官錢局湊集銀二十三萬兩竟如期電匯已到美國實非臣意料所及當即將贖路正合同電由軍機大臣代奏請 旨畫押欽奉 俞允一面電招英領事回漢商訂借約英領事見臣處第一期付款已能暫行自借應付而贖路事關係大局亦願助成盛舉於是前所要求者不再提及合同條款悉照光緒二十六年八月湖北因保護長江籌備餉需向匯豐銀行息借五十萬兩成案辦理業經將合同咨明外務部在案此項借款於鐵路權利固絲毫未嘗有所假借也借款既定應付合興第二期款遂於中歷九月十二日全數交清合興卽於是日分電滬粵兩處公司洋人將在滬存儲之圖表冊籍在粵已修之鐵路及機車房棧一切備用材料悉數點交中國委員接收經臣派員分別接收清楚查此次合興所訂售路合同載明中國政府可將合興公司在中國所有產業已成鐵路材料測量圖表開礦特權以及在中國所有權利無論明指暗包一概全行收管等語玩開礦特權及明指暗包之言可知從前所失權利之大實無窮盡今幸得全數贖回從此永斷葛藤消弭巨患

此皆仰賴 朝廷威德及樞部諸臣同心匡助三省紳民協力圖維出使大臣梁誠才識兼優忠實爲國規畫辯論妙協機宜故此事克底於成現已議定修路之款由三省官紳合力籌集決不再借洋款惟款由本省紳民集股止能各籌各款各修各路大綱必歸畫一而辦法不能盡同與他處鐵路之借款興辦者迥不相侔紳民辦事全賴地方官相助爲理似須責成本省督撫督飭司道及地方官暨紳士商民因地制宜設法籌辦庶情形不致隔膜工程亦免延擱謹 奏

各省航路彙誌

山東○山東省運河上接清江下枕臨清綿亙千餘里自南漕改折後糧艘不行河道淤塞署東撫楊蓮帥因擬將北運河二百餘里淺阻之處分段挑挖並添修涵洞引導附近水源俾舟行無阻已於日前附片具奏又以小清河至煙臺水路泥淤迫徧輪船時被阻窒有礙商務亦已飭唐芝田觀察代租挖泥輪船機器畚斗數十箇以便疏濬

江蘇○商人陳英伯等近購裕通憶江南輪船兩艘於常州西門外設立裕商輪船公司逐日開行常州宜興長興湖州等處共合資本銀五千兩

江西○贛省內河小輪向祇往來省澤茲官輪局及福康公司以饒州府屬出產甚多皆由民船裝運赴潯利源頗鉅惟過鄱湖風濤甚險不若輪船穩妥便捷特就該處推廣航路行駛小輪已稟准九江關道定期開行矣

浙江○錢塘江上游行駛小輪創議已久迄未舉辦近又有人議集股置備小輪行駛富陽諸暨乍浦等處已稟明商務

局立案開辦

湖北○長江船隻以湘鄂為大宗近因裝運下游貨物利益無多致航業日見凋敝成君秉璋因擬就湘鄂兩幫設立商船公會以謀保護整頓之策已稟准商部立案試辦

各省鐵路彙誌

奉天○日人前築奉省至新民屯軍用鐵路共計一百二十里首段工程業已告竣茲經直督袁慰帥會同商部向日本商允由奉省財政局撥銀一百五十萬兩贖回該路以便與關內外鐵路相連屬

山東○東省在籍紳士劉觀察麟瑞等創議開築煙臺至濰縣鐵路以利交通現正籌議集股之法云

河南○調任豫撫陳筱帥以豫省綰轂中原昆連七省非鐵軌交通不足以資利便現在京漢幹路已竣開洛枝線亦經

勘築就本省地勢計畫尙有兩路宜築一開濟鐵路自開封達山東之濟南一洛潼鐵路自洛陽至陝西之潼關惟開濟一路道遠工鉅非一時

所能定議至洛潼一路東起洛陽西接潼關計長四百八十里約需銀五百萬兩雖道路崎嶇經費繁浩而遠通關隴近

達京津必須先事綢繆以杜外人窺伺特奏請將此路立案自辦將來即與陝省奏辦之西潼鐵路自西安至潼關連接已奉

硃批外務部商部知道

江蘇○甯滬鐵路由甯達鎮之軌道前經承辦委員督同工師疊次履勘擬起點於太平門近經工師詳細覆勘仍多窒

礙復改道由神策門外興築經下關沿江官道迤邐而達龍潭聞此次勘定後決不再議更改云

湖北○粵漢鐵路在鄂省之路線近經總局會議增一支線從沔河之新倉埠發脈通荊門轉宜都經襄陽郡境繞抵宜

昌與川漢路相接鄂督擬暫招股七百萬每股庫平銀十兩分作兩期繳納以期輕而易舉

廣東○廣九鐵路近由粵督岑雲帥與英人訂立草約八條送外商兩部核議大致如下 一英國銀公司願以至輕之利代中國政府籌借資本合造廣九鐵路 二中國政府須以廣東鹽釐每年約銀百萬兩作抵 三廣九鐵路將來所需之總工程師及會計員須用英國人至於以下辦事之人悉任總工程師之便用英人華人或日本人充當 四廣九鐵路與工築造之時所借英國之資本照前款所議以鹽釐作抵將來大工告竣即將鹽釐收回改以鐵路作抵 五開車之後逐日所收之車費按月解交香港之英國銀行代收每年酌提若干以酬代收之銀行 六中國未將廣九鐵路之造本還清之日所有全路悉由英國執管俟造本還清之後始能將全路交回中國 七所有築造廣九鐵路之材料悉向英國採辦其扣用五釐當歸英國 八以上之鐵路係中英兩國合辦當由兩國政府作主 貴州○貴州至蒙自鐵路近聞已經興辦將來擬與川漢幹路相接該省業委宋伯康觀察赴鄂向漢廠定購鋼軌六萬八千七百噸

各省電政彙誌

直隸○天津保定及北京之 南苑添設無線電近已由義國工師率同電報學生及電信隊學兵數名將無線電機安設以便傳遞軍情

奉天○奉天至新民屯電線業由日本交還將軍趙次帥現又與日本大島爵商定添設奉天至營口支線

浙江○台州民悍匪衆教堂漸多各縣距府率皆百里數百里不等自非添設電線一旦有事即覺消息遲滯近經甯紹台道稟請浙撫轉商電政大臣徧行安設○定海一廳孤懸海島實爲南洋要衝亦以電線未設遇事呼應不靈業由甯紹台道稟請一併添設以重海防

湖南○湘省電報上援粵黔下通鄂漢消息極靈上游衡永郴桂下遊岳常各府亦已節次暨竿接線設立分局近因益陽一縣遠隔西湖水陸均形扞格湘撫龐渠帥特飭電報局李文石觀察於益陽設立分局安設電線以期消息靈通

蒙古○蒙古全部落向祇庫倫一處可以通電殊爲不便現已諭令烏里雅蘇臺將軍修築各處電線接通庫倫業由政府電飭遵照

各省郵政彙誌

京師○義大利國將於西曆七月在羅馬京城開設萬國郵政會由駐華義使照請外務部派員與會外部當即奏派駐義使臣黃京卿誥爲正使就近預議簽押並以赫總稅司之子赫德雅谷爲之副聞在會各國均已承認中國郵政附入萬國郵政同盟會以便交通云

直隸○熱河地方郵政尙未設立近經外務部札飭總稅務司派員前往開辦

奉天○奉省郵政近已次第收回西路業經通行無阻並擬推廣東北兩路直達吉黑蒙盟一帶趙次帥已飭各局署將所有傳遞公文函件凡往西路者均交郵局代遞

河南○汴省郵局近於日常發遞外復加專差信件每信在七錢內者收費一角七錢外者一角五分商民頗爲稱便

江蘇○盛澤郵政近經稅司稽察情形特派司事前往自立分局

商 務

論各國經濟競爭之大勢 錄丙午第一期商務官報

(二)緒論。今日之世界。經濟競爭之世界也。爭之而勝。則利源日拓。國富民榮。若英若德。若美。其前例也。爭之而不勝。則領土日蹙。國勢大衰。雖欲維持其二等國之地位。而尙不可終日。如西班牙葡萄牙是已。中國自秦漢以來。貴士賤商。今則特設專官以董理之。而保商之論。歲數數下。吾國商業之前途。其庶有起色乎。然全國商業之興。非專恃政府。一二人之提倡。而必賴各省疆吏之協助。又非專恃在上者之保護。而必賴實業家之經營。今若不內外一致。上下一心。亟實行保商政策。取種種商業機關而整理之。推廣之。則欲與各國馳驅商戰之場。而於萬國商業史上占一席之地。蓋亦難矣。保商之政策。有關於內政者。有關於外交者。關於內政。吾國家之權力。固足及之。關於外交。則必宜有實力以維其後。乃可秉吾之政策。以往而無所躊躇。又況今日所謂內政者。動與外交相關。一或不慎。輒生荆棘。及其事機已失。乃始歎息痛恨於主權之不屬。補救之難期。亡羊補牢。亦已晚矣。故今欲防患未然。而立於二十世紀商業場中。其必自養成實力始。吾輩既知保商之事。往往落於外

交旋渦之中。則各國之經濟政策。皆今日所急宜考求者。各國之經濟制度。皆今日所亟應則效者。昔英國殖民大臣張伯倫於下議院有言曰。王國諸官職。無不關係於貿易者。外務部、殖民部、以發見新市場、保護舊市場爲要務。海軍部、陸軍部、以防禦市場、保護貿易爲要務。農務部、商務部、以謀二大實業之進步爲要務。聆斯言也。知英國之雄視五洲。而久握商業上霸權。蓋有由矣。夫豈惟英國而已。彼若德意志若美利堅。亦皆絞其無數政治家之腦血。竭其無數實業家之心力。並犧牲其無數軍人之生命。而求與英國抗衡。又豈惟德美而已。日本自勝俄以後。鼓吹工商業之論。徧於全國。凡報章所論。議會所言。無不側重實業問題。誠以工商不振。則財源日絀。民窮財匱。而欲以一日之捷。久頡頏於競爭劇烈之場。蓋憂乎其難也。吾國每舉一事。動憂乏財。夫不於事之未至。早開其源。而及其迫於眉睫。乃始皇皇焉。臨渴掘井。其何能濟。吾觀日本於戰勝之後。全國上下。汲汲以振興實業爲務。乃知其以三島之地。能施行一切文明事業。而曾不聞有費絀不舉者。亦謀之於豫而已矣。中國近年以來。士大夫始不以經商爲恥。而商人中亦頗有力。顧大局。出而任路礦銀行等事。以期挽回利權者。商智日開。不可謂非進步也。雖然。中國物產之饒。甲於大地。競爭之業。今始萌芽。苟非竭全國之心思才力。以闢我天然富源。則資小力薄。而位於世界競爭之場。又

安往而不敗也。吾今請舉與商務最有關係之事條而釋之如下。其有必以國力行之者。政府固責無旁貸。若爲私人之力所能及者。則我實業家。盡亦投袂而起矣。

(二) 軍備與經濟之關係。今各國歲計豫算中。占支出之大部分。而就其國之民數計之。一人之負擔。平均皆在數圓以上者。非海陸軍費乎。政府倡之。人民和之。鮮聞有增加軍費之案。不通過議院者。此何故也。曰。凡事無報酬者。負擔雖輕。而民不樂任。有報酬者。則雖禁遏。而民猶趨之。其不禁遏者。無論矣。其不禁遏而又爲之提倡者。更無論矣。軍費者。民之負擔也。保護貿易者。政府所出之報酬也。蓋際今日競爭之世。有兵力者。貿易盛。無兵力者。貿易衰。貿易日衰。則利權失。而上下困。而兵費無自出。兵力無自強。故今日之世。必兵賴商。商賴兵。而後得列於經濟競爭之世界。歐洲自十七世紀中葉以後。迄於十八世紀。其實行商業政策也。純以武力濟之。故凡有與之競爭者。必悍然擊破其商船。阻絕其航路。侵奪其殖民地。使不能與吾抗而後已。如英之始逞志於荷蘭。繼有事於法蘭西。其適例也。至既得殖民地矣。則往往乘其軍備廢弛。而由本國政府。布苛酷之命令。舉殖民地之一切商業。置於本國獨占之下。苟有不堪其虐。起而反抗者。則用兵力以壓平之。此則徵諸歷史。其例不一。而英之於印度。爲尤著者也。迨夫十九世紀。各國之文化。日有進步。於是昔所謂武力。

之競爭者。漸變爲平和之競爭。而通商上之利益。乃各期於折衝樽俎間得之。故長於外交之術者。每當條約告成。而商業上之利益。卽不啻探囊而取焉。不諳外交者。反是。說者謂吾國百餘年來之條約。皆商業上失敗之歷史也。豈不然哉。豈不然哉。雖然。前百年之通商。以外交定得失。自十九世紀末。帝國主義盛行。無兵力者。卽無外交。於是各國之實行商業政策。遂又復武力競爭之舊。如美國之構兵於西班牙。商業競爭也。英國之百戰於脫蘭斯哇。商業競爭也。德國之求領土於阿非利加及太平洋方面。商業競爭也。德法之協商於摩洛哥。亦商業競爭也。統觀近百年來之戰爭。就表面論之。雖或有專屬政治者。而溯其原因。無不由於保護貿易。擴張市場而起。故政治上之競爭。與商業上之競爭。乃二而一。一而二。而兵力不充者。實無可言國際商業也。

(三) 關稅制度與經濟之關係。國與國通商。各設關以征稅焉。此萬國所同有之國權也。然有利用此國權者。亦有不利用此國權者。如因保護本國之生產業。加重關稅。以制限輸入貿易者。此卽利用此國權。而保護政策之所由起也。如倡議免除關稅。使各國之民貿易自由。有無易通。以收國際分業之利益者。此卽不利用此國權。而自由政策之所以興也。自由此兩政策對峙於財政界。於是一國之關稅制度。悉隨此兩策之勝負而轉移矣。自由政

策與保護政策之得失。至不易決。欲討論此問題。必先熟察本國在經濟界之地位而後可。若所用之政策適合現今地位。則用自由政策可也。用保護政策亦可也。苟或不然。則雖欲開發一國之實業。而與世界競爭。蓋斷斷乎其不可也。欲知本國在經濟界之地位。非先知經濟發達上普通之順序不可。蓋地球各國。無不自野蠻原始時代。進於狩獵畜牧時代。次又由農業時代。進於農工業時代。終則一轉而入於農工商三業並立時代。夫發達之趨勢。既因時代而不同。則商業政策之方針。又安有一定而不易者。故自農業時代。迄於商業時代初期。當亟亟與經濟發達之國。講交通之策。而取其所長。以資則效。則自由貿易之主義。尙已。若夫工業已有萌芽。漸形發達。則當利用商業政策。以抵制外國之競爭。而維持本國之工業。保護政策之履行。又豈可以已乎。吾聞之。地球上之新開國。以農業與他國戰。舊開國以工業與他國戰。既講工業。不可不資原料。免除關稅。而使他國之原料。皆灌入於我國。我取而製成熟貨。以收倍蓰之價。利莫大焉。英國者。舊開國也。其終始之恪守自由政策。固其所也。若美國者。則向以農業立國者也。近雖工藝漸興。尙未離幼稚時代。使一旦有舊開國挾其一往無前之氣。輸入其精品。而與之較短絜長。其將何以禦之。美國之亟亟從事於保護。固亦宜矣。若法若德及其餘大陸諸國。雖常有自由主義與保護主義迭相爭長。

之時。然觀近日輿論。則無不趨重保護。蓋自由貿易。因各國同時並行。而有利益。若立於多數保護國之間。而獨行此主義。而又不能如英之久。以商工業雄視全球。則真如倍根斐特之所謂單獨自由貿易。有百弊而無一利者矣。抑吾輩論關稅制度時。所尤不可不知者。則國定率與協定率之別是已。蓋於各國之輸入物。而以己國法律。任意制定稅則者。謂之國定。彼此互商稅則。列諸約章者。謂之協定。國定稅則。有視本國經濟界之動靜。而隨時更訂之便。故英美皆取焉。然欲於海外市場。擴充本國銷路。並使臻於安全之域。則非締結商約不可。因彼此之協商。各減輕其稅率。而協定稅則。於是乎成矣。然則協定稅則者。即由互惠主義。而出使他國以協定之名。束縛吾國之稅則。而吾不求相當之報償。則非互惠主義。而偏務主義也。凡對等國間之協定稅率。以互惠主義為本。不對等國間之協定稅率。以偏務主義為常。故觀一國稅則。如何其實業之盛衰。可以卜也。

(四) 交通機關與經濟之關係。吾聞商業之進化。其階級凡五。一曰陸地貿易。二曰河流貿易。三曰內海貿易。四曰大洋貿易。五曰大洋兼鐵道貿易。試取世界商業史而讀之。各國進化之次序。鮮有能脫此範圍者。而其進化之或遲或速。一視交通機關之或備或不備。蓋商業之必資乎交通機關。猶人身之必資乎血管與神經也。未有血管不通。神經不敏。而能

免於病且死者則亦未有運輸不便消息阻滯而其國之商業猶能延殘喘於優勝劣敗之場者所謂交通機關者何即郵便電信運河鐵道航路等是約而言之不外陸上交通與海上交通而已吾今請列舉交通之利益以告我商人 一今試有甲乙兩地一缺米穀而多木材一缺木材而多米穀則所供之數既不能如其所求而兩者之價之貴賤其必日趨於極端可知也若使消息迅速運輸便捷則甲地所有餘者可以灌入於乙地乙地所不足者可以仰給於甲地需要與供給既平而經濟界遂鮮急激之變動此商家之利一也二經營商業首重資本資本不一端而勞力與時刻皆是也運轉資本之速力愈大則其事業之範圍愈擴故使交通便捷朝夕至則資本無停滯中途之慮而生產之力且因之而倍增此商家之利二也三工業之進步必恃乎分業交通既便則可以此之有餘補彼之不足而分業之事將盛行於各地分業愈盛貨物交換之道愈開此商家之利三也四交通便利則運輸時之種種費用自少而成本因之減輕成本既輕則銷路必廣其獲利必穩而且逸此商家之利四也五交通不便之時熱帶物品之不能移於寒帶固已即一國之中一省之中又甚而至於一府之中亦往往有不能大享交換之利益者吾國商業之不能發達誠有由也今若改良交通機關且從而擴張之則千里之隔有若比鄰昔雖擲巨款而不能驟得者今

且取之如攜焉。其有益於消費者何如也。消費既易則其有待於分配者愈多。而商業範圍之大將有非昔日所能同日論者。此商家之利五也。以上五端不過舉其大要而已。而交通機關不備則商業必不能興。此吾所敢斷言者也。今夫英之保護土耳其。占據賽布羅士島者。說者謂將以阻俄人雄飛也。而抑知其最大之任務則在掌握地中海航路。以維持英與印度之商業也。美之縣夏威夷。掠斐律賓者。說者謂將以行帝國主義也。而抑知其惟一之宗旨則在獨占太平洋航權。以樹東方商力之基礎也。且昔日列強之逞其野心也。以航路。今則又兼之以鐵路。自俄人經營西伯利亞鐵道以來。列國皆知鐵路政策。實較航業政策為尤亟。於是英則議築橫通印度以接緬甸之鐵道矣。德則欲築自君士但丁至波斯之鐵道矣。苟見其國人無權利思想。而可以智取威脅者。無不急起而圖之。縱徵之於勢。揆之以理。斷非彼所應過問者。亦尙且夕覬覦。惟越俎而代之是謀。歷觀各國要我路權之舉。是其證已。二十世紀滅國之新法。在不用兵力。而用交通權。故若德意志法蘭西等。凡欲夷他國為殖民地者。無不藉交通權以逞其野心。今試閱各國報紙。其所謂航路保護案也。鐵道擴張案也。喧於朝野。一倡百和。幾以國勢之盛衰。專於交通權之大小卜之。其所眈眈虎視者。則不在他洲而在亞洲。且不在他國而在中國。夫各國之謀我路權。其意誠非專在商業。

也。然必歸其名曰。便於運輸。利於貿易。特取通商二字。以爲之標。誠以商權所及之地。卽爲國權所及之地。政治競爭與經濟競爭。實同時而進。相輔以行。故今日有志於挽回利權者。其必自交通機關始矣。

(五) 託辣斯與經濟之關係。小不可以敵大。弱不可以敵強。寡不可以敵衆。當此商業競爭之世。苟非取精用宏。內力充足者。亦必不能角智鬪力。立於適者生存之地位。故自十九世紀以來。個人獨立之小商。不得不俯首下心。相率而走。集於有限公司之旗下。乃不意曾幾何時。昔之以大食小者。今將以大食大。經濟界之競爭。日益烈。資本家之維持。日益難。於是高掌遠躡者。益擴張其競爭之區域。而託辣斯之組織。遂於焉成矣。託辣斯者。譯言信也。蓋由多數之有限公司。互相聯合。而以其全權。委諸少數之人。爲衆所信用者。則名之曰託辣斯。而託辣斯之語。遂成爲生計界特別名詞。至組織託辣斯之方法。可大別爲甲乙兩種。甲種託辣斯。(大合併會社) 一有資本之大營業家。將舊有數公司之土地工廠機器棧房及流通資本等種種權利。悉行買收。而別立一大公司。此蓋於事實上合併者。二設立於法律之下者。三生產及分配之合一者。蓋指自購入現料品。迄於製成而售諸市場時言之。四合成一大公司。行分業法。使減生產費而獲利較多。五使原料生產者。有

一定之售主而恃以無恐。乙種託辣斯。(同業公會) 一多數之營業家。於名義上聯合。而仍分營其事業。 二因各營業家之合意協同而組織之。 三生產及分配之不合一者。

四以任意上下生產物之市價爲主者。 五使原料生產家大爲所苦者。如向原料品定以賤價。相約較此以上。不許買入。使原料生產者。別無售主。而祇能照所定之價售之。今日之所謂託辣斯者。其性質不外以上諸項。夫欲戰勝於經濟界者。不可不備數條件。一能投巨額之資本。二用最新最大之機械。三備技術精熟之人物。四利用廢物而多得副生產物。五能左右市價。六能支持經濟界之恐慌。七謀買主之便利。八擴充銷路。而託辣斯者。則能獨備此等條件者也。茲將託辣斯最有利益之點。摘舉於左。 一因由數大公司相合併。則資本自巨。可多用新巧機器。使勞費少而成物多。 二資本既巨。則購用原料必多。多則其價自廉。原料價廉。則造成出售時。其價亦必因之而廉。 三工場夥多。可實行分業之學理。使爲之者專。而成之也精且速。 四能有餘力利用廢物。造出種種副產物。 五以全國本業皆合併故。能節制生產。毋使有羨不足。因以免物價之漲落無定。 六因資本雄大。故不畏外界市場之恐慌。 七魄力雄厚。能擴充外國販路。 以上所述。皆託辣斯之利也。惟利之所在。弊卽乘之。美國當一千八百八十二年託辣斯初興時。全國忌之。以爲生產技術。

將因獨占而不知改良。且苦力小商。將因壟斷而相次失業。謗議雲興。幾為衆矢之的。政府亦務所以摧抑禁止之。而不留餘力焉。然託辣斯者。實適合於現今生計界之競爭。天演使然。無可逃避。雖欲遏之。又孰從而遏之。於是美國政府遂一變禁遏之政策。為補救之政策。而託辣斯之機體。乃今漸確立矣。夫使託辣斯而僅為一國問題也。則吾人之視為對岸。火災猶可說也。然自摩爾根以此組織握太平洋航權。後列國之政治家實業家。遂皇皇焉。急起直追。以求噉美人之餘瀝而已。步其後塵者。則鐵血主義之德意志是也。自今以往。此生計界之名物。其將徧游歐美。而稅駕於亞細亞。可預必矣。

(六) 結論 二十世紀之商業。非一國問題。而世界問題也。若國權之不全。其何能操縱一切。出而助吾民。以與各國抗。故維持國權。而於其缺者。補之。未失者。勿使稍有損焉。此實保商之關鍵。而政府之責任也。雖然。政府之後。援國民而已矣。苟無哥倫波。西班牙何以能關新地於美洲。苟無印度商會。英吉利何以能握霸權於東亞。今外人挾其國力。實逼處此。雖欲阻之。談何易。易故舍我國民。自起諸業。以與競爭。無他術也。蓋實業之事。彼能辦。我亦能辦。況吾國民之勤敏耐苦。素為各國所憚。而又益之以地主權。先得權。彼族雖強。亦未易與我敵。非然者。徒懼彼之來日。患其奪我利權。而思有以保守之。其果能保守也。耶。其保守也。

果有利於國否耶是在有志者辨之而已。

商部奏奉天設立商務總會摺

竊臣部接據盛京將軍趙爾巽咨稱奉天自開辦商務總局以來首以設立商務總會爲宗旨當向各商推誠布公設法開導擬在省城設立商務總會一所應需開辦經費由官先行撥發擬訂奉天商務總會章程計十三章咨行核覆等因當經臣部查取舉定職名以便照章札派旋據覆稱各商董公舉得花翎保送知府孫百斛爲總理監生梁維康爲協理咨請加札委用等因並將履歷清冊造送前來臣等伏念奉省幅幘廣博土產素饒惟自兵燹頻仍元氣凋敝善後之策未便緩圖是以上年臣部曾遴派司員前往考查一切情形詳加體察爰知該省蘊積之富若礦產若農林若鹽務若漁業在在胥資整頓爲今日計欲保利權須先從商務入手欲興商務又須從商會入手茲既據該將軍擬訂會章咨送到部臣等詳細查核其所擬章程組織完備條理秩然深合設會本旨所舉總協理皆係久營商業熟悉商情之人自堪勝任應請照准辦理查各省先後遵立商會如天津上海漢口等埠頗有成效惟皆商務繁盛之區風氣早開措施稍易今奉省於百端待理之際首植此互相團結之基挽回利權肇端斯舉例諸他省雖提倡較難而關繫尤爲緊要嗣後該商會既經成立所

有各項農礦魚鹽實業不難次第研究逐漸擴張當由臣部隨時咨商該將軍轉飭該商會妥籌辦理總期實力圖維以冀漸收成效恭候 命下卽由臣部照案札委總協理各員並刊刻奉天商務總會木質關防發給應用謹 奏奉 旨依議欽此

盛京將軍趙奏設奉天華產商品陳列所摺

竊維國力之盈虛視乎實業而實業之衰旺操之商場東西各國於通都大邑莫不設有商品陳列所彙萃萬物各以類從榜其性質能力第其產地價值考證有資交通便易法至善也我國氣候清淑物產殷阜擬之歐美殆無多讓而實業幼稚外貨浸灌利源日絀生計益窘者蓋於商務之機關尙未備也 皇上軫念時艱特設商部以提倡之京師有勸工陳列所之設誠惠工通商之亟務也奉省地產之富推爲上腴而民智窒塞農工墨守舊法就令閉關終難自給重以甲午之役庚子之變癸卯日俄之爭外勢浸長輸入遂倍蓰於前以拙樸無識之民而誘以新奇嗜好之品以顛沛流離之頃而發其崇拜效法之思習慣性成先入爲主他日適體之具養生之需吉凶賓嘉之有所事無不仰給於外人竊情偷生脂膏罄竭患孰甚焉查奉省物產如濱海之魚鹽東山之材木漠北之氈裘遼西之絲繭其他菽粟畜產藥品油酒之類產額極富特以觀感無資化居乏術以致闡然未章現擬於省垣建設

商。品。陳。列。所。羅。致。本。省。土。產。以。及。各。省。貨。品。搜。求。惟。備。肆。設。以。列。縱。我。民。庶。任。其。遊。覽。俾。商。知。所。求。而。工。知。所。勸。約。其。辦。法。厥。有。數。端。一。專。列。本。國。天。產。品。工。藝。品。二。本。省。商。店。准。將。貨。物。送。所。寄。售。並。任。招。徠。介。紹。之。責。外。省。貨。物。大。種。批。發。者。亦。可。代。為。訂。購。運。寄。三。貨。物。寄。售。必。經。本。所。檢。查。不。准。攙。雜。偽。質。贗。冒。商。標。並。標。題。公。平。一。定。之。價。值。四。調。查。各。省。商。情。商。報。暨。本。所。各。貨。銷。數。詳。其。暢。滯。之。原。因。明。白。佈。告。俾。知。棄。取。而。圖。改。良。其。餘。辦。事。細。章。另。行。詳。訂。惟。事。屬。創。始。各。省。輸。送。商。品。應。請。旨。飭。下。商。部。分。咨。督。撫。將。軍。仿。照。京。師。辦。法。迅。速。調。齊。商。品。派。員。運。送。來。奉。俟。送。到。售。出。後。仍。由。奉。繳。回。原。價。務。期。彼。此。有。益。以。副。朝。廷。振。興。實。業。之。至。意。謹。奏。

商 部 奏 定 破 產 律

第一節 呈報破產 第一條 商人因貿易虧折或遇意外之事不得已自願破產者應

赴地方官及商會呈報俟查明屬實然後將該商破產宣告於眾 第二條 該商呈報時

應聲明破產緣由將各項帳簿送呈地方官查閱 應呈各項帳簿如左 一歷年收支簿

以十年之內為限 二現存銀錢簿 三現存貨物簿 四現存產業簿 註明田地房屋之類均應

之戶名 五現存傢具簿 註明貴重之物 六借放對數表 無字據帳者均須註明 第三條

地方官收到各項帳簿於逐頁騎縫處分別蓋印移交商會加蓋圖記備查 第四條 宣告破產後除該商必需之衣服傢具外所有財產貨物由地方官先行查封交商會代管

第五條 呈報破產後若有妥實保人具結准該商在外聽候傳喚但不得擅離處所無保人者留住商會免其管押 第六條 若該商倒閉不自呈報破產先由各債主查知赴地方官呈報者應先傳該商到案訊係屬實並無倒騙情弊仍照以上各條辦理 第七條 公司呈報破產由董事及查帳人具呈無論合資股份應將股東姓名住址開列附入 第八條 凡雖非商人有因債務牽累自願破產者亦可呈明地方官請照本律辦理 第二節 選舉董事 第九條 宣告破產後五日內商會應於該商同業中遴選公正殷實者一人任董事之貴清理破產一切事務 第十條 商會舉定董事後該董即可稟官啟封督同破產者將現存銀錢貨物產業傢具及一切字據逐件點收開具清單送呈地方官及商會存案後即歸該董經理 第十一條 破產者與人往來函件董事有檢閱之權 第十二條 董事如遇帳目不明之處可隨時向破產者查問 第十三條 董事辦理不善商會可隨時另舉更換前董應將經手事件交代清楚由後董書立收據報官存案 第十四條 董事經理財產貨物及開支事內費用如有侵蝕浮冒等弊商會或各債主查明實

據准其報官追繳 第十五條 董事經理事件完結時由各債主公議在攤還債款內酌提酬勞 第十六條 董事經理事件完結後須將辦理情形具呈報明地方官核准結案始可卸責 第三節 債主會議 第十七條 凡宣告破產後由地方官出示諭令各債主開明所欠本息清單並所執字據送交商會核辦宜視債主程途遠近酌定期限商會應將以上情節登報布告 第十八條 商會收到各債主單據加蓋圖記後即掣給收照爲憑結案後所有單據或應塗銷或應發還各債主應將收照繳由商會分別辦理 第十九條 商會應將各債主單據並破產者各項帳簿字據發交董事核對無誤即定期知照各債主會議 第二十條 屆期各債主到者未齊商會應再展期登報布告若展期已滿尙有一二債主未到而所佔債額不及四分之一董事即可邀同已到債主先行議決未到之債主祇能聽從公斷不得別生異議 第二十一條 各債主議決之權以從多數爲定如意見相同之債主佔有債額四分之三亦可議決 第二十二條 各債主應會同董事公定平均成數一律收回不得擅取該商貨物作抵並不得串通他人出頭追討 第二十三條 債主會議時呈報破產具結及列借券中之保人均應到場隨同料理 第二十四條 債主會議時許破產者在場聽議如有與己損害之事准其申訴聽憑公斷 第四節

清算帳目 第二十五條 債主單開數目或有不符應由董事調查債主帳簿手摺回單信件逐一核對並可邀集關於此事之經手人等當場詢問 第二十六條 未到期之債及各項期票自呈報破產之日起均准作為到期提前辦理 第二十七條 該商與人賣買借放之事雖已訂立契約尙未交貸付銀經呈報破產均應作廢 第二十八條 債主如有互欠破產者之款除准其抵銷外所餘債額應於各債主一律辦理 第二十九條 無論何項公司呈報破產除註冊時聲明有限應照公司律第九條辦理外如係無限或內有股東擔負無限責任者將公司產業變償尙有不足之數由董事會同公司總司理人算明每股應攤還債額若干登報布告各股東知悉若股東將所認股分應攤之債數還清董事應掣予收照報由商會移知地方官立案即與該股東無涉 第三十條 公司內各股東償債應由董事會同公司總司理人體察各股東情形於應攤債額內如有股東措繳不足准其分別量繳收齊款項通盤扯定成數令各債主收回 第三十一條 自宣告破產之日起該商所欠債項均免算利息惟有照第三十五條辦理時不在此例 第三十二條 抵押主宜報由董事查明抵押之物實在倒閉兩月以前並無寄頓等弊方准抵押主將物實行管理及拆動變賣 第三十三條 抵押主宜將印契稅單或所在字據呈驗經商

會簽字地方官蓋印後方准將抵押之物實行管理並聽變賣如係產業即可過戶毋庸另立絕賣憑據 第三十四條 抵押之物須經董事估計價值若逾於所欠之數除抵還本息外應將餘款交董事歸入財產項下攤還各債主抵押之物董事有贖回另售之權 第三十五條 抵押之物因逆料市價勢必騰貴其數將逾所欠之外者各債主可商同董事知照抵押主展限三個月歸董事待價變賣限滿無論已未變賣或贏或虧仍由董事按月計息連同原本算還抵押主收回 第三十六條 抵押之物慮及跌價或性質易於霉壞不能久屯經抵押主告知董事查明果無別項情節立即簽字許其變賣如係標封貨物亦准先行變價以免耗折 第三十七條 抵押之物如遇重疊典借款項者其物提歸董事變賣得價無論押之前後數之多寡合兩家款目分出股份將所賣之價按股均分 第三十八條 商人出有向支期票使用若經受票人持票到向支之莊號簽字承認如期付款後雖遇出票人破產受票人屆期仍可向該莊號憑票支款倘此項期票未經向支之莊號簽字若遇出票人破產該莊號可以不認此票 第三十九條 破產者放出之帳經董事查核後開明各欠戶數目清單送交地方官出示限各欠戶於一月內赴商會覆對明白仍按原立期限清還若欠戶避匿不到或延誤不交者由商會報官追繳 第四十條 帑項

公款經手商家倒閉除歸償成數仍同各債主一律辦理外地方官應查明情節如果事屬有心應照倒騙律嚴加治罪 第四十一條 事內經費可由董事在破產者財產項下覈實支用開單送交商會及各債主查核認可後方准支銷 第五節 處分財產 第四十二條 董事及各債主查明破產者實係情出無奈並無寄頓藏匿等弊應將現存財產貨物公估變賣得價並追清人欠之款通盤核算定出平均成數攤還各債主收回即各具領狀二紙分送地方官及商會存案 第四十三條 他人寄存之財產貨物應向董事查明查係屬實方准原主取回 第四十四條 呈報破產前半月內批買之貨物未經付款原件尙未拆動者賣主可向董事查明查係屬實准將原貨物取回 第四十五條 破產之商不得涉及其兄弟伯叔姪暨妻並代人經理之財產凡有財產照商會章程赴商會註冊將契券呈驗加蓋圖記或邀親族見證簽字方爲有據 第四十六條 一家財產業經分析如在一年以前曾在商會呈報存案者破產時准由董事查明告知各債主可免其牽入破產案內議償 第四十七條 破產者在他號附有資本應將股票合同交與董事歸入財產項下備償惟須憑董事向該號他股東商定辦法各債主不得逕向索欠 第四十八條 倒閉之商若將財產償還各債後實係淨絕無餘並無寄頓藏匿情弊應由董事向各

債主聲明准於未攤分以前在財債項下酌提該商贍家之費約敷二年用度以示體恤

第六節 有心倒騙 第四十九條 凡商人吞沒資財詭稱虧折有心倒騙者經債主控

告或商會查知報由地方官應先將現存財產貨物查封交商會代管一面緝提該商管押
審辦將倒騙情形出示布告 第五十條 倒騙之案仍由商會選舉董事辦理一切事務

第五十一條 商人席捲鉅資倒騙潛逃並無帳簿可查地方官應即行文通緝一面標
封現存產業貨物由商會舉董邀集各債主眼同查點造具清冊並彙齊各債主所呈單據
開列戶名欠數報官存案先將所存產業貨物估價變賣通盤核定成數令各債主收領俟
該商緝獲到案再行追繳 第五十二條 凡有心倒騙之案除將財產貨物變價備抵外
酌量情節處監禁二十日以上或罰金五十圓以上一千圓以下或監禁與罰金
併科 第五十三條 凡左列各項情形以倒騙論 一關於契紙帳簿字據等類隱匿銷
燬或塗改偽造及虛捏者 二於倒閉前將財產貨物寄頓他處或詭託他人名下或虛立
債主戶名或先向外欠折扣收帳或串通他人出頭冒認者 三為損害債主起見於倒閉
前一月內將貨物賤值售脫或不惜重利圖借款項或濫出期票使用者 四平日用度奢
侈逾恆或濫向本號支取銀錢貨物或買空賣空冀圖僥倖並無可望之款以致虧折者

五借債之時並無的款可望償還或經營商業並無確實資本者 六既經呈報破產故意延緩不將財產貨物一切權利及放出債項在地方官或董事處悉行呈報或不將財產貨物除本人及家屬需用之衣服外悉行交出者 七既經呈報破產私自清還一二債主致各債主所得未能彼此平均者 第五十四條 犯第五十三條一二三四等項者必待各債主告發經董事查有確實證據方可報官審辦 第五十五條 在倒閉前兩月以內該商將財產貨物故意贈送與人或假托抵押債主或將未到之債提前償還有確實證據者各債主可以不認由董事將前項追回歸入財產項下辦理 第五十六條 凡倒騙之商不得沾第五條第四十八條之利益 第五十七條 犯第五十三條第二項之同謀勾串人應照爲從於首犯罪上減一等科斷 第五十八條 倒閉之商逃避無蹤並無財產可償致所欠之債毫無著落者令擔保人照該借券內所保之數認賠若擔保係二人以上俱有分任之責但借券內並未擔認款項及呈報破產後僅保該商人在外聽候傳訊者不在此限 第五十九條 擔保人賠償後如倒騙之商到案將所欠之債議償了結者擔保人可收回賠償之款 第六十條 借券中之擔保人如與倒騙之商一併逃避者應照爲從於首犯罪上減一等科斷 第六十一條 商家使用莊款及批取貨物之款其先有人特

具信函或簽名帳簿願作擔保者如遇倒騙之商逃避應照列名借券中之擔保人一體辦理 第六十二條 商家專任夥友經理該夥如有侵蝕挪移及私行營業等弊以致虧折倒閉者除嚴提該夥到官審實照有心倒騙治罪外應將所有財產查封歸入該商財產項下備償商會將該夥姓名及舞弊情節登報布告商家不得雇用 第七節 清償展限 第六十三條 商家因市面緊迫一時週轉不靈或因放出之帳暫難收回致不能應期償還債項者准其據實呈報商會邀集各債主會議酌予展限或另籌辦法免致倒閉以盡維持之誼 呈報展限應聲明各款如左 一聲明展限緣由 二呈送歷年收支簿現存銀錢貨物產業傢具各簿及借放對數表 三聲明如何償債之法訂期何時並以何項作抵 第六十四條 債主會議展限議決之權照第二十一條辦理 第六十五條 展限以議決之日爲始不得逾一年以外若到期仍不能清償應即呈報破產 第八節 呈請銷案 第六十六條 倒閉之商如查明情節實有可原且變產之數足敷各債至少十分之五可准其免還餘債由商會移請地方官銷案 第六十七條 倒騙之商如果知悔自首將所欠之債按十成補繳清完各債主許其自新具呈商會聲明俟商會議決後移知地方官銷案免其治罪 第六十八條 地方官據商會移請銷案即行出示曉諭一面令商會

登報布告以兩月爲限各債主果無異議方准銷案仍由地方官詳由督撫咨報商部查核並候年終彙咨刑部存案 第九節 附則 第六十九條 本律自奏准之日起三個月後爲施行之期

各省商務彙誌

京師○京城地面不屬商埠定例凡有各國商人不能在內地開設行棧近有日商木造真雄在五道廟開設義昌洋行經巡警部咨行外務部照會日使請其按照約章飭令閉歇

直隸○刀商殷文德不惜工本製造軍刀能與洋製相仿而價尤廉賤近已稟請直督袁慰帥給與專利經袁慰帥派員考驗尙與外洋所造無甚差殊因卽照准並通飭各軍各鎮所有應用軍刀均須向該商訂購云

奉天○沙河子大東溝各處開闢商埠已有成議茲經將軍趙次帥勘定西關外附近火車站毗連省城一帶空闊之地作爲奉省各國通商場其沙河大東二處商埠亦已派員會同東邊道前往勘辦○奉省商務總會擬定暫行商訟章程電經商部核准試辦○錦州商務未盛近經沈大令錫三前往勸辦商務公所以資整頓衆咸贊成並舉王君登相爲總理白君雲輝爲協理

黑龍江○哈爾濱爲吉黑兩省商貨匯歸之所且爲外國貿易之中樞惟商情未能團結近經呼蘭府李太守鴻桂木蘭縣辛大令天成傳諭各商先在呼蘭設立商務分會復會同交涉局杜觀察學瀛婉勸各商設總商會於哈爾濱以爲歸宿其餘吉黑二省各城鎮亦均設立分會隸於總商會以通聲氣已稟請將軍程雪帥咨照吉林將軍達馨帥飭屬仿辦

並將議定章程二十一條呈明商部立案

江蘇○常昭二縣商務繁盛近經該交各商公舉楊君崇光為總理開辦商務分會又閱行為上海首鎮商務殷闐亦經該鎮商董潘君志成邀集各商議設立閱行商務分會公舉朱君承鼎為總理又如阜上接通州上海下達裏下河一帶商務亦盛茲經該縣職商陳君光源等籌設如阜商務分會舉沙太史元炳為總理又溧陽商務雖未大盛而商部奏定商會章程附則有凡屬縣治均可設立分會之條故該縣各商近亦議設溧陽分會藉興商業以上四處商務分會業由上海商務總會通崇海花業商會分別呈明商部批准立案○上海新開迤北一帶前經紳商會議自開商場以興商務稟經江督周玉帥派委徐觀察乃斌至滬辦理在案嗣滬上各商董以近日英美工董局時在該處派捕收捐亟宜預圖抵制特再公稟江督請將路工改歸官辦即仿南市總工程局規制以期早日開辦聞已由總工程局各紳董將該地勢繪圖貼說呈送江海關道瑞觀察核辦○西班牙商人愛士太文前在寶山縣境開設酒肆租賃聚賭業經滬道照會該國領事飭令閉歇茲聞除愛士太文外尚有英商亦在該處開設酒肆由寶山縣王大令查明稟請江海關道核奪瑞觀察以寶山並非通商口岸若任洋商設肆貿易恐滋事端特照會英總領事飭令該商趕速遷移云

安徽○美孚洋行經理劉懋恩前擬於蕪湖租界起造油棧關道董觀察以火油最易引火不准所請該商乃就內河南岸購地建造復為商學界查悉電稟江督轉飭禁阻該商以瑞記油棧華商油棧均在該處何以置之不提獨與美商為難等詞稟由美領事照會皖撫核奪恩新帥特飭蕪湖關道照請德領事轉飭瑞記油棧即行退租以符約章而免美商藉口至華商火油堆棧四面環繞溪水與民居相隔甚遠且會稟官立案因准仍舊設立茲聞該美商已與關道商妥改就弋磯山北灘劃地建造油棧矣

江西○景德鎮盜業向分都徽雜三班茲由三班紳董公議創辦商會一所凡業盜者賣銀一元抽費一文以作興辦盜業學堂之用並擬設一錢莊以備接濟盜業用款云

浙江○衢州各商以水程裝運貨物每致損失且蹈危險特集資萬元創設公司仿照西法保險業經稟縣請立案名曰衢州水險公司云

福建○石碼爲水陸要衝商務素盛近該處各商公議設立商務分會以便與廈門總會通商分會籌款已稟由商部批准立案

湖南○常德府商務向稱繁盛自開商埠後益形發達故該處各商近已創設商會用投票法選舉紳饒君高福爲總董

廣西○署粵督岑雲帥奏請在南甯府屬亭子墟添設洋關並將南甯府城外舊檳榔關作爲通商口岸

美國華商大概情形

近兩年中國運美貨物據美國工商部報告歲值二十七兆八兆美元分列圖籍等爲十一項計祇二十兆元左右其餘七八兆元無可稽考查金山紐約兩領事報冊內開華商所運貨品幾於全供華旅之需大致除華人飲食衣服器用藥物之外更無大宗出洋貨品旅美金山之華人約有八萬以業洗衣者爲多衣工每月飯食折中計算每人八元此八元中除購用美國新鮮魚肉菜蔬之外實用中國火食約僅五元以每人一年六十元計之八萬人歲銷貨物四兆八十萬元其有用度略豐及購取中國衣服用品各項每歲約略估計統共不過美金八兆元左右華旅之用項如此華商之生計可知此外大抵洋商所運美人所用商利全歸外人蓋以華貨粗拙不堪難合美人嗜好也今就中國現有製品計之如

織造一項花紋尺寸均未考究外國用法故銷路不能暢旺餘如官紗熟羅廣東潮州之夏布多羅麻山東之本色綢頗適西人夏衣之用惜其保護稅過重必有比類相似之品價值較輕者為代銷路遂大壅滯地毯一項美用約七八種以直毛如海虎絨者為良尤尙手製每西尺一方尺約結三千結其花紋板拙略似江浙布挑之線花蓋仿波斯舊製也工作不甚佳每有兩相比對之花左右不能一式其顏色尙草木汁所染不用化學染料謂其能歷久不變此種地毯大如堂軸者值美金六七十元其廳房所用大張者可類推矣聞每製一幅約經數年或二三十年而成蓋染色織花必經數十手不得不多稽時日中國天津所製厚實可用大張者價祇百餘金惟中國毯多參雜毳毛卷曲如珠絨不及美毯之勻直前北京工藝商局攜有各種來美賽會得有獎牌如能改良舊法或可推廣銷路扇一項中國夙推杭扇而杭扇又屢赴賽會得有獎牌然決不能行銷外國蓋中國扇尙書畫極求紙質精良摺疊齊整外國或尙輕巧則冰絹霧縠或尙華麗則金碧輝煌機製則無不整齊不以書畫則不講紙質故也粵東粗葵扇原值祇十餘文運至美國陳於游觀之地得值五仙歲銷約數萬元頗能獲利磁器一項尙為中國特色品近以不知倣造西式銷數減至極微近年運至美國者美人間有購取亦不過家置一二器以供陳設且日本之粗磁價值極廉德國之瓦器尤為便宜故常用磁器之銷路盡為所奪草帽纒向為中國獨佔銷市近亦為日本攘奪大形減色蓋來自日本者潔白齊整而華貨則參差雜亂整理費時也草席近年亦為日本所奪復有以紙質製成者尤為精潔中國運美之席朽敗不堪幾至無人顧問木製品一項紫榆器具雖木質翠綠沈重然頗為外人所推許其鑲螺甸者尤中洋製惜中國製木向不知用冷熱汽蒸灼使木性伸縮有定外洋製木均用冷熱汽數百度者蒸灼數年始造為器故能歷久不變外洋樓居燥烈運到中國木器關筭處悉皆割裂近年紫榆皆製為豬肝色或黝黑色不似舊製之有光遂形減色且運美者多係花梨雜木其雕刻之花異常草率

嵌螺甸者係於木上斷一不方不圓之窟補以三尖八角之蚌殼四圍罅隙塗以黑蠟外人咸疑爲野人所製漆器一項美國所無福州所製允推佳品次則潮州者亦尚可用惟價值過昂難以暢銷其仿造洋式套几頗爲適用餘如各種小盒亦能出售惟鎖鑰及銅片包角之類尙嫌粗陋繪畫古錢羅漢之類亦不雅觀革製品一項中國甚鮮合銷之品惟廣東皮箱以成張厚革爲之蓋口謹嚴水漬不易透入漆色亦光可以鑑以言工料實遠勝外洋所製惜其箱鎖鑰易於碰損西人日馳騁於輪船汽車不耐拋擲故銷路不旺此外則惟綉貨一項尙能合美人嗜好云

美人擴張對華貿易

美國加釐福尼亞省商人雪扶致函於工商部籌擴張美在中國商務之法大致謂現在美國並無妥善代理人在中國通訊於美之商人及製造家以致中國境地情形人心好惡末由而知大有阻於我美在華商務之漲力鄙意須派一總理人在中國使美商品赴華得有妥善辦法擬就上海開一陳列所此所不獨專爲陳列可兼作代理人與美商通訊業與在滬中國巨商議及此輩巨商皆能大增榮譽於此所者也所內陳列之品不許出售以供美商及製造家聚會研求並使中國商人得以省覽定購此所費費有限而收效實多較之目前散而不聚所費爲省等語茲將其所擬辦法列下

(一)此會專爲陳設美國產物並隨時查察商務機會及爲美國在華商務作代理人及刊告白之事(觀於美貨赴華之數不多可知華人不知美產物品之故 現美之在華代理人欲推廣銷數多無實效由於無人指示中國風俗及貿易之法之故)

(二)陳列之品不許發賣(使各人所列之品無分彼此 華人入所觀覽不致爲陳設品物之人牽率擾亂)

(三)觀陳列品者概不收費所內規條不與華人性情相背

(四)任用一班有才識之人能通各處語言者爲引人看會解說之用(因中國口音性情各處不同此班非在學堂出身者不能勝任)

(五)任用一班有才之繕

譯專以英文譯華文正音及告白 (六)此告白紙須分寄中國各處並指示陳列者以告白之合法(告白紙之顏色不可使人憎惡) (七)刊印告白列明陳列之品類分寄華商月出一次以廣招徠 (八)刊印華商所營之業及住址姓名錄(因目前代理人不知華商住址無從發貨) (九)用一班經紀人攜帶貨樣分赴各埠(此項人須有才知者充之因代理人不能徧歷各處商貨須經此輩之手也) (十)將市面變動情形隨時通知陳設者以便販運合銷之品(此層為美代理人向來未曾計及者) (十一)別國貨樣價值須隨時通知陳設者(隨時考察市面有何品被人仿製而值轉廉者) (十二)隨時通知陳設者稅則有無變動船隻往來數目及內地新開可通消息之事(隨時探聽新開商埠及船隻有何新路極關緊要) (十三)隨時幫助陳設者領商標及專利局立案之事 (十四)如華商欲與美製造家通消息而該項製造品不入陳列所及未設代理人者一律為之傳遞音信 (十五)詳記出入口貨數及代各陳列者辦書記事藉通消息如有益商務者隨時函知 (十六)以公道待各陳設者不分畛域大有裨於擴張商務其宗旨在夫有導引之功無壅閉之弊

宗 教

論欲弭教案宜講求吏治 錄丙午三月二十六日中外日報

我國今日。欲祈天永命。以維繫將散之人心。挽回積弱之國勢。實不能不以講求吏治爲急務。初非僅爲教案而設也。而如欲弭民教之怨憤。杜鉅禍之猝發。則講求吏治。實爲對病之良藥。初不等於老生之常談。試爲闡發其義蘊如下。

今試問爲平民者。何以願入教。近來之入教者。何以多而益多。固不敢爲萬方一概之詞。以爲入教者。必有所爲也。然而入教者利益。則固已盡人皆知。無事時則鄉里之土豪。閭巷之遊民。好恃勢以欺人者。咸望之而却步。其或有事爭執。以至涉訟。則教民與非教民。其地位之優劣。乃判若天淵。甚至同一訟案。理固均可以得直。而在教民。則可以當堂立斷。無拖累之苦。無耗費之患。而非教民。則其身家性命。全操於縣官。審結之期。既不可知。曲直所在。尤難預決。則人亦何苦而不願入教也。試舉近事證之。近來各處教士教民。或偶聞風鶴之謠。傳。或偶被鄉鄰之詬誶。不必果有其事也。而教士教民。輒卽電告大吏。大吏亦卽電飭府縣。府縣一奉電飭。卽雷厲風行。盡力從事。不兩日而保護周到。地方安靖。之覆電達於省臺矣。

教士教民之有力量如此。其辦理之神速又如此。而回顧吾民。則固有家被盜劫。身亦受傷。殞命。而經年累月。行劫者永無緝獲之期。受害者更無伸雪之望。徒使孝子慈孫。抱不共戴天之恨。以與之終古。而歎息痛恨於官吏之玩視民瘼。則官吏之對待教民與非教民。夫亦大可見矣。

嗚呼。小民何知。豈能與之言。保護國權。護衛同種之高誼。彼見夫入教者。事事占便宜。如此也不入教者。處處受虧。如彼也。則又何苦而不入教。彼又見夫一經入教。則有外勢可憑。藉爲官吏所畏憚。於是良善者。不過藉以爲護身之符。桀驁者。即藉以爲作惡之後盾。其初固因未嘗入教之故。有所忌而不敢妄爲。其後即因已經入教之故。以向所不憚於人者。還以相加。甚或逾量以爲報。任情以逞忿。此乃理所必然。無足深責。至是而地方遂以多事。民教之爭訟。遂以愈煩。若遇強項之吏。對於此等案件。但論是非不分。民教何嘗不足持兩造之平。而弭無形之禍。顧如此。則教民之膚慙。教士之責言。終日糾纏。殆非人所能堪。則自不得不虛與委蛇。姑以入教不入教之分。爲得直與不得直之左券。以求一日之安。而暫解目前之圍。此殆不得已之辦法也。至是而教民之勢。遂以愈張。平民之怨。遂以益深。積怨既深。自難日久無事。夫凡有血氣者。莫不有恩怨之見。報復之思想。顧中國自士大夫以下。其思想

最爲單簡。使語以時勢至今。當亟講求自治之策。庶團體既堅。彼恃勢以凌人者。自無所容。其身以爲崇。而彼固不解所謂也。又使語以吾人在今日。宜有種種之預備。以厚培其實力。庶內力既充。則外侮自迎刃而解。而彼又不解所謂也。但使與之言洩忿。質而言之曰。出氣。則弱者怒於色。強者怒於言。而奮然起矣。試觀邇來各教案。何一不由此而致。至於保國家。爭主權之說。乃士大夫所飡聞。而非若輩所能喻。若夫洩忿以後。必至凶於而家。害於而國。則更非若輩所能喻也。

綜以上所言觀之。即可知中國所以多事實。由官不能盡心於民事。民不得不託庇於外人。於是爭相入教。此爲第一原因。及乎入教後。知百姓畏官。官畏教士。於是咸藉外人以抗官。而官亦無如之何。遂不見好於教民。而忘夫平民之懷忿。此其第二原因。迨至民教不和。積成冤對。有觸必發。如響斯應。遂爲吏治不修之結果。教禍愈熾之起因。而事遂不可爲矣。故今日欲弭教禍。必從講求吏治入手。使爲地方官者。於民間之事。盡力經營。持平辦理。使民人不因未入教之故而失所仰望。亦不因已入教之故而敢於恣肆。則又何教案之有哉。

兩湖總督張密電奏陳查辦南昌教案情形稿

宗 教

兩湖總督張密電奏陳查辦南昌教案情形稿

二十九

查江令因傷致命情節據道府縣親見該令手書數紙均謂王安之逼令自刎一刀復有兩人執手用刀剪連戳咽喉兩下等情現又向江令家屬索出江令手書一紙文云意是逼我自刎我怕痛不致死他有三人兩拉手腕一在頸上割有兩下皆大字又小字云痛二次方知加割兩次欲我死無對證等語前後語意均同據中國仵作醫生查驗皆供據洗冤錄確係被人殺死並非自刎據美醫證書云整齊之橫傷在咽喉靠喉結之處又一傷傷口參差不齊將喉結前面從中一直分開又云整齊之橫傷是用利器所割其餘之傷非用利器又云第一傷用力輕第二傷用力重等語此係用刀自刎以後又被人用剪戳傷之確據何則剪利於刺不利於割故傷口參差不齊自刎故力輕人戳故力重也一法官醫福庚具畫押憑單云傷口係在頸之中間喉核之上開作扁形約橫寬三寸係用利器所割無疑又云有第二傷口係直式與第一傷口作縱橫亦係用利器所割此口亦可容指等語此係刀傷之後又受剪傷之確據也又云至於兩傷是否同時雖非同時亦相距不多時耳此爲直傷亦係在教堂所受之確據也兩洋醫皆謂係兩傷一橫傷一直傷惟美醫則謂直傷較重既係橫直兩傷後傷又重是江令實死於加功不由於自刎確有可憑矣即前有自刎一傷亦由王安之威逼所致惟當時江令僕從茶房均被教堂攔阻不准入內究竟如何加功如何威

逼外人皆不得知此時欲尋證人非將教堂司事劉宗堯幫工艾老三僕人胡恩賜三人提案研訊不可且江令受傷在劉宗堯房內其手書內既云他有三人兩拉手腕又屢提劉先生是劉宗堯尤爲案內要證昨囑贛撫電達潯道商之郎主教速送三人到南昌訊問並力認保護斷不刑訊郎主教意不敢交殊屬不解竊思傷憑醫官案憑見證洋醫既斷爲兩傷後傷較重然則後傷是何人所爲前傷因何事起釁不憑證人何從定案查法官醫驗傷憑單係法參贊臨行時始行交出故當日劉艾胡三人到省未能細問今既據有法官醫憑單自應傳案質證大約江西教民則皆曰自刎平民則皆曰被殺然詢訪在江西之英美各教士多有歸咎於王安之者足見公道在人法人欲保教堂名譽故以全力爭此一節事關交涉因難澈究然而國體所關民心所係彼縱不認加功我亦決不能斷爲自刎卽至萬不得已之時存疑較勝武斷至於威逼情節更斷不能抹殺或謂江令傷本可不死因焚燬教堂後有某人逼之自死尤屬莠民誣罔之言查江令才具素優官聲最好其新昌教案保全一縣性命弭禍定亂其功不小此次被害亦由於爲民力爭雖重傷慘痛之際各手書皆諄諄以救民保民爲念故江令死後江西士民同聲悲痛憤不可遏新昌上高兩縣百姓來省痛哭弔祭者何止數萬人在法人恃強偏執辦理自不免棘手惟無論如何議結總不能歸

咎江令雖不能責抵償於外人尙可存公論於中國俾日後可爲江令奏請優給卹典以勵愛民捐軀之良吏庶足以存國體而服民心且免教焰日張日後更難保護區區愚慮不敢不言伏祈 聖明鑒察密電上陳請代奏

中法新定南昌教案善後合同

爲立合同事近因南昌滋事殺斃法人焚燬教堂學堂一案 大法國 大清國政府均願將此案公平議結以期兩國交誼益敦和好已經商定各派委員會同查明辦理 大法國 欽差特派三等參贊官世襲子爵花翎頭品頂戴端貴 大清國外務部奏派直隸津海關道花翎二品頂戴梁敦彥前往南昌詳細查明南昌縣知縣江召棠身故緣由本年正月二十九日南昌縣知縣江召棠到天主堂與法教士王安之商議舊案彼此意見不合以致江令憤急自刎乃因該令自刎之舉傳有毀謗法教士之訛以致出有二月初三日暴動之事中國國家已自將有罪之人懲辦茲將外務部與駐京法國欽差議定各條開列於左免致嗣後彼此或生異詞 第一條 應給被害教習五人家屬撫卹銀四萬兩另給一萬兩作爲後來新教習等川資經費之用其款應以庫平庫色兌交駐滬法國總領事收領 第二條 新昌等舊案及南昌新案所有被燬教堂學堂養濟院等處及教內之人房屋並一切

物件總共賠償銀二十萬兩整交由教堂提款償補各教案內之人之損失作爲一律了結
第三條 第二條所載庫平庫色銀二十萬兩分爲十次交付每三個月爲一期二萬兩
交由法國主教在九江收領 第四條 所有被燬教堂各紅契應由地方官從速補給管
業執照並在南昌縣城內借予教堂房屋一所以待教士蓋有房屋卽行遷移 第五條
江西巡撫應行從速出示曉諭其告示底稿已經外務部與法國駐京欽差會訂 以上五
條分繕華文法文各四分其一存外務部一存駐京法使公署一存江西巡撫衙門一存九
江天主堂

大法欽差駐紮中國全權大臣佩帶榮光四等寶星巴押

外務部左侍郎聯

押

大學士外務部會辦大臣那

押

大清欽命

協辦大學士外務部尙書大臣瞿

押

外務部右侍郎唐

押

西曆一千九百零六年六月二十號

大清光緒三十二年閏四月二十九日 印

一面係法文 法國欽使押 火漆印

浙江洋務局 美南監理會 會訂湖州海島祠學基地辦法合同

按湖州因聖廟基地事與教會糾葛一案曾於乙巳經浙江洋務局與南監理會議定辦法訂立合同而外間獲見合同原文者殊鮮今因此案爭執未已特為補錄如下

浙江巡撫部院聶暨湖州紳士代表總理洋務局許美南監理會代表潘慎文韓明德畢立文商訂議結辦法如左 一 監理會允還聖廟基地十五畝上下照下開四北至聖廟即老牆脚為界南至公路為界東至以新造圍牆大門為界西至以基地盡處為界另有在基地之南兩塊小地一併歸還 二 許道臺允給監理會地價築牆墊土等費上海規元一千兩 三 教會所還之地上任聽建造各項房屋惟不得建造不潔之屋致礙教會 四 監理會情願於基地東邊讓出二丈寬之地作為公路

光緒三十一年二月十八日 西歷一千九百零五年三月二十三號 雲飛得領事蓋印

各省教務彙誌

河南○西平縣人吳太山自將淮甯縣教民苑心順全家殺斃後隨即逃回西平淮甯縣左令迭奉憲飭拿辦即派勇役

百數十名由該縣城守營汪把總慶瀾督率前往詎汪至西後挨戶搜查騷擾勒索遂平匪首苗金聲遂乘機造謠激動衆怒三月初三日在八里莊豎旗起事先擬攻奪武陽縣之武城鎮並鄆城縣之開十鎮然後攻取周家口燬堂殺教乘勢至淮甯戕官刦獄時鄉民恨汪甚故附從者愈衆迨至武城因早有備遂改道至西平之大王莊金剛寺等處盤踞擬即攻城南汝光道朱觀察壽鏞得報親自督隊馳抵西平率同黃令嚴防電請省憲撥兵數營馳往攻剿適鄂軍亦到協力攻擊始將匪勢驅散苗金聲率黨竄入嵯岬山平在遂負隅抗守各軍力攻兩日方於十二日擊破苗匪受傷而逸餘黨轟斃者約三百人生擒者百餘人擒後正法者數十人旋苗金聲竄至鹿邑隱匿爲豫正營楊甫弁購線拿獲解赴西平由朱觀察訊辦而吳太山則在逃未獲云○泌陽縣屬宋莊教民宋福桂平日藉教詭人橫行鄉里族鄰之被其魚肉者無不恨之入骨自遂平匪首苗金聲起事後同族宋青雲即乘機入會於三月初五夕藉會匪之勢將宋福桂夫婦及宋妻弟楊七一併殺斃該縣趙大令聞報即詳稟省憲緝拿兇手嗣經南陽鎮郭總戎派隊將宋青雲拿獲訊供前情不諱即發交泌陽縣收禁照例嚴辦

江蘇○華牧師俞國楨近特聯合同志自立教會其宗旨無分民教一主和平凡遇詞訟到官祇問事之是非定其人之曲直以期消釋嫌疑裨益大局已稟奉蘇松太道瑞觀察批准立案○金山縣境天主教民姚阿生姚阿秀姚鳳生等指華亭縣屬前岡民人王阿小竊物因將其毆傷身死報經華亭縣趙大令詣驗並函請天主堂謝司鐸交兇旋獲到姚鳳生一名訊供王阿小實被姚阿生將樹枝毆傷身死而已僅爲幫兇等語趙大令即再函催謝司鐸速交正兇姚阿生並錄供通詳各憲核示

浙江○鎮海縣屬小港地方有英教士租借民房分設耶穌教堂一所二月下旬鄉民賽會向教民仇紹棠寫指仇之妻

已捐錢一百文仇歸不允兩相爭執不逞之徒遂將仇紹棠所設之紙舖擄毀廟遺教堂相離不遠亦被乘勢拆毀該縣翁大令聞信即會同劉參將帶同兵役馳往彈壓秀民乘間逃逸迎會之人亦紛紛星散當即電稟省憲查拿滋事各犯即與駐甯英領事議定賠款拿犯二條一再磋商始允共給修理教堂及賠償紙舖洋一千圓了結滋事首要即責成該處紳耆查訪姓名務獲究辦云

安徽○江西鄱陽縣屬時山在鄱色東北鄉匪徒倡立洪道會共推黃淑性為首借仇教為名希圖起事四月中旬糾黨數百至

洗馬橋在浮梁縣界教民吳耀南家尋仇即將耀南之姪順生殺斃旋為官兵訪拿即竄入皖省建德縣境拆毀小嶺保即洪家亭

天主分堂一所又焚燬楊林保即楊林河及畚獅保即木塔口分堂各一區該縣聞報飛稟省憲派兵搜剿一面會營督役分投彈

壓旋緝獲汪榮周等六名訊供入會等情不諱詳奉撫憲批候派委會審按名訊取確供嚴行懲辦餘匪經緝捕營杜游

戎統兵到建聞風逃散其在畚獅保者亦經江西饒州兵隊擊散匪首黃淑性旋為饒州府拿獲餘匪首余和尚等竄至

祁門閃上地方經該處鄉團擊斃餘黨伍秋狗陽毛九蕭景春江三元等亦由兩省先後擒獲尚有要匪首梁彩朱茂盛

汪九余訓雨等十餘名已由贛皖兩省通飭各營縣嚴拿未獲所毀教堂屋則以賠修銀二千四百七十三元九角了結云

福建○福州耶穌教董會同紳士訂立民教和平會條約十二條紳士中公舉品望兼優者二人為總理各教堂亦舉總

理二人以董率入教門徒凡遇民教交涉之事非先到局調處官府不為理如到局調處而有狡展不遵者即據實稟官

嚴懲無論民教有事到局一律待以優異之禮云○日本本願寺教堂已在泉州府城內西街大寺後設立華人之入其

教者共有三千二百餘名○漳浦鬧教土匪經官兵痛剿將匪首正法後餘黨竄於山僻於三月初八日復率眾圍攻某

鄉林姓家林姓兄弟三人皆天主教民當土匪之初至鄉人懼其株連持槍禦之該匪聲言余輩欲殺者教民斷不累及

鄉衆願毋干涉。否則玉石俱焚等語。鄉人懼退。該匪乃縛林氏三人。林氏與敵被殺一人。餘二人為匪擒去。一至半途。被殺一被殺於山上。後復集於湖山。灶山一帶。高樹大旗。上書天地會字樣。聲言為已殺之匪首蔡熙復仇。四月二十日官軍往剿。與戰閱三時之久。兵匪互有殺傷。幸官軍後隊繼至。包抄圍攻。匪始敗遁。入山官軍慮兵力單薄。山路又險。不敢深入。遂扼險要。以待省垣大營到。浦然後進剿云。

四川○川省巴塘教案現經倪主教德隆在省議結共賠銀十二萬一千五百兩。連前因風全而死之牧師命價在內並經錫清帥奏保該主

教請給三品頂帶重慶稅務司李華達亦經錫帥請賞寶星

廣東○粵省連州教案議定賠償教堂及教士教民等損失銀六萬兩現已由署粵督岑雲帥交由廣州美領事收領移交長老會此案遂結○粵人余君錫生由美屬金山各埠糾集同志捐資回粵在汕欄門創建華人自立基督教命名美以美會附設英文學堂一所並無西人干涉落成之日由余君錫生主席並由在會同人次第演說畧言近日民教決裂實由中西隔閡之故今特在內地倡設基督徒自立會以期民教從此融洽云

各國教務彙誌

日本○日本宗教局長斯波因佛教各派近在中國傳教特下諭戒飭東西兩本願寺各教派云關於取締我邦各宗派在華傳教師行動之事件前已數次通牒惟近日傳教者每於中國干預地方之訴訟事務致生種種紛議且惹起無謂之交涉此實逸於宗教家職分之外不惟失墜我國宗教家之信用且為國交上煩累之因各宗派亟宜嚴飭在外之傳教師使勿生不利之事云云

法○法國自分割政教後有天主教教士一萬五千名願請政府發給養老費

宗 教

各 國 教 務 集 誌



三 十 八

六 月

小說

立志
小說 美人煙草

續前

七

日本廣津柳浪著
錢塘吳櫛譯

吉見義久的試驗卒業。到得六月杪時候。既得了成績。定於七月初五日。給與卒業文憑。琴子心中歡喜。自不必說。當即預先在本鄉區小石川邊租下一所清淨的屋宇。以備義久出來擇日成婚。暢敘家庭之樂。到得七月初四那天。早將明天行卒業禮的衣服。備辦齊全。送到清川下宿屋。義久將來一件一件穿好。看了前面。又看後面。剛剛稱他身材。義久更喜的了不得。隨約定明天午前來此。待到點燈時分。琴子告辭而去。

琴子正在下二層樓。突然見樓下有箇身穿西服的學生。立在那裏。兩人眼光一閃。大家一同驚得臉也變了。噓。這是什麼緣由。原來那學生就是那天夜間和瀧山喝得爛醉。同到煙草店吵鬧的金原某。

金原直上二層樓走去。琴子呆呆地望著他。

「那人就是侮辱我的人。但或是義久的朋友麼。却也難說。」

嘴裏咕嚕著。意欲回身上去。到義久面前當面責他。又轉想如今沒空閒。且待明天來時。將這事告知義久。叫義久責他。恁地一想。仍然回家而去。

哦。金原原來和義久同在一校。也是明天受取卒業文憑。當下到得義久屋裏。略談幾句。金原就睨著義久傻笑。

「吉見。你和好一箇妙女來往麼。」

義久不解來由。『妙女』

「方纔下樓那箇女子。」

「那女子麼。」義久不覺好笑起來。金原又說下去。

「那女子可是清白身家麼。」

「你爲什麼說那樣話。」

「爲什麼呢。你我都被他欺蒙了。」

「糟了。爲什麼說那沒來由的話。」

「你道那女子是什麼人啊。你在外邊交際應酬。還不知道那女子的來路麼。」

「怎麼說那女子的來路。」義久睜眼。還是不明其故。

「哈哈。那女子就是美人煙草的阿琴。乃是早稻田那邊有名的美人。美人煙草阿琴又叫阿娘。又叫阿琴。就是他。一箇老兄。你還不知道麼？」

「呀。可鬧錯了。美人煙草的阿琴鬧錯了人了。」

義久說著。因金原的話。來得蹊蹺。出於意外。早是十二分的不快。額角上漲起了青筋。眉梢上支起了縐紋。身子幾乎發顫。金原又往下說。

「呀。人必不錯。我再不忘了他的面相。確然在早稻田煙草店裏。名叫阿琴。是箇賣淫婦。『啐。無禮失敬。』」義久高聲一喝。又責道。『金原。你和那女子結下什麼冤讐。要糟蹋他那樣污穢。』」

義久那時。已是說不出的難過。只瞪著金原。隨後就不言不語。金原又道。

「吉見。你毋須動怒。我確曾到過那女子家中。爲此敢說這話。」

「你到過琴子家中……琴子叔母的家中……」

「怎麼叔母。」金原反倒不解。又道。『哼。那稱呼叔母的老婆子。也在那裏。却不見什麼真真叔母。若真真是叔母。怎能讓客人進去。彈三弦。唱小曲呢。』

「怎麼。琴子的叔母。在客人前。彈三弦。唱小曲……說瘋話咧。」

「吉見。你不會見過阿琴的叔母嗎。」

「是啊。爲因有別的緣由。不會見過……」

「恁地。阿琴家裏。你可曾去過。」

「呀。也不會去過。但琴子斷不是那樣女子。定然是鬧錯了人了。」

金原又看著義久的臉。總是含著微笑。

「吉見。你真被阿琴欺瞞了。」

義久大喝一聲。「無禮不得與我多言。」隨又申明「琴子欺我……妻能欺夫……」

「吉見且慢。」金原喫了一驚。阻住義久說話。又問「那女子是你的妻君麼。實想不到。」
義久連忙接著。

「我不曾告訴你。便任是誰人。我也不曾告知。意欲待卒業之時。成了家室。然後宣布出去。因此至今隱瞞著。但你侮辱我的妻子。竟敢譏他是賣淫婦。那是逼得我不能忍耐。只得和盤向你說。知我今日得能卒業。乃是琴子替我籌給學費的。他爲了我親自身爲勞役。這纔使我有今日。我那琴子。可斷不是這箇。你說阿娘阿琴……金原。我和你以後。只索絕交。快些請你回去罷。」

說著。早是情不自禁。鬱氣填胸。一面憤恨。一面催下幾點眼淚。金原又著手腕。暫時想了一回。隨又正言正色。

「吉見。你若不要絕交。沒有法子。只得依你辦理。若果然鬧錯了人。我自當謝失言之罪。但吉見。你說你的妻子。親自勞役。籌給你的學費麼？」

「正是。」

「你說你的妻子服役麼？」

「一些不錯。拙妻爲有別情。斷絕學費。不得已爲我勞役……著啊。自己廢了學問。專心爲我。」

「恁地說時。實是非常賢女。做婦女。作爲給男兒學費。情願服役。真是難得。難得。你說你的妻君。恁地幫扶於你。試問他在叔母身下。做些什麼事。來給你的學費啊。」

「那箇却連我也瞞著。」

「你是他的丈夫。他也瞞著不說……恁地時。可是他叔母借給學費與你麼？」

「呀。他叔母那邊。也將我的事瞞著。並不直言。他叔母斷無借給學費與我之理。」

金原聽了。義久說話。更覺有勁。不覺失聲大笑。

「吉見聽你方纔回答的話。這其中更沒有什麼可怪的事。你須得三思而行。你想那女子所爲的事。不是很可詫異嗎。我雖失敬。但却不是捏造虛言。如今婦女价的職業。比起數年前來。已是興盛得多。但凡受高等教育的婦女。都是做會社公司裏的書記。每天得薪水五十錢。已不是容易的事。公司的書記尋常不過三四十錢一天。恁是那婦人每天能得五十錢。這就能敷你學費房伙以及零用雜費的大款麼。你這多時做著學生連衣服等類。都是他替你備辦。吉見是呵……這樣大款。那女子能彀賺得麼。若是正業。他若就著正業。却爲什麼要恁地機密向你隱瞞呢。你是不會細想麼。他的叔母之前。不能將你的事稟明。我倒沒甚批駁。但他叔母的住址。也要向你隱瞞。不肯直說。這是什麼道理。這件事恁地草率疏忽。實不像似你深謀遠慮的吉見義久。總而言之。你是過於信任那女子了。比如這件事在別人身上。你置身局外。察看察看。究竟如何。你仔細想想。吉見。你道他能彀辦得到麼。」

義久是十二分相信琴子。說道。金原所說那美人煙草的阿娘阿琴。和我最愛的未婚妻琴子。定然是兩箇人。金原雖說認定就是他。斷不有錯。但他那裏知道內中緣故。如今我也不便過於排斥金原。和他分辯。琴子是瞞過住處。瞞過職業。一箇年輕女子。服著勞苦。幫助我

偌大費用。雖則也難。免疑心。但任是怎樣也斷不致像金原所說。喪廉沒恥。卑賤到那樣地步。做那樣的醜業……當真胡言亂道。就是你心裏狐疑。也不能將那樣話來侮辱琴子；呀。可惱。可惱。我斷乎不疑。我斷乎不疑。義久三翻四復。想來想去。心裏到底不平。

「金原」

這聲色非常峻厲。大有絕交模樣。喊聲未了。接連又問。

「你難道想不到鬧錯了人麼？」

「正是。不論怎樣。我再不會鬧錯了人。」金原答語未完。又追著回問。

「你到底疑我的話麼？」

「我不論如何總不能猜疑琴子。」

「恁地時。這麼著。我領導你到那源兵衛村美人煙草店裏去。你若見了阿娘阿琴那女子。真假黑白。自然立刻分明。如果真是我看錯了。那不是你的大幸嗎。我不論怎樣賠禮謝罪。都可以辦到。著啊。咱們去了再講。」

「呀。我不去。總之你說得那樣卑污。到底不近情理。我須不忍侮辱琴子。」

「雖是恁地說。但若真假分明之後……」

「呀。就是不去。琴子也快來了。」

「喝。琴子快來。今天還來麼。」

「呀。我和他約定。明天來到這裏。等待我受取卒業文憑回來的。」

「恁地麼。我有箇好方法。吉見。我只須見一見那女子。就好。若是那女子。認識我。你可……」

「呀。斷沒那樣事。」

「呀。難說難說。」

義久被金原頂駁。回答不出。金原又得意開言。

「到得那時。你任是怎樣相信於他。可也不能和我爭論。吉見。那時你可不疑我了麼。」

義久不得已。只有點頭。

「明天打學校出來。一直和你同伴到這裏來。可好麼。」

義久又點頭。首肯。

「你再細細想想。今日是我失敬。明日向你賠禮罷了。」

金原說罷。當即辭別而去。義久一時惟有長吁短歎。心中歷落不安。但任想到那裏。總不疑。

心。琴。子。反。恨。金。原。不。近。人。情。恨。不。得。當。場。痛。斥。他。一。番。纔。出。些。冤。氣。

八

琴子自從昨天別了義久之後。他做夢也想不到義久和金原爭論的事。到得午前。就穿戴停當。指著義久的清川客寓而來。暗想義久和朋友一起回寓也。未可知。到得那裏。原來義久還不會到。隨先煩客寓女僕。前去買些果品點心之類。以備接待義久。又辦下些酒食菜肴。向他祝賀。搨搨已妥。坐下安心等待。誰知一等兩等。再也不來。昨天義久曾說。極遲十二點鐘。必到。回頭一看。鐘上還沒上十二點。可恨這鐘。莫又出了毛病。走得這等慢。於是把一雙眼珠子釘住了。時鐘看他一秒一分的走。看到一分好似有一年。遠近這時光。怎好難挨。及至那鐘打過十二點。長針剛剛要到二十分左右。忽聽得樓下格子門呀的一聲。接著就聽見義久聲音。又接著客寓女僕聲音……琴子正要出迎。開那樓梯上門之時。已有得得的步聲走了上來。乃是戴一頂西洋學生帽的義久。

「你回來了麼？」

定睛一看。義久手裏捧著一卷手帕包好的東西。毋須問得。想必是卒業文憑。

「郎君要賀你喜哩！」

「這這都是琴姑娘的福庇」

義久話猶未了。緊跟著聽見「來了麼」一面說一面入來。乃是金原。琴子一見金原面顏立地想到那天侮辱我的人。怒氣衝胸。阻擋不住。瞪著眼向他。看望。目不轉睛。

金原微微笑著。「阿琴姑娘久別了。那一天實在失敬」

「原來是你。足下麼。那時我……」

金原禁不住。連忙對義久道。

「吉見。阿琴姑娘還不曾忘了我。恁地可還鬧錯了人麼」

義久不聽。猶可聽聞之下。立喚一聲「琴姑娘」眼中起了血筋。手裏拿著手帕包。已是忒楞楞的發顫。

琴子見了義久模樣。噢了一驚。正要想不知說什麼話。義久手裏的卒業文憑。早已撲的拋到琴子膝邊地下。

「琴姑娘。那是卒業文憑。我也不要。奉還於你。我依舊回到家鄉。終去掘土。便罷。仗著污穢卑鄙女子的力。任是有些知識學問。可能立在世間麼呀。若是長著四支五官的人。斷

不。屑。你。這。箇。我。實。在。意。想。不。到。」

說。著。又。將。身。上。穿。的。黑。羽。緞。衣。服。剝。脫。下。來。擦。在。一。旁。

「卑。污。的。婦。人。這。是。什。麼。人。的。東。西。」

琴。子。一。時。分。辯。不。得。含。著。一。包。淒。涼。眼。淚。雙。膝。跪。在。塵。埃。那。邊。金。原。已。是。夾。嘴。

「阿。琴。姑。娘。早。稻。田。那。邊。學。生。們。任。是。誰。也。知。道。可。是。真。麼。」

「那。是。胡。言。無。禮。」

「阿。琴。姑。娘。你。令。叔。母。又。會。彈。三。弦。又。會。唱。小。曲。」

「那。那。那。人。與。我。同。住。的。那。人。我。到。吉。見。兄。這。裏。來。不。在。店。中。他。們。鬧。那。般。笑。話。」

「阿。琴。姑。娘。你。說。那。人。是。什。麼。人。啊。」

義。久。一。發。動。怒。不。可。開。交。

「你。對。著。叔。母。說。是。那。人。那。人。究。竟。是。什。麼。人。哼。明。白。了。你。對。那。不。是。叔。母。却。稱。叔。母。不。

是。欺。騙。我。麼。」

「啊。喲。我。騙。你。的。意。思。是……」

「呀。你。爲。因。告。訴。我。恐。怕。不。妙。連。住。處。也。瞞。著。我。」

琴子不答。義久又說。

「你若沒有虧心，何必隱瞞於我？若不欺騙我，却爲何要那樣機密著嗜？你且說與我聽。」
琴子依舊不答。義久見他如此形容，更是噴煙冒火，氣得動彈不得，好一會，勉強鎮定，回頭對金原道。

「金原，我真是迂夫，對著你羞慚汗顏之至。啊啊，堂堂吉見義久，被這一箇不知廉恥，沒貞操的婦人誤了一生，說是我，不憤於始之過，可曾怨得誰來？」
琴子那時遍身抖顫，幾乎話也說不清楚。

「吉見先生，你將我說的話，如今一句也不信。」

「你一次欺人，次次是欺人了。」

「我的事情，任是說來也。」

「是啊。」

「任是我立下誓來也。」

「立誓只能一次，須不能幾次三翻。」

「恁地時，我什麼也毋須說了。」

琴子惟有千萬重怨恨不得伸冤。一口氣吸不上來，撲通一聲，跌倒在地。義久金原見出了亂子，連忙趕過去扶抱起來，已是厥了氣，只得差人前去延請醫生救治。

這段逸事，如今已經敍畢，須要歸結正文。且說琴子在清川客寓，忽然怨憤之餘，氣厥不省人事。當下金原勸義久找一箇源兵衛村的朋友探問探問。這纔知琴子素來並無下賤污穢的行爲形跡。琴子對著義久道：阿友是他叔母，連住處也瞞著，不肯直言。這是什麼原故呢？原來老婆子阿友本是慣做買賣的人，他囑咐琴子不叫義久知道住處，使義久不能來往店中。這裏却好借著琴子招攬買客，並叫買客們當琴子是孤身獨女，並沒婚配良人。因此越發來得多，擠得湧。那買賣也越發興旺起來。這就是阿友的精妙用。至於煙草舖子本錢，乃是琴子私返家鄉暗地拜見母親求得來的。不知出了多少哀言苦淚，纔得到手。開起這家舖子。

金原呢，輕信那瀧山等人，躑躅人的歹話，無意中推陷琴子，幾乎舍了終身不白之冤。及至探聽分明，萬分慚愧，再三向琴子賠禮，又因要贖取前罪，意欲介立兩人之中做箇現成月下冰人，使他們諧成鸞鳳。義久是不必說，願和琴子重締舊盟，再無二說。不料琴子因受這番羞辱，反倒回復斷絕，決定主意，不願婚嫁，竟自終身守貞不字云。

已完

小 說
美 人 煙 草



五 十 四

六 月

雜 俎

光緒三十二年閏四月中國事紀補遺

▲爲記者知此事之見於是日也
△爲記者以見報之在是日也

△北洋議仿英國藍皮書例。創刊黃皮書。△安徽屯溪
飢民掠食。△遼東官軍擊敗馬賊。△英商在福建同安
縣被毆受傷。

光緒三十二年五月中國事紀

五月初一日。△庫倫辦事大臣廷祉。特設礦政調查局。所
以杜外人覬覦也。△臨撫恩銘。特派知府任廷枚。偕駐
蕪湖英領事。至銅官山會勘礦師佔地築路事。初二
日。▲發帑銀五萬兩。賑廣東廣肇高欽等屬水災。▲廣
東鐵路公司。接收粵漢路事。初三日。△京師巡警廳
添設裁判所。歸豫審廳節制。△英署使照請外務部。電
告署閩督崇善。速查同安縣民毆傷英人案。△山西自

辦鐵路。公舉前甘肅布政使何福蒞爲總理。△練兵處
派定秋操執事各員。▲奉天遼陽州署焚。△浙江縉雲
縣土匪滋事。初四日。△日將福島山座至奉天。△外
務部電飭駐韓總領事馬廷亮。轉商日本統監府。禁絕
韓匪越入華界滋擾。△四川成都大風雹。▲新濟鐵路
開工。初五日。△江粵鄂三總督電請變通訴訟法。△
法使巴思德照催外務部速拿安徽霍山教案匪首張
正金。△外務部電飭閩督准令英艦測量閩海。初六
日。▲全國鐵路設辦事處。△湖北沔陽州屬新隄鎮。因
官勒捐罷市旋即平靖。初七日。△戶部奏請實行解
款勸懲法。△直督袁世凱。奏派孫寶琦幫辦津鎮鐵路。
△北洋勸業鐵工廠開辦。▲浙江新城縣匪作亂。燬
松溪鎮教堂匪首黃道士等旋即就擒正法。亂平。△新
嘉坡華商。設立中華商務總會。△兵部整頓各省槍械。
△吏部酌改舉人出路。科分在十年外者以知縣選用
十年內者以州同鹽大使府經歷等選用。初八日。△

飭湘撫龐鴻書。澈查湘人私賣礦山與法人事。初十日。▲蘇州常備兵徵兵私鬪。徵兵死二人。△署粵督岑春萱。電請外務部勿許荷蘭在粵招工。△駐祕魯總領事。詳請署粵督岑春萱。拒美招工開鑿巴拿馬運河。▲上海南市總工程局分設西區辦事處。△日本不准振武學校中國留學生入士官學校。十一日。▲湖南常德府開埠。▲京師巡警廳創設市政公議會。△學部電咨蘇撫陳夔龍。確查東臺毀學案。△給事中陳慶桂。請派科道部曹出洋遊學遊歷。經政務處議准。十二日。△義大利親王游歷至天津。十三日。△商部奏派唐紹儀為辦理京漢滬甯鐵路大臣。並議定毋庸改稱督辦。△安徽建德縣焚毀教堂案。以賠銀二千數百圓議結。△江西瑞昌縣民滋事。搗毀捐局。以委員王祖彝苛勒激變也。十四日。▲贛藩周浩革職澈查。以下員役亦革懲有差。▲蘇州大風雨。徵兵營房倒坍。斃數人。△練兵處議覆變通旗營舊制。△戶部咨請外務部查明

俄人佔據黑龍江呼蘭民地一案。十五日。▲以沈瑜慶為江西布政使。朱壽鏞為廣東按察使。△湖北收回舊鑄一兩重銀幣。△駐藏幫辦大臣聯豫。以赴任延緩被劾。▲江西吉安苛徵民錢。十六日。△河南陸軍。自協統以下皆撤退。由北洋選員代之。十七日。△署魯撫楊士驥。通飭各屬設立賞罰公所。△四川紳商。因英商立德樂華英煤鐵公司。與外務部所訂開礦合同滿限。稟請政府廢約。△河南武陟縣屬北塘村沁河決。△練兵處奏設測繪學堂。△練兵處派李士銳為留學日本武備生監督。十八日。△罕札薩克旗台吉。因事拿辦。十九日。△山西西學專齋生畢業。得賞舉人者五十三人。△外務部飭廢英商在安徽銅官山開礦合同。▲以黃培松為廣東瓊州鎮總兵。▲查辦蒙古事件大臣肅親王回京。二十日。△勸懲順天各官。從戶部尚書張百熙奏也。二十一日。▲考察政治大臣載澤尙其享。自外洋歸。抵上海。二十二日。▲英輪西南在廣

東三水縣屬蘇文沙被劫，槍斃英醫生一人，傷數人。▲
日本新使林權助至京。△德署使請裁撤廣東瓊州釐
廠。外務部拒之。二十三日。▲江蘇泰州匪徒劫官鹽
棧。△德設領事於營口。兼管東三省商務。▲昌圖日本
軍政署撤。二十四日。△京師法律學堂分期考試新
生。△河南商城縣匪亂，旋即解散。▲江蘇揚州貧民劫
米。▲日將福島山座至京。二十五日。▲甯滬鐵路自
上海至無錫。工竣開車。△江蘇寶應縣民變，圍署傷官。
二十六日。△京師巡警廳改製囚衣。△廣東旱。二
十七日。△戶部定設印刷造幣局。△坎巨提回部入貢。
二十八日。△考察政治大臣載澤尙其亨，自滬起程
回京。二十九日。△江蘇揚州府屬仙女廟鎮貧民劫
米。△江西萍鄉縣令彭繼昆圍捕學生一案，以記過及
撤換監督汪鳳翽了結。學生仍分別釋革。△署粵督岑
春萱禁廣州各報議論粵漢路事。△美國舊金山大同
報主筆華人劉成昌，與西女亞李佐士潔，在惡頓埠成

婚。





雜俎

光緒三十二年五月中國事紀



三十八

六月

叢談

多明我沸湖○多明我係中美洲島國。有某山全係硫石。其頂有湖。熱氣沖天。惡臭觸鼻。湖中水立如牆。高可數尺。微動湖濱。三灣九曲。其色全黃。乃硫之由來也。山高約四里。湖狀如卵。長十六丈有奇。廣八丈有奇。深不可測。時靜不動。時響如雷。蓋火山餘迹也。

電車路廣○美國鐵路極盛。而電車一項。向祇用於短道。今則逐漸加長。如南太平洋鐵路。已能行三千英里。而無須換電。每小時行一百五十里。或一百二十里。則此路一成。由美國西岸至東岸。僅三十小時得達。其故蓋由機車上自行磨電云。

轟散冰雹○歐洲夏日每有冰雹。果園大受損害。而葡萄尤甚。近有人得一法。用極大銅礮。向天轟之。每一次能散

圓徑一千二百尺至一千六百尺之氣。則此圈內之冰雹。皆爲化散。故如每里置一礮。則其災可免。現地中海迤南各邦。如法如義如西班牙等。皆仿而行之。頗爲有效云。

醫具精良○凡人身內誤入鐵物。以磁石吸而出之。此舊法也。近則濟以燃根電光。可以照見鐵物之所在。而不致無從尋覓。美國有小兒。吞鐵釘於腹。醫者以鏡照之。審知部位。微破其皮。按以磁石。鐵釘穿肌而出。戛然有聲。曳而去之。易如反掌。

炸彈新製○美人衣岑氏。新發明炸彈一種。其劇烈爲向所未有。三分鐘之久。可以擊沈最大之軍艦。彈以鐵鋼九百磅。炸藥一百二十九磅。合而成之。速率每一秒鐘。可行二十英里。內含炸藥雖多。惟必與堅物相觸。方始爆發云。

航海新器○章浪之病。由於海船隨波上下。又向前直進。物理家謂之轉輪動。兵船施放槍礮。每難得準。亦此之故。

德國漢堡地方日耳曼船廠工程師薛里克會製一器狀類風車之輪。亦如汽機之飛輪。名曰薛里克風車輪。船上安置此輪。運以機器。則此輪之轉動力。可以抵制其船之機輪動力。使船平穩。其理係自最新之重學中研究而得。漢堡航船公司。現已如法仿造。以汽備船之用。此器成後。如確有效驗。將來戰艦上可增礮之精準度數。各國海軍。又必從而改良也。

無線電之發達。○英美往來郵船。皆裝有無線電報。可以互相問訊。一日有船遇霧。及出霧見日。因發一電與他船。謂我已出霧。忽得覆電云。我船後六十里。尚在霧中。又有自德國往紐約之船。與由美國往德國之船。相遇於大西洋。兩船相距一百二十三里。因用無線電報。一路開談。值至相離較遠而止。又有一船進口。尙未望見口岸塔燈。於夜半發電十二次。其岸上一一收到。又有一船。夜間行近口岸。遙望岸上塔燈。雙易式樣。因此處塔燈本紅色而轉

動。今但見兩種白色定燈。頗爲疑慮。發電致問。旋得覆電云。塔燈已壞。故以此補之。由是以觀。無線電報之在行船。實萬不能缺也。

電製述奇。○奧京店肆。近有製電氣被出售者。其中有自來之煖氣。可以溫熨人之身體。幅內加以極細極軟之紫線。與極細之鐵絲而雜織之。由鐵絲可以下電。電入鐵絲之後。其功效但至溫煖之地位。絕無極熱之勢。其溫煖之度數。可以由人爲之。

占風雨新法。○比利時國天文家孟的。考究恆星光芒之象。於二百三十夜中。觀星七十顆。共觀至一千八百二十次。用特設器具。測定光芒之濃淡。據言天將雨則星芒更大。空氣內之氣增壓力時。或增壓力而減熱度之時。則星芒最甚。冬夜比夏夜尤甚。未雨之前兩三日。光芒加增。雨停止時。光芒卽時收小。遇大風及風雨。表水銀柱降縮時。其光芒更大。如有一處水銀驟降。則光芒尤大云云。如

能再研究光芒增減之理。必大有益於人。不但能預知風雨等事。且於測候之學亦大有裨益耳。

杖端攝影○近有人創作杖頭照像器。能隨身攜帶。其器係置杖端。若杖頭然。手持之處。即爲其器之鏡頭。其後有膠片箱。並有輪軸等件。以捲膠片。無論何處。如欲攝影。祇須植杖於地。頃刻便可畢事。爲人所不及覺。

腹內攝影○醫學名家冷君。新得一法。能於人腹內攝影。因腹內之疾。目不能見。特造一最小之攝影鏡。連以電氣。使人吞入腹中。藉電光而留影於鏡內。取出。則腹內之影在其中。情狀畢顯。以得考其受病之所在。

攝影新法○化學家賴舍爾。研究顏色攝影法已成。其法全用化學藥料。以分析光線之顏色。故所映像片。其色與原物絲毫無異。且顏色鮮明。日久不變。蓋其成色之理。係化學中各質相配而成。爲無機體。與尋常繪事中所用之有機體顏色不同。此後能以化學配合之顏色。以顯光線

之顏色。於學界工藝。均有大益。如醫藥本草圖。人身解剖圖。以及動植礦學。均可用之。

獵鯨利器○鯨爲海中巨物。應長者六十尺至一百尺。向來捕鯨之法。乘其上浮時。用戈或槍。連以長繩。擲而刺之。數次後。其力漸弱至死。然後取之。但此事甚爲危險。恆有覆船喪命之事。近時瑞威國北鄙。有人設新法。以破擊魚所用破彈爲長形。前端有四鈎。用繩圍繞勾平。另有六磅礮彈在內。見鯨魚行至相近處。測準施放。則彈即洞穿鯨魚之身。四鈎放開。彈不能出。而礮彈又復在內轟裂。則鯨即身死。上浮水面矣。

布種辟鳥法○農家布種之時。小鳥成羣。來食其種。近得一法。大爲有益。凡欲撒菽或蘿蔔或麥等種。必加火油。令溼。後用紅色鉛粉。撒於其上。用手擦勻。照常法布種。鳥啄食之。即去不復來。尤妙在無礙於種子之生長云。

製象皮法○象皮係樹汁所成。其樹爲無花果類。產於熱

地。若將其樹體鑽成一孔。汁自流出。其形如乳。不久凝結成皮。其性軟而韌。能伸縮不斷。又有一種。乃新加坡等處所產。其樹高六十尺至七十尺。其汁與前言者畧同。惟凝結之際。其質硬。入熱水則軟。可以任捏爲何式。冷時仍變硬。故謂之硬象皮。英國於三十年前初得此皮。今每年購買二萬餘擔。其軟而熟者。造法以軟象皮合於硫磺。加熱至三百二十度。即成此質。無論冷熱。皆不改變韌性。但合於硫磺之後。如加更大之熱。而其熱更久者。則變爲黑而硬之質。能造日用之器具。以代骨木等料。且能磨至極光。而亮如黑漆。

製寶石法。○世界萬物之變化。藉乎熱力者居其大半。上古土石之變化。由於地心之火力。中古至今。雲雨之施。草木禽獸之生長。由於太陽之熱力。自人類進化之始。取火焚薪生熱。補太陽熱力之不足。相傳數千載。而成今日之世界。然焚煤之熱雖烈。不過一千餘度。尙有多種金類。不

能鎔化。後人有製輕養吹火管。始得大熱。足以鎔鉑金。但其熱亦不過三千餘度。尙不能鎔化土質。惟以電氣爐之火。可高至五千度。世界物質。投入此爐。無不鎔化者。白砂投入。則不特鎔爲流質。且可化爲氣而結成白粉於爐蓋。瑪瑙一物。晶紅可愛。其原質係白坭。受地火之熱而結成者。今可以白坭投入電爐製之。比地產者更爲精妙。因此之故。格致家各設法研究。欲藉電爐之熱。製成各種寶石。法國化學士。竟能製成鑽石。與真者無異。獨未能得粗大者耳。其法係用白火石粉爲爐。並爲爐蓋。又用數寸大徑之炭精柱爲電火根。兩柱相離數寸許。以數千屈之電力過之。即發猛火於兩柱之間。其光極烈。須帶甚黑之眼鏡。方能正視。然後以生鐵片投入爐內。即時鎔化。隨加入堅炭。碎其炭。即與鐵鎔和爲流質。然後取出鐵汁。投入冷水。發聲如雷。冷後以硫強水鎔化其鐵質。即有無數鑽石細粒沉底。黑白不等。再用膠質鎔化於水以和之。則黑者上

浮。白者下沉。而可以分開也。細思其理。內堅炭可能與鐵銻合。熱度愈高。銻炭愈多。既銻之後。疾遇冷水。則鐵之外皮凝結。而內之炭質不能復鬆。故成晶石。鋼之堅利。亦同此理。實因其中含有無數細小鑽石故也。今既能成小者。則粗大者亦必可依此進求之。即別項玉石。亦無不可製云。

不銹墨水○西國墨水。用五倍子四兩搗碎。赤蘇木二兩。石榴皮一兩。淨雨水二斤。置銅鍋內。加熱水沸一小時。屢次添雨水以補所化散之水。將細布濾之。待冷。再添樹膠一斤。冰糖四分兩之一。此二物先以水少許消化之。添入即成墨水。此水初寫甚淡。未幾變成墨色。且不銹筆尖。惟所用五倍子。必須上等。否則不成。

薄紙造鍋○日本軍中所用之水鍋。極形利便。其鍋以薄紙造成。用時先灑以水。置之火上。歷時十分而水沸。此鍋價值甚廉。每具僅售日金五分。能用至八九次。

叢談

機器代蠶○美國南方有人名李門者。新得一法。能用機器代蠶。其法以桑葉碎之而成汁。如蠶食之消化。再以他料加入。則與蠶腹內之黏質無異。亦可繅而成絲。斯真巧奪天工也。昔意大利佛業斯。有繅玻璃為絲者。其絲織為紗布。能製汗衫。想亦大略相同。

盤中火山○鐵屑一百分。硫磺粉五十分。置盤內。和入熱水少許。作一厚餅。上覆泥土。及小石塊。高凸如饅頭形。頂上開一小口。一刻鐘後。蒸汽由口射出。青煙袅袅。儼如火山。惟無溶質溢外。蓋硫磺與鐵反動。蒸發熱氣。使和入之水。成爲蒸氣。學士雷梅利園中挖一地洞。入硫磺粉鐵屑和水。以泥土覆之。閱一小時。地忽聳起。蒸汽勃然射外。雷君取此驗景。以解火山之理。稱說地內反動力。更爲猛烈。週圍雜質。被蒸汽充發。溶化溢外。故火山往往噴吐沙石。及火漿流質。淹沒近旁各地。

孕兒奇法○法以出之孕婦屍腹。或脫胎三四月之雛。置

叢談

機匣中。周圍封固。惟以氣管通最淨之養氣。氣經熱水。有一定熱度。以他管抽出炭氣。匣內小輪轉動。適合嬰孩呼吸之疾徐。與肺氣之大小。醫士與養母互相照料。每逾二時。養母喂養一次。洗淨擦粉。使肉體滋生。更由氣管通入食物精。過四十日。即可由養母乳之。亦有置匣內兩月。漸而形成。漸而眼開。知啼哭。與尋常嬰孩無異。

(此四歷一千九百零四年)

(所著
驗者)

